



Bibliophile las ! ne puis :
Par trop me faut l'expérience,
Plus encor la darte science ;
Ains moult bibliomane suis.

Edouard Moura


Les Eclusettes












Digitized by the Internet Archive
in 2025 with funding from
Getty Research Institute

Les diuerfes

FANTASIES DES HOM-
MES ET DES FEMMES, COM-
posees par Mere Sotte, contenant
plusieurs belles exemples mo-
ralles, & le tout figure de
nouuelles figures,
Nouvellement imprime a Paris.

* 1 5 3 8 . *

* On les vend en la rue neufue nostre
Dame a lenseigne Sainct Iehan Bapti-
ste, pres saincte Geneuiefue des Ardens,
par Denys Ianot libraire & imprimeur.





A Pres grand dueil, ioyeufete accourt,
Paix vient apres, noyses, discordz,
contentz.

Tel a le brui& par aulcun temps en court
Qui son plaisir le plus souuent a court,
Les vngz ioyeux, aultres sont malc&otentz,
Il me suffit, mais ainsi que ientendz
Dieu naturel en fin fault que liurons,
Ass&ez de biens aurons, & peu viurons.

Tant de discordz nous auons veu venir
Depuis dix ans, & regner sus la terre,
Qu'il nous en doibt a present souuenir,
Et que fortune a fai& plusieurs bannir
Les mutilant par enuieuse guerre,
On appetoit facon, & moyen querir

Les fantasies

Desheriter lung laultre par enuie,
Lenuieux meurt, mais enuie est en vie.

Leglise auõs (par fureur) veue en armes,
Et la Noblesse eglise corriger,
Iournees gaigner & perdre les allarmes,
Grâdz interdictz sus princes & gës darmes,
Mauldire tost, assouldre de leger,
Princes mourir, les subiectz en danger,
Tout conquerir & faire a nostre poite,
Mais au partir fallut compter a lhoste.

On a tât fait daccordz, dappoictemêtz,
Crier la paix, mesmement feux de ioye,
Et en passer lettres & instrumentz,
Puis tout soubdain faire cris vehementz,
Meurtrir, tuer gens par châps & par voye,
Passer la mer, & les montz de Sauoye,
Dont le soleil en est retrograde,
Par foy mentir accord est mal garde.

Puis peu de tēps mort a print gens subit,
Les grandz seigneurs ont este en danger,
Tel sest vestu dang precieux habit
Qui estoit fol, de mauuais accabit
Voulant raison abollir, estrangler
En soy vantant quil se vouloit venger,
Sans que iamais on luy feist mal ou tort,
Droict escript paix, & lenuieux la tort.

30 Plusieurs mignons auons veu refiouyr,
Contrefaisantz leurs langages & termes,
Noz ennemys impetueulx ouyr,
Venir vers eulx, puis de crainte fuyr,
Habandonner artilleries & armes,
daultres aussi, preux, vaillâtz, hardis, fermes
En demonstrent leur tres haulte proesse,
Sas cueur frâcoys destruiçte estoit noblesse.
30 Quatre vieillardz auons veu redoubtez
Qui ont eu bruiçt, il faut noter ce compte,
Dont les trois sont trespassez, nen doubtez,
De grâdz deniers aux humains ont coustiez,
Car leurs subieçtz leurs ont faiçt maint
mescompte.

Quand est du quart, decrepite le dompte,
Ce qui le faiçt du temps passe recordz,
Lûg laultre veoir, causent paix & accordz.
30 Les iusticiers no^r auons veu cōtrainçtz
De iuger gens a peines execrables,
Cōme voleurs & gēs suyuantz leurs taintz,
Rostir to^r vifz, parquoy se sont restraintz
De plus piller, ne faire cas dampnables.

Force a voulu muer loix pitoyables
A la rigueur, ainsi quon apperçoit,
Le fol ne croit, iusques a ce quil recoit.

30 La nous voyons en la foy catholicque
Gens desfriguez, qui est vng piteux cas,
Le sainçt esprit par la voix angelicque

Les fantasies

Nest plus parant, la mondaine pratique
Dedans les cueurs des lecteurs sonne cas,
Volupte veult par escus & ducatz
Regime auoir deglise sans soubgetz,
Oyseaulx de proye on tiét bié peu sâs getz.

Les folz voyons corriger les gens sages,
Villains se font appeller escuyers,
Gens sacrez font vilz naturelz ouurages,
Les vicièulx ont bruiét par grandz deniers,
Moynes, abbez cheuauchét gros coursiers,
Gendarmes sont, sus les mulles montez,
Carmes foëminins, abolis, es hontez,
Larrôs puissantz, greffiers sans iustes taulx,
Ieunes enfans mal regis, mal domptez,
Et sans besoing on faiét plusieurs assaulx.

Sans aumosner riches sont desuoyez,
Hommes prudétz, sans faire œuure voyez,
Et vieilles gens nayment religion,
Les seruiteurs deïobe yroyez,
Riches ne font daulmosne mention,
Mondains entreulx meuent contention,
On voit seigneurs sans vertu nequite,
Les fortz, puissantz regnent sans chastete,
Euesques sont negligentz, paresseulx,
Les paoures fiers, despitz & orgueilleulx,
Vng bien y a, nous auons begnin roy,

Sans discipline est peuple cauteleux,
Et le commun veult corrompre la loy.
Ay ie donc tort, si ie me fantasie,
Quand ie congnoys telz choses, & regarde
Qu'il ny a nul present qui rassasie
Son cueur despit, & si mort de sa darde,
En tous climatz a son fer agu mis,
Penser debuons que dieu a ce permis
Pour corriger noz faultes & forfaitz,
De noz amys feront noz ennemys,
Bon nest porter trop pesant & fort faitz.

Le resumer ie ne me puis saouler,
En esperant qu'on y prenne exemplaire,
Car on ne voit riens stable soubz lair,
La ou il plaist a fortune voller,
Monstrer le veulx despit & debonnaire,
Notez, qu'il fait ce que dieu luy fait faire,
Non autrement, croire en ce point le fault,
Sage est, qui nest ne trop froit ne trop
chault.

Les nobles preux, selon noblesse nez
Le plus souuent endurent de grãdz maux,
On en congnoist qui sont bien fortunez,
Veu en auons de captifz, emprisonnez,
Aussi d'aucuns nont guerres ny assaulx,
Ceulx qu'on cōgnoist ioyeux & liberaulx
Ont bien souuent de la paix la conduicte,

Les fantasies

Selon le maistre on voit la mesgnie duiete.

Princes chrestiens voyons present venir
Dont aduiendront des biens innumerables,
Mais quung chascun vueille tenir,
Et enuieulx des nobles cueurs bannir,
Deboutant ceulx qui sont irraisonnables,
Expulser gens pleins de plaisir dampnables
Qui ont desir en follies samuser,
Jeunesse doibt de vieil conseil vser,
Qui le conseil de sage homme refuse,
Merueille nest, en ce monde sabuse,
En commettant peche abhominable,
Viure ne peult longuement, quand il vse
De son vouloir, car sa vie est confuse,
Et sur luy vient maint cas esmerueillable
Ainsi quon voit, par fantasie ou fable
Que lire on peult en lescript de ce liure,
Gens incōstantz ne scauroient long temps
viure.

Qui veult regner maintenant en hōneur
Il luy conuient les dictz du sage lire,
Avoir tousiours Iesus dedans son cuer,
Et sil est fier, non auxiliateur
A ses subiectz, doibt appaiser son yre.
Vng homme qui veult peche eslire,
Laisant vertu, na bon bruiet merite,
Car yre empesche de dire verite.



50 Vng grand seigneur regna tout ainsi
comme

Limperateur, car il fut prudent homme,
Par le moyen dung sage clerc son maistre,
Comme on le peult par fantasie cōgnoistre,
Son hault renom partous climatz volloit,
Le cas est tel, ainsi comme on parloit
De son pouoir, magnanime & prudence,
Vertueulx faiçtz, estoit en la presence
Vne princesse en Aquilon regnante
Qui vne fille auoit douce & plaisante,
Gente de corps, tres belle de visage,
Son doux regard esmouuoit le courage
Des regardantz, prendre delict charnel,
Verite est, ie treuve le cas tel
Quicelle fille auoit contre nature

Mange tousiours viande & pourriture,
 Metz tresinfectz, sans tenir long blason,
 Nourrie nestoit que dordure & poison.
 La fille fut a lempereur menee,
 Luy obeyr, toute determinee,
 Cestassauoir dacomplir son plaisir,
 Quand il la veit, esmeu dardant desir
 Fut desirant de prendre son delict
 Humainement couche dedans son liect,
 Et ce voyant son maistre, prudent, sage
 Le print lors, ainsi quauoit du sage,
 En luy disant, que ce sa vie touchoit
 Et se vne fois avec elle couchoit
 Il en mourroit, voire soubdainement.
 Limperateur se bahist grandement
 Du prompt parler du sage, & a grand pein
 Croire vouloit que telle fille humaine,
 Si luminante, en beaulte si pompeuse
 Feust au toucher si orde & dangereuse,
 Et ny veoit aucun cas apparent,
 Mais le clerc sage ostant ce different
 Requist mander vng homme condamne
 A souffrir mort, conge luy fut donne
 De seshouyr, & de passer le temps
 Avec sa fille, ainsi comme ientendz,
 Incontinent que sa bouche approcha
 Pour la baiser, mort au lieu tresbucha,
 Dont lempereur, de ceste grand merueill

Sesbahist fort, onc nen veit la pareille,
De son recteur, tint lors (ie v'ous promectz)
Cōpte plus grand, que nauoit faict iamaiz.

☞ Fantasia sus ceste hystoire.

☞ Nous figurons cest empereur puissant
A vng chrestien en vertu florissant,
Prest de scauoir maint cas esmerueillable,
Lequel combat la chair, le monde & dyable
Pource quest plein damour, de charite
Sans quil en soit contre nul irrite,
Et bien parler de la royne voulon
Qui auoit bruiet tresgrand en Aquilon,
Soustenir fault quelle est signifiante
De grandz tresors, & biens en abondance,
Qui lhomme peuent spirituellement,
Liurer a mort, & corporellement,
Car les grâdz biens s'ont de chair nourriture,
Parquoy s'esmeult la fragile nature
Dhumanite, qui va mauuais chemin,
La fille estant nourrie dinfect venin
Pour gloutonnie ou se nourrist luxure
Nous prenons, a lame est aigre & seure,
Avoir ne fault a elle intelligence,
Le clerc aussi, pour la nostre conscience
Qui contredict a toutes voluptez,
Obedientz soyons donc reputez,

Les fantasies

Obtemperons a nostre bon vouloir,
Desir charnel mettons a nonchaloir,
Considerons que sommes viandes a vers,
Le malfaieteur pour vng homme peruers,
Obstine, fol, aueugle tellement
Qu'il ne luy chault pecher publiquement
Et ce voyant le seul dieu plasmateur
Perme& la mort dicelluy malfaieteur
Qui prend plaisir en ses charnelz delictz,
Gens vicieulx en fin sont abolis.

La&teur. 64

Princes, seigneurs, cōseillez vo⁹ a sages
Par ce moyen maintz dangereux passages
Euiterez, mais si aultrement fai&tes
Sur vo⁹, voz gēs viēdrōt pertes & dōmages.
Dames & de corps, dictz serez pleins doul-
trages.

Des haultx seigneurs on cronique les gestes
Apres leur mort, on les li&t a toute heure,
Le bon renom ou le mauuais demeure.

Au temps present tresgrande mesprison
Commettre on voit, qui entend bien le cas,
Car on congnoist qua tort & sans raison
En pallyant vsant de beau blason
Empoysonnez ont este maintz prelatz,
Princes, seigneurs cuidantz prendre soulas
Sōt mors soubdain, mes motz biē pratiquez
Dangereux sont Francoys ytaliquez.

● Voyons nous pas regner aulcunes fēmes
cachées de cueur, si viles, si infames
Que deuant eulx voyent filles violer,
ensez y bien, ilz dampnent corps & ames,
Dedans ce mōde, & en l'autre en ont blas-
mes,

En puanteur se veullent consoler,
leur chair, leur sâg voyēt meurtrir, affoller
Pour or, argent, vins de nouvelle viande,
Jul bien ne vient d'une femme gourmande.

● Or voyons nous tracasser, macquerelles
sur le paue, offrant fille pucelles
Pour violer, par officiers, marchantz
ages prudentz, qui scauez choses telles
Unir debuez leurs fautes criminelles
Et les chasser hors des villes aux champs.
Car ceulx qui sōt, de leur bouche approchās
En leur touchant tuent leurs ames & corps,
De folle amour, en fin viennent discordz.

● Femmes voyons qui les fēmes decoipuēt
Et les marys souuent sen appercoipuent,
Si peu leur chault, son fait celle étri prinse,
Ilz sōnt certains que telles femmes boyuent
A leurs despentz, touteffoys ilz recoipuent
Aulcuns deniers, & leur esprit aguyse:
Cupido vient, son brandon sec attise,
Venus le fuyt, vne grand flamme allume,
Ieu nest si cler, qui a la foys ne fume.

Les fantasies

Femmes qui sont ainsi determinées
S'abandonner, pour plaifance mondaine
On les estime a ordes cheminees,
Ou busches sont par brasier affinees
Fumees iectantz en puanteur villaine
Voulantz humer a venimeuse allaine,
Luxurieuse en cueur qui les honnit
Tous obstinez pecheurs, dieu les punit.

Ceulx qui sont prestz plusieurs pechez
commettre,
Luxurieux & faire violence
Deuant leurs yeulx, le sage homme fault
mettre,
Le bon docteur qui na voulu permettre
Icy se prend pour nostre conscience,
Si vous supply se aulcun ya qui pense
De faire mal, les dictz du sage note
Bien heureux est qui au soir a bon hôte.

Des fantasies & variable-
tez des filles.



VNg grand seigneur fantasieux rememorant sa fragilité foëminine, & regardant la formosité, beaulté, & pulchritude dune seule fille quil auoit, considérant quelle debuoit peruenir a son royaulme & seigneurie. Tant aymoit sadiçte fille, que impossible est a pere desirer plus lhonneur: le bië, sante, & prosperite de son enfât. Si pensa en soy y mesmes que pour la garder plus seuremēt, luy feroit preparer a sō chateau vne chambre bien accoustree, ce quil feist, & esleut cinq cheualiers de ces feaulx amys a qui il bailla la garde de sadiçte fille, a fin que a celle quelques enuieunlx ou decepteurs par parolles souefues ou bādices y veissent bon pour la decepuoir, suborner ou prendre a force, que lesdiçtz cheualiers y

feissent resistance. Et encore pour estre plus
fors & hardys a ce faire, les feist armer, de
precieuses & vertueuses armes. Les cheua
liers ainsi noblemēt accoustrez par le vou
loir de leur prince & seigneur, luy feiren
promesse de garder sa fille nuyt & iour
leur pouoir. Laquelle promesse pleut moult
audict seigneur: mais encore pour leur don
ner meilleur courage, ordōna en oultre qua
a l'entree de lhuys de la chambre fust pen
due vne lampe, qui rēdoit clarte, affin que
quelcun nuytamment venoit pour la subor
ner, que les cheualiers neussent excusation
de la uoir lāissée aller toute seule hors de
la chambre. Puis de rechief establist quil y
auroit pres de son liēt vng chiē bien abayā
& rebelle, affin que si quelquū se vouloit la
tirer ou mussier secretement, & les cheualiers
feussent endormys, il les refueillast par hur
lementz, crys, ou aboys. En celle chambre
fut mise ladicte pucelle, & fut nourrie deli
catement. Touteffoys elle desiroit fort a
veoir choses mondaines & ioyeuses: car a
pres quelle auoit ces repas pris, elle ne souh
haitoit que faire a son plaisir & fantasie, di
sant en ceste maniere.

DEquoy me sert la mōdaine richesse,
Estre parée, accoustree gentement,
Quāt ie ne suis avec gēs de noblesse

Pour viure en ioye & parfaicte lyesse,
 Prenant plaisir, soulas, esbatement,
 Nourrie ie suis delicatiuement.
 Mais sans celer, maintiens & admonnestes,
 Fille seulette a maint penser en teste.
 ♣ Cupido vient, son arc bende, des bende,
 Sur moy tyrant saiettes empennees,
 Venus me dict que hommage ie luy rende,
 Nature veult qua leur vouloir entende,
 Aussi leurs loix treuve bien ordonnees
 En attendant les filles guerdonnees.
 Mais que men chault ma jeunesse se passe
 Lennuy trop long beaulte humaine efface.
 ♣ Au nopces voy dames & damoyelles,
 Qui passent temps en banquetz & conuis,
 Mon desir est, de mes battre avec elles
 Pour passer temps, & ouyr des nouuelles
 Du dieu damours, dont font souuent deuis,
 Helas, heias, certes il mest aduis
 Que par trop suis subiecte, brief ie voys
 Que se quon ayme on pert souuent effoys.
 ♣ La fleur.

Ceste fille estant en ceste pensee pene-
 tratiue, mettoit souuent la teste hors
 de la fenestre : desirant veoir aucun
 prince ou grand seigneur, ou quelque che-
 ualier pour passer le temps, affin de recreer
 son esperit, qui se fantasioit : mais quant
 B.

elle auoit iourne par vne espasse de temps fi-
che son gracieux regard sur les plains che-
mins, & sentes: & mesmemēt sur boys, prez,
lâdes, taillis & voyes obliques, & ne veoit
aucū a qui elle peust dire ses gracieuses cō-
plainctes, amoureux penfers & desirs affe-
ctueux, se retiroit comme fachee, enuyee, &
fantasiee. Aulcunesfoys se iectoit sur vng
liēt, cuydant prendre repos: mais impossible
luy estoit, briefelle ne scauoit quelle cōtenā-
ce tenir. Apres elle se mettoit sus vng bâc, ou
elle contemploit, & regardoit plusieurs ta-
pisseries, ou estoient figures painctes âciēnes
& nouvelles hystoires: mais peu y prenoit
plaisir, parquoy incontīnēt esmeue dūg ar-
dēt desir, retournoit a la fenestre pour faire
regardz lubriques, esperāt que quelquū pas-
seroit parla, a qui elle racompteroit ses cō-
plainctes: car cueur courrouce, ou enuieux
est (se luy semble) descharge, quand il a dit
a quelquun sa pensee. Sur ceste fātasie passa
par la vng grand & puissant prince qui ve-
noit de lesbat, & si tost quelle lapperceut,
pensa cōe elle pourroit trouuer facon quil
adressast son chemin vers elle, considerant
que ce neust pas este son hōneur de lappel-
ler. Si pensa pour le plus couuert quelle chā-
teroit vne chançon, & que ainsi comme loy

seleur (par son flagol) au pipe decoipt & attrappe loyseau a la pipee: ainsi par son chât attrairroit a son amour ledict prince, esperât que sil estoit ioyeux & retransil il prendroit son chemin vers elle, & la purroient ensemble diuiser des choses humies & naturelles, & estoit la chanson telle.

☞ Chanson en facon de rondeau.

PEnsiue suis frappee d'ung subtil dart
Et nay science, ou habilité de art
Doster mō cueur d'amoureuse poictu-
Se ne complais a ma dame nature (re
Qui mon eiperit nuyt & iour brulle & art
☞ En plusieurs lieux ie iecte mon regard,
Et si ne voy nul qui me die dieu gard
En ce beau lieu ou prend, ma nourriture
Pensiue suis.

☞ Je voudrois bien ouyr quelque bragart
D'ung gay amant, secret, plaissant gaillard
Qui fust hardy d'assaillir ma cloture
Preste serois den faire l'ouverture:
Car trop mennuye attendant ce hazard
Pensiue suis.

☞ Lauteur.

T Andis que ceste fille amoureuse & plaisante proferoit la chanson predictée. Le prince qui venoit de lesbat ouyt la ressonnance de la voix humaine, & eut fantasie (le pl^r secretemēt qu'il se peult faire) approcher pres du lieu ou estoit la dame, espérant iouyr d'elle: car il prenoit singulier plaisir a ouyr son chant armonieux. Si approcha si pres quil apperceut que les cinq cheualiers armez (qui auoient la garde) estoient endormys, & en estoit cause la dame: car elle les auoit repeuz & nourris au parauant de viâdes exquisēs & aussi de vins fumeux & delicatz qui les contraignit a dormir. Ce qui enhardit & donna courage au prince de approcher pres d'elle, en telle maniere quil pouoit facilement diuiser a son plaisir & contempler sa beaulte. Et incontinent la regarda de ses yeulx impudique & elle luy, dung regard attrayant. Ainsi furēt tous deux pasmez en lamour l'un de lautre, Toutefois ledict seigneur parla elle, luy disant sa fantasie, qui fut telle,

C Veur fœminin, celluy seroit heureux
Qui iouyroit de vostre plaisant corps:
Mō vouloir est par faictz cheualiers
Vous conquerir cōc vray amoureux, (reu.
De ceste tour vous transporteray hors,

Mais icy font cinq cheualiers treffors
Vous preſervant, & vne lampe ardente,
Meſmes vng chien, ien ſuis aſſez records
Bien abbayant, ceſt cela qui meſpante.
Or ay eſpoir ma maiſtreſſe & ma dame
Que ſil vous plaiſt de vous ie iouyray,
Icy n'auetz aucun reconfort dame
Fineſſe neſt que ne trouue vne femme,
Baillez dehors, ie vous reſiouyray,
Aymez moy donc, & ie vous ſeruiray:
Car fort me plaiſt voſtre noble nobleſſe
Paſſer le temps par tout vous meneray
Icy perdez voſtre fleur de ieuneſſe.
Si poſſible eſt trouuer facon, maniere
De vous oſter de ce lieu ſolitaire
Je vous prometz que ferons bonne chere
Car ſans doubter, ſerez mamye tréſchere,
Mon plaiſir eſt a voſtre vueil complaire
Ce lieu eſt clos, ce ne vous ſcauroit plaire,
Vous ny aurez paſſetemps ny eſbat,
Laiſſez le toſt & nous deux yrons faire
En vng aultre, vng amoureux ſabat.

Le Lecteur.

Ceſte fille oyant le gracieux deuis du
prince, & regardât ſon amoureuse cō-
tenâce, mua couleur, & fut incōtinent
aue & frappée de ſon amour, en ſe delibérât
obtéperer a ſa volonte. Touthoys fut par

Les fantasies

aucune espace de tēps toute fātasiee. Puis apres parla aluy gracieusemēt aīsi quil sēsuit

PRince puissant mon pere ma si mise
En me baillant cinq cheualiers pour
folle seroye, & de sēs peu rassise (garde
De le courcer, vela ou ie regarde,

Et touteffoys aussi lheure me tarde
Que ne suis hors dicy: car ie congnoys
Que la fain faict saillir le loup du boys.

¶ Iay grād desir de veoir choses mōdaines
Rire, chanter, passer temps, & mesbatre,
Les filles ont des fantasies soubdaines,
Il est bien fol qui cela veult debatre,
Icy croupir a la cendre ou a laistre,
Sans seiouyr, cest rompement de teste,
Accomplir fault raisonnable requeste.

¶ Cinq cheualiers qui ont garde de moy
Iay endormys par mon chant gracieux,
Or ne soyez plus de riens en esmoy
Vous iouyrez de mon cueur precieux,
La lampe ardente, illuminant ces lieux
Verrez souffler, & le chien qui abbaye
Mettray a mort quon ne vous oye & voye,

Lauteur.

Ceste fantasie dune amour libidineuse.
sans regarder la fin de sō ceūre, ne cō
siderant lentreprinse quelle faisoit, re
garda les cinq cheualiers tous armez qui
estoient pour lors endormys, & incontinct

se delibera de estaindre la lampe, ce quelle fist, puis print vng glaive, duquel furieusement occist son chien, qui abbayoit. Incōtinent sen alla avecques son amoureux, qui laymoit dunc amour deceptiue, & furēt par aulcune espace de temps ensemble en lieux des honnestes & publiques en a complissāz leurs voluptez & desirs charnelz, en deshōnestes parolles & villains atouchementz.

Le iour ensuyuant fut faict grande clameur par le palays royal, pour labscēce dicelle, tāt que les nouuelles en vindrent iusques a sō pere, & quand il fut certain de labscēce & perte de sa fille quil aymoit de vraye amour, se courrouca treffort, en disant.

O Quas tu faict fille de mal conseillee,
Qui as souffert estre rauiee, pillée
Sans te vouloir nullement reuencher

De mon palays royales exillee
Par lieux vagans, ainsi que desrigee
Va tracassant en meurtrissant la chair,
Ie taymoist tant. iestoys ton pere cher,
Ta gloire pers, ton bruyt seffacera,
Qui honte crainct sans honneur ne sera.

Ton viciulx depart, si fort margue
Quil men suruient pensēe si ambigue
Que aulcunesfoys ie soubhaite la mort
Mais tout soubdain pitie me redargue

Les fantasies

En me disant, que penser si ague
Doibz expulser, vela qui me remort,
Et mesmement fragilite qui mort
Le scemenin, est cause de ce blasme,
Trop ayse faict varier mainte femme.

Tu passoys temps en mon palais royal
Oubien souuent dung vouloir cordial
Renisiter doulcement te venoye,
Des biens auoys, & par especial
Mamour, qui est vng don si liberal
Que qui laquiert, il vit sans fin en ioye,
Et maintenant fault il que dire oye
Grace obtenir, es repute'e indigne
Le malheur vient a celluy qui machine.

Lacteur.



LE pere de la fille tout fâtaſie reſida en ſon palais delicieulx, courrouce & marry contre elle, & ce voyant vng reux cheualier qui auoit l'adminiſtratiō & ouuernemēt de la iuſtice iſperialle, aduertye le loſſence que la fille auoit cōmiſe, en conſeignāt ſon pere, & l'outrecuidāce du pricecepteur & raptEUR dicelle, ſe arma incōinēt de ſes armes, & courut legieremēt apres eulx, & en fiſt telle poursuite, quil les trouua ioiēt & vnīs enſēble. Quād le prince apperceut le cheualier, il tira ſō glaue & le meiſt en deſſēce, car le cheualier mōſtroit ſēblant & maniere quil le vouloit cōbatre, & vertueuſemēt vēger le pere de l'ouſtrage que le price luy auoit faiēt, en luy rauiffāt & ſubornāt ſa fille excuſant ſa fragilitē. Tant cōbatirent lūg cōtre l'autre qu'en fin le price fut vaincu par le cheualier, & luy couppa la eſte, puis ramena la fille au palais de ſō pere, & fut lōg tēps ſās oſer regarder la face de ſon diēt pere, mais cōtinuellement ieēt oit egreēt & ſouſpīrs, en arroſāt ſa face de ſes larmes, cōblee de dueil, taīcte de courroux, & paſmee de gemiſſemens, en diſant piteuſement.

Malay trop cource mon pere qui ma faiēt,
Dont me repens, de volonte par faiēt,

Les fantasies

Ma coulpe en batz, fort me desplaist loffee
Maintenant suis gastee, pollue, infaiete,
Totallement, & de vertu deffaiete,
Incessamment a mon meffaiet ie pense,
Me presenter par deuant la presence
De mon seigneur ne mose, toutesfoys
Il me desplaist de linobedience
Et me repens de mon insipience
Mon peche grief considere & congnoys.
Meurtriere suis, & de moy larronnesse
Iay lampe ardante & luminâte sans cesse
Soufflee, estaincte, & cinq preux cheualier
Contrainct dormir, o paoure pecheresse,
A tousioursmais, doibz lamenter sans cess
Iectans larmes par cens & par milliers
Secretement souffriroyz volontiers
Tant doute & crains lyre de mō cher pere
Car il nauoit priuez ne familiers
Quil ay mast mieulx que moy, mais les sē
Que iay suyuis me fōt grand vitupere. (en
O quas tu faiet ton pere te deprise,
De ton mal faiet tu as este reprise,
Repenz toy donc, helas amende toy
Considerant comme as este surprise
Et le raptur qui la rauie & prise
Succumbe est, cause de prendre es moy,
Mon pere plus ne tiens compte de moy,
Sa fille suis, fille que doibz tu dire

Offence as lempereur & le roy,
 Du es tu mise en trop piteux arroy
 Las iay trop crains de mon geniteur lyre.
 ♠ Lacteur.



Ceste fille de cuer contrict, plongee en
 larmes, soy repentant de la faulie que
 auoit commise enuers son pere, ne
 scauoit quelle contenance tenir Maistadis
 quelle iectoit ses cris, regretz & plaintes,
 estoit pres dicelle vng prudent conseiller de
 son pere, qui eut pitie de ouyr telle lameta-
 cions, & s'approcha pres d'elle, en la recon-
 fortât doulcemēt, & si sa coustume estoit tel
 le destre mediateur, & faire la paix de ceux
 qui auoiēt offēce la sacree maieste iperialle.
 se promist a la fille de faire la paix enuers
 son pere pourueu quelle ne fust deliberee

de ne l'offencer plus, ce quelle promist d'ung
 ferme propos. Ainsi ledict mediateur trou-
 ua facon & maniere dauoir acces au pere
 d'elle, & apres quilz eurent deuise de plusi-
 eurs choses laduertit comment sa fille se re-
 pentoit de son mal faict, prometât ne l'offe-
 cer iamais, luy suppliât que se fust son plai-
 sir luy pardonnet ses meffaietz. A la priere
 duquel mediateur, son pere luy pardonna,
 & la receut cōme deuant & oultre pour luy
 faire plus de plaisir la maria a vng tres-
 illustre noble, & puissant prince, voulant
 pour la solēnite du mariaige faire grande
 assemblee de princes, seigneurs, cheualiers,
 escuyers, dāes & damoyseilles, & faire pre-
 parer vng excellēt banquet, or aduint que
 les pousee estoit assise ē vne chaire richemēt
 paree, attendāt lesdictz priees, & seigneurs
 pour recepuoir les eltraines, ainsi quil est
 acoustume de faire, parquoy sō pere se de-
 delibera de luy faire presēt de vne riche robe
 appelee polimite, bordee de lettres dor, &
 estoit lescript tel. Je t'ay pardonne, ny re-
 tourne plus. Vng roy qui estoit present aux
 nopces donna vne courōne ou estoit escript
 & moy ta dignite. Le cheualier, ou propu-
 gnateur (qui lauait oste des mains du ra-
 pteur) luy dōna vng aneau, ou estoit telle

scripture. Je t'ay aymee, apprendz a aymer. Du mediateur qui feist la paix eüers s^{on} pere receut vng aultre aneau ainsi escript. Qu'ay je faict, cōbien, & pourquoy. Le filz du roy vng aultre aneau ainsi escript. Tu es noble, la noblesse ne contēpne pas. Son propre germain luy donna vng aultre aneau, dont l'escripture estoit telle. Viens a moy n'ayez paour, ie suis ton frere. S^{on} espoux la voulut douer d'ung finet dor, ou estoit escript. Maintenant es conioincte; garde toy de plus pecher. La fille du seigneur ainsi acoustree de vestemēs, & ioyaulx se gouuerna saigement avec son espoux, & garda les dons qu'il luy auoit dōnez iusques a la mort, & par ce moyen fut aymee de tous, & fina ses iours en paix.

☞ Sens moral a la fable precedente.

ON pourroit entendre par ceste exēple & prendre ce grand seigneur, pere de la fille pour le roy celeste, cest a sauoir dieu le createur, qui est roy des roys, seigneur des seigneurs, cest nostre pere, qui a puissance sur nous, car il nous a creez. La fille seule heritiere du royaume de s^{on} pere, peult signifier lame raisonnable, & les cinq cheualiers, noz cinq cens de nature, les armeures, dont sont armez, signifient la vertu

que l'homme recoipt quand il prend le faict
sacrement de baptesme, institue & ordonne
par le precurseur de nostre saulueur & redempteur
Iesuchrist, & conferme par icelluy Iesus, & lesquelz cinq cēs, sōt la veue, l'ouy
l'odorement, le goust & le tast, qui sōt cō
mis pour garder lame raisonnable contre la
chair, le mōde & le dyable. La lampe ardāte
est la volonte de dieu, qui est, lame raison
nable soit ardāte en son amour, faisāt bon
nes oeuvres & operation, affin quelle ne cō
fente a peche. Le petit chien, se prend pour
la conscience, qui doibt resister, ou recalci
trer contre les pechez, mais nous voyon
que lame voulant veoir les mōdanitez hu
maines nappete, que de saillir hors des limi
tes de raison, quelle faict incontinent quelle
commet quelque chose contre le nostre
diuin commandementt, est incontinent
subornee du price que preōns icy pour
le dyable, prince denfer, raptour, qui la re
duit a la volonte infernalle, & par ainsi la
lampe de bonnes oeuvres est estaincte, & le
petit chiē biē abbayant (qui est nostre con
sciēce) meurtry & tue. Le cheualier, ou pro
pugnateur signifie nostre saulueur & redē
pteur Iesuchrist qui veult combatre pour
lame raisonnable car il n'ya point d'autre

ai combatte pour no^r, fors dieu nostre se^r-
neur. Le cheualier qui batailla cōtre le duc
ntend que dieu batailla pour nous cōtre
dyable, & a vaincu le raptieur en ramenāt
fille au palays de son pere, qui est le pa-
ys celestiel. Le sage mediateur, qui fist la
aix entre lēpereur & sa fille, figurons a le-
is, comme dict la postre que le mediateur
e dieu & hōme fut Iesus, en prenāt nostre
umanite, lequel Iesus est filz de dieu, cō-
e dit le psalmiste. Tu es mon filz, ie t'ay
uy engendre. Pareillement le cousin ou
ere germain de lame raisonnable figurons
Iesuchrist nostre redēpteur. Aussi les poux
e lame, a nostre saulueur & redempteur Ie-
sachrist, lequel les pousa par vraye amour
e fidelite. La fille est recōseillie a son pere,
est a dire nostre ame est recōseillie au pe-
e celestiel, & appelee la paix. De luy auōs
eueupz les dons dessusdictz, premierement
a robe pollimite, cest assauoir sa digne
hair car par flagellatiō, crueur, & plusieurs
ultres tourmentz la robe pollimite,
est a dire la robe d'humanite, dont
nostre saulueur & redempteur Iesuchrist
orne descripture sanguine, s'estoit ve-
tu, & estoit lescript tel. Ie t'ay racha-
te de mon propre sang precieulx &

ne demande pour tout mon salaire que
ne retournez plus a pecher. La robbe pol-
mitte de Ioseph nestoit taincte que de sa-
faict, cest assauoir de sang de bestes irrai-
sonnables, mais la mienne cil ioincte & abbre-
uee de propre sang tire de mon corps pe-
cheur. Cestuy Iesuchrist, nostre roy, nous
a donne vne glorieuse couronne, quand
voulut souffrir estre couronne, ainsi que
peult apperceuoir par l'escript pose e la co-
rone de la fille de l'empereur qui est, & mo-
ta dignite, ce fut pour nous chose digne &
precieuse, quand il voulut aller au lieu pour
nous, au lieu de tourment, ayant vne cou-
ronne des pines sur son chief. Aussi Iesuchrist
est nostre propugnateur & deffenseur, qui
nous a donne vng aneau, cest le pertuis de
sa main dextre, & peult o apperceuoir que
iuste cause y estoit escript telz motz. Je t'a-
yme, apprend a me aymmer. Nous pou-
uons bien entēdre que Iesus nous a aymez, affi-
que nous l'aymions, & se nous l'aymons bien
nous ferons ses commandemens. Iesuchrist
aussi est nostre sage mediateur, qui nous
dōne vng aultre aneau, cest assauoir le per-
tuis de la main senestre ou est escript. Qu-
ay ie faict, combien & pourquoy me suis
humilie, prenant forme de seruiteur.

Pourquoy me suis ie fait homme, sinon
 affin que ie rachaptasse (par les playes de
 mes mains) lhōme perdu? I E S V C H R I S T
 filz de leternel roy est nostre frere, qui nous
 a donne le tiers aneau, cestassauoir le per-
 tuys de son pied dextre, ou est escript Tu
 es noble, ne contemne point ta noblesse.
 Certainement I E S V C H R I S T est nostre
 germain, & nous a donne le quatriesme
 aneau, cestassauoir le pertuys du pied se-
 nestre, ou il est escript. Approches, naye
 paour, ie suis ton frere I E S V C H R I S T,
 aussi est nostre espoux, il nous a donne vng
 signet, auquel lheritage de nostre ame son
 espouse est baillee, cest a dire les playes de
 son coste perce de la lance, ou estoit escript.
 Tu es conioincte a moy par misericorde,
 ne vueilles plus pecher, estudions tandis
 que sommes en ce mortel mōde, a bien gar-
 der les ioyaulx que nostre benoist sauueur
 & redempteur I E S V C H R I S T no^r a don-
 nez, affin que nous puissions dire. Sire, tu
 nous as baillez cinq talentz, en voicy cinq
 aultres, que nous auons gaignez par
 iceulx. Et ainsi sans faulte, apres
 la mort corporelle pourrons ac-
 querir eternelle gloire.

Lacteur.



P Rinces puiffantz, se voulez garder
 filles
 Ne les souffrez parler toutes seullettes
 Avec mignons, car ilz sont difficilles
 A les garder; pose quel soiēt subtilles,
 Par beau parler a vice sont attraiētes,
 De les laisser enfermees seullettes
 N'est point requis, nature les esmeult.
 Qui sagement ses filles nourrir veult
 Faire leur fault quelque science apprendre
 Pour s'occuper, car fille par ce peult

Passer temps, sans enuers dieu mesprendre.

30 En femme oyseuse est laschete diffame,
Tant noble soit, car ainsi que ientendz
Le fresse corps qui est subiect a lame
Ne veult souffrir quõ le deprime ou blasme,
Lame & le corps font noyses & contentz,
Mais dieu punist a toute heure & a temps.
Quand il congnoist que lame est obstinee
Et quel sen part faire sa destinee
Avec le duc, cest le prince infernal,
Sel se repent, bien tost est ramenee
Soubz le pouoir puissant imperial.

30 Le corps subiect a lame est sãs doubtãce,
Et nous voyons lame sassubiectir
A nostre corps, ayons donc congnoissance
Du hault pouoir, de lame repugnance
Faisons du corps, a mal veult consentir,
De ce corps peult mortalite sortir,
Et nostre ame est sans doubter immortelle,
Ne perdons pas gloire perpetuelle
Pour satiffaire a chose transitoire,
Dieu nous a faictz de forme naturelle
Et si aurons (si a nous tient) la gloire.

30 Le doux Iesus plusieurs ioyaux nous
donne

Que nous debuons garder songneusement,

A nostre vueil ces biens nous abandonne,
 Quand le priors, to^r noz meffuëtz pardone,
 Il est puissant, sapient & clement,
 Obeyssons a son commandement
 Puis quil nous peult en leternel domaine
 Place donner, laissons la vie mondaine
 Qui passe ainsi comme vent ou fumeë,
 Certaine voye vault mieulx que licertaine.

De Iustice

ET MISERICORDE.

PRince, Seigneurs doibuent bien re-
 garder
 A quelz recteurs baillent gouuerne-
 ment

De leurs subiectz, filz le font aultrement
 Lyre du ciel ne pourront euader.

Or voyons nous aduocatz proceder
 En iugementz causes irraisonnables,
 On iecteroit des iugementz damnables,
 Iuges soyez des paoures pitoyables
 Qui ont bon droit, abregez leur proces,
 Car ce souffrez que par vous ayent exces
 Chambre prenez avecques to^r les dyables.

W Or voyons nous iuges vindicatifz
 Qui par despit font plusieurs iugementz,
 Obeyr fault a leurs commandementz
 Quand sont despitz, rebelles & hastifz,
 Les aultres sont mornez, songeardz, pensifz
 Qui ont le cueur a attrapper pecune
 En commettant plusieurs cas excessifz
 Pour lefleuer sus la roue de fortune,
 Aulcuns ont bruiët, qui tiennent de la lune,
 Euitier fault de telz gens les chaleurs
 Tout en ce point qu'auueugles des couleurs
 Veullent iuger, sa aulcun ont rancune.

W Nous en voyons qui sont si paresseux,
 Abusant gens par leurs subtilz blasons,
 Vingt ou trête ans gardët en leurs maisons
 Proces en sacz, telz gens sont vicieulx,
 Chascun cōgnoist qui laissent mourir ceulx
 Qui ont bon droiët, en grand necessite,
 Prenant presentz, comme malicieulx
 Pour differer de iuger verite,
 L'homme qui est de grande auctorite
 Et au paoure a debat, proces ou plait
 Si par argent, ou par amys complait
 A iuges faulx il sera herite.

W Paresseulx sont, quād ilz ne daignēt
 Aulcun proces, sil y a coniecture.

50 Les fantasies

Iugementz font souuent a ladventure,
On doibt doubter de telz iusticiers lyre,
Princes gardez telz iusticiers eslire,
Car aulcun bien nen peult venir en fin,
Ilz craignent trop, de la verite dire
Contre parens, ou quelque amy affin.
Or ny a il si ruse ne si fin,
Se munny est, de bien meuble ou de terre
Qu'il ne luy faille auoir proces ou guerre,
Et feust il pape, empercur, roy, daulphin.

30 Le iuge doibt bien obseruer la loy
Sans la casser, mais iuger iustement,
Ne soubhaitter, ny a ymer ardamment,
Bagues, ioyaulx, or, argent, ny alloy
Quand iugeras les hommes, pense a toy
Que dieu tout bon, misericordieux
Est aux humains, helas cest nostre foy
Et sans laquelle on ne paruient aux cieulx,
Iuge es esleu en cesterrestres lieux,
Et tu scez bien que dieu plein de concorde
Te doibt iuger, se faietz misericorde,
Il mest aduis que tu en vauldras mieulx.

Exemple.



Ors vng iuge (en fantasiant)
ordonna telle loy : que qui-
conques prendroit vne femme
a force & violence, il seroit a
la volente de la femme violee,
cestassauoir que le violateur

seroit iuge par la fême estre digne de mort,
ou le prendre a mary sans douaire. Le cas
aduint que deux filles estoient couchees en-
semble toutes seules en vne maison, & a-
uoient oublie a fermer la porte dicelle mai-
son. Durant le temps quilz estoient en leur

premier somme, arriua vng ieune filz, qui
 les trouua seules, il se delibera dauoir leur
 compaignie charnelle, & ainsi quil seffor-
 coit de ce faire, sefueillerent toutes esmeues
 & estonnees: le ieune filz leur declara son
 desir vicieux, mais pour priere quil leur
 sceust faire, ne se voulurent consentir a sa
 volunte desordonnee, il leur feist plusieurs
 doulces requestes & promesses, dont tin-
 drent peu compte. Et quand il veit quil ne
 les pouoit attirer a sa volunte, par beau
 parler, leur feist plusieurs menaces, mais il
 perdoit son temps. Quand il veit quil ne
 pouoit iouyr par beau parler, ne menacer,
 & que lune senfuyt en vne garderobbe, il
 trouua moyen de lenfermer, ce temps pen-
 dant, il alla vers lautre & la viola, & ce
 faict, sadressa a lhuys de ladicte garderob-
 be, que lautre fille tenoit ferme contre luy,
 si le rompit, & entra dedās, & pareillement
 la viola, puis se partit & sen alla a son ad-
 uenture, sans redoubter son enorme peche.
 Or est ainsi que lesdictes deux filles toutes
 descheueues, plorantes, & gemissantes la
 perte de leur pucelage, quilz ne pouoient
 reconurir, allerent faire leurs complaindes
 deuant le iuge, lequel du cas aduertý, y
 enuoya les sergentz, qui feirent la diligen-

de le trouuer, & lamenerent deuant le iuge : & icelluy interroque sur ce cas, confessâ sans question ne torture, auoir commis la defloration. Le iuge demanda a l'une des filles, quelle estoit sa volonte. Sa response fut, quelle vouloit quil feust mis a mort, selon la loy. Pareillement le iuge demanda a lautre fille, quelle estoit sa volonte. Sa response fut, quelle estoit contente de le prendre par mariage, selon que la loy auoit ordonne : Et celle qui pourchassoit la mort, deist au iuge. La loy veut & ordonne, que quiconques prend vne fille par violence, il doibt estre mene a lexecution patibulaire, cest a dire au lieu determine pour souffrir mort, si vueil que cestuy violateur y soit mene, & execute comme il est dict en la loy : Lautre fille luy respond. Il est vray, que la loy dict & determine que si uayes la demande, mais aussi qui voudra garder la loy, iauray la mienne, & pource que ma petition ou demande est plus petite & charitable, il me semble que le iuge donnera sentence pour moy, si demande le benefice de la loy. Le iuge ouyt la difference des parties, considerant fragilite humaine, meu de pitie & misericorde, permist a la fille, qui vouloit auoir en mariage le viola-


teur, le prendre a mary, selon la loy, ce qui fut fait, & depuis se gouvernerent vertueusement, & regnerent paisiblement iusques en la fin de leurs iours.

30 Exposition & sens moral a l'histoire prealleguee.

ON pourroit fantasier & entendre par ce iuge, nostre seigneur Iesus, qui deffendu tous pechez mortelz, sur peine de mort eternelle, car sa loy est telle comme vng chascun chrestien scait, ou doit scauoir. Le violateur signifie lame d'vn chascun pecheur, car si tost quelle part du corps humain, elle treuve deux filles, cest-à-sauoir Iustice & Misericorde, quelle rait & prend, puis toutes deux viennent deuant le iuge, ou est amenee lame du pecheur: Iustice allegue contre lame du pecheur quelle doit estre condamnée a souffrir mort, & peine eternelle, selon la loy mais Misericorde diuine allegue, que par contrition, confession & satisfaction lame sera sauuee. Et pource estudions a plaire a Dieu, afin que ne soyons iugez selon la rigueur de iustice, mais sauuez par sa misericorde, ce que serons, si ne tient a

ous, car le grand iuge, qui est nostre be-
niste saulueur & redempteur Iesuchrist, ne
fuse misericorde, quand on luy demande
bon cueur.


Lacteur.

 V temps present regnent vio-
lateurs
Dont on ne fait quelque pu-
nition,
Filles en font bié peu de men-
tion,

Car force argent ont des riches raptours,
On le pournoit a dissimulateurs
Qui sont d'accord de les croire pucelles,
On voit assez de mondains decepteurs
Illes gaster par blasons & cautelles
Et sans penser aux offences mortelles,
Desirs peruers commis & grief malice,
Mais en la fin la diuine iustice
Les punira, silz font plus choses telles.
Pose que Christ misericorde face
Aux penitentz, & estende les mains,
Iustice veult punir pecheurs humains

Les fantasies

En leur monstrant espouventable face,
Violateurs, iustice vous menace,
Helas il est tant de filles gastees
Qu'on peult trouuer en la publicque place
Gente de corps, parees & es honteas,
N'en faiçtes plus, trop en est de noteas,
Bien est requis que notez ceste clause,
Que des pechez quilz font vo^r estes cauf
De leur salut ilz font par vous ostees.
Vierge gaste'e on ne peult reparer,
Fille heureuse est, qui virginite garde,
Des biés auras sans doubte quoy quil tard
Dieu ne permet d'elle se separer,
Mais place au ciel luy vouldra preparer
Et les pouser comme sa chere amye,
Honneur est prest la vestir & parer
Et sera fille a iustice clamee,
Mais sans doubter, la fille diffamee
Pour son plaisir, desplaist si fort a dieu
Qui ne la peult veoir en place ne lieu
Non pl^{us} que font mauuais yeulx la fume

 De vaine

GLOIRE ET OVLTRE-
CUIDANCE.

→ S courtz des roys, & de pñces royaulx
→ Sont plusieurs gēs en honneur esleuez
→ Tenāt termes vais, glorieux & haultz,
→ Si des seigneurs sont amys & priuez,
→ ont plusieurs (ainsi que vous scauez)
→ esgrād besoing que des pñces ayēt grace,
→ urs gouuerneurs ne veulent quō leur face
→ z nont argent, de grace sont priuez.
→ Si grand plaisir prennent a recepuoir,
→ ge voluntiers les gens escorcheroyent
→ n esperance de leur substance auoir,
→ aultrement le seigneur ne prieroient
→ obbe ou pourpoit ou mātēau souffriroiet
→ endre plus tost quilz ne happassent dons,
→ endāt la main pour auoir grādz guerdōs,
→ aultrement nul plaisir ne feroient.
→ Attendans sont drappiers, marchantz,
→ grossiers
→ our recepuoir draps de laine ou de soye,
→ aulbins, courtaux, hacquenees, courciers,
→ ulles. muiletz qui prennent a grand loye,
→ s officiers baillent or ou monnoye,
→ ultrement nont office, cest lusage,
→ atant leur est le fol comme le sage,
→ ar ce moyen maint iuge se desuoie
→ Quand tresoriers ont faiēt quelque de-
→ cepte
→ ne peuent paruenir a leur cas

Que compte fault rendre de leur recepte
 Terme ont souuēt de compter prou duca
 Ce temps pendant ilz font quelque caba
 Ou le seigneur par accident se meurt,
 Mais touteffoys il fault garder le heurt,
 Plusieurs en sont tombez du hault en bas
 Conclusion vous pouez bien entendre
 Que gens de court mettent tout leur pla
 Tendre la main, tousiours sont prestz de pr
 Par vaine gloire, appetent de saisir, (c
 Tout amasser, n'ayez plus de desir,
 Parce perdez l'heritage des cieulx,
 Car ceulx qui font dor & dargēt leurs die
 Despendre tout nauront ia le loisir.

30 Exemple de vaine gloire.



Un grand seigneur regna qui print sa
 fantasie (sur toutes choses) a regarder
 beaulte des dames: Et pource que souuēt
 estoit en vng temple, il feist faire trois
 statues fœminines, & les feist mettre debout
 commandant a tous ses subiectz les adorer.
 La premiere statue ou ymage auoit la main
 tendue vers le peuple, tenant vng aneau
 d'or, ou estoit escript. Je suis noble voyla la-
 lan. La secōde statue auoit vne barbe dor-
 e, & vng escript a son front, qui estoit tel,
 Je suis barbe, si ya aulcun qui soit chaul-
 le vienne a moy. & prenne ma barbe & mō
 poil. La tierce statue auoit vng manteau de
 pourpre sur la robbe, & estoit sur son esto-
 mach en lettre dor. Je suis qui ne crains hō-
 me. Ces trois statues estoient de pierre &
 ouuertes de vestemētz humains. Ce grand
 seigneur qui auoit mis sa fâtaſie a les veoir,
 fist vng edict que celluy ou ceulx qui pré-
 tendroient laneau, barbe, ou manteau desdictes
 images seroit condempne a souffrir mort
 ignominieuse & detestable. Apres ledict
 edict & publie a son de trompe, aduint que
 vng homme inique: mauuais, oultrageux
 & obstine entra au temple ou estoient les
 statues, & voyant lymage qui a tous pre-
 sentoit laneau, luy raut & osta de son doig.

Et non content de ce, alla a la seconde statue, & par violence luy osta la barbe de laquelle auoit, & de rechef partina en son opinion, se transporta vers la tierce statue luy osta son manteau: Puis quant il eut fait, il se partit du temple & mist l'anneau en son doigt, la barbe en son méton, vestit son manteau, & se pourmena en cest estat (pour son plaisir) parmy la ville. Quand le seigneur fut aduertý du cas, se courrouca grandement a lencontre du malfaieteur, qui auoit contemne son commandement, si enuoya des souldartz & sergens qui le trouuerent & le menerent par deuant luy: Quand il fut deuant le seigneur, il ne feist pas grand compte de sa prinse. Mais le regarda d'un coura-
fier & hardy. Le seigneur qui estoit prudent & vertueux le redargua quil auoit contre-
dict prins les aneaux, barbe, & manteau des statues qui estoient au temple. le malfaieteur requist quil feust ouy en ces deffences, ce que le seigneur luy permist, ainsi que iuge raisonnable & modere. Le raptier ou larron fist excuses telles. Quand ie entray au temple: La premiere statue auoit la main tendue vers moy tenant en icelle vng anneau come si elle vou-
loit dire, prens cest anneau, & toutefois ne me ingey pas de la prendre iusques a c-

ue ieusse faiēt lecture de lescripture, qui
estoit telle. Je suis noble, voyla l'aneau. Si
me sembla que sa volonte estoit que ieusse
le dict aneau, parquoy ie le prins, & mis en
mon doig. Apres ie vins a la seconde statue
qui me sembla fort estrange, a cause quelle
auoit la barbe dor, comme tout pensif reme-
moray que son pere ne porta iamais telle
barbe: car ie lay veu & congneu plusieurs
pays. Si consideray quel ne debuoit presu-
mer de soy estre plus grand que son pere, &
me sembla que selon raison estoit vtile &
benueable luy oster sadiēte barbe. Mais nō
obstant telle consideration, ie ne luy voulus
encq oster iusques a ce que ieusse faiēt lei-
ture de lescript, qui estoit en son front, qui
estoit tel: Je suis barbue, & sil ya quelquū qui
oit chaulue vienne a moy & prengne ma
barbe & mon poil. Or peulx tu scauoir &
cognoistre que ie suis chaulue, & si te vueil
en aduertir que ie luy ay oste ceste barbe
pour deux choses. La premiere, affin que
la dictē statue feust semblable a son pere, &
ie pour sa riche barbe elle ne feust orguil-
lese & fiere. La seconde estoit, affin que ie
arasse & accoustrasse de son poil precieux
la teste chaulue. Au regard du manteau
de iay oste a la troisieme statue, ie ne lay

pas fait sans grande consideration, car iay pense en moy mesmes que lymage est de pierre, or naturellement la pierre est froyde si ma semble que si elle auoit le manteau dor qui aussi est froit de soy, Ce seroit adioust froidure sur froidure, qui causeroit aulcune pourriture & putrefaction a la statue ou audict manteau, & encore pour telles considerations ie ne luy eusse point oste, mais quant ie veis lescript de son front, qui estoit tel. Je suis qui ne crains homme du monde, ieuz dueil de lorgueil qui estoit en elle, & luy ostay le manteau affin quelle se humiliast. Les excusations du raptEUR ouyes, le seigneur luy feist responce telle. Mon amy iay commande & crie par la loy, que nul ne fust si hardy doster, raur, ne despouiller, les statues, donc tu estoys bien aduertey, & pource que tu tes entremis des choses qui ne t'appartiennent en contempnant mes dictz & loy (non obstant tes excusations) ie donne par iugement & arrest aujourdhuy que tu soys pendu & estrangle a vng gibet, tât que mort sen ensuyue, Adonc incontinent vint le executeur de iustice qui executa larrest prononce par ledict seigneur, & ainsi ledict raptEUR fina ses iours pour son offence.

¶ Sens moral sur ladicte histoire.



N pourroit applicquer ce grād seigneur a nostre saulueur & redempteur Iesuchrist, & les trois ymages a lesglise, noblese & marchādise ou labour, quz se delecte a les aymer ainsi quil dict. Mes delices sont, estre avecques les z des hommes: Parquoy si nous viuons inctement & iustemēt, dieu demourra avecques nous: Par la premiere statue qui a main estendue, nous debuons entēdre les archantz ou laboureurs de ce monde, & tant ilz vont es courtz des princes ou deers les iuges ilz ny sont priēz ne bien vers, filz nont tousiours la main tēdue pour uiller, & si sont prestz de bailler, les gens court & iuges sont encores plus delibez de recepuoir. Mais sil aduient daduetuque les princes & seigneurs, ou la court ueraine en soient aduertis, & les en reuenent & redarguent ilz se excuse en disāt, is ie pas prendre en bonne conscience ce uon me presente, & donne liberallement? ne les contraiēt point a ce faire. Par la uxieme statue qui auoit la barbe dor, sōt emōstrez & signifiez plusieurs grādz & ri- es gēs en ce mōde qui ōt acquis vertueuse

ment richesses & auoir sans frualde, deception, ne tromperie, & sont plus riches que ne furent iamais leurs parens, ne leurs pere. Et ce voyant les faulx enuieux de ce monde, ilz tachent a leur raurir, & oster, & tollir leurs biens, leur substance, Cestascavoir la barbe dor, qui signifie leur richesse en disant Cestuy cy souloit estre paoure & miserable ayons ses biens, & donnons a entendre que la forsaict contre la maieste sacree du prince, ou le mettons en proces deuant iuges fauorables trouuantz moyen par phas ou ne phas que luy puyssions oster sa barbe dor cestascavoir son or & argent, & de sa barbe faisons cheueulx pour parer nostre chef. Il sentend de son auoir, faisons nostre propre & en iouyrons comme si leuissions gaigner loyaulment. Telz tyrantz & malfaicteurs sont chaulues, cest a dire, ilz nont nulles richesses: Mais en veullent auoir, ne leur chault comment, & viure sans prendre peine ne labourer, en desprisant ceulx qui ont des richesses, les voulant auoir par force. Par la troyfiesme statue qui a le manteau dor debuons entendre les gens qui sont constituez en dignitez & offices, comme les prelatz & gens de iustice qui ont loix a garder lesquelz doibuent assembler les vertus & ie

ter les vices dehors. Mais les malfaiçteurs
ne veullent croire en leurs diçtz, & ne peu-
ent endurer deſtre reprins ne ſouffrir di-
cipline, & qui plus eſt, ſen orguilliffent cõ-
re leurs prelatz & anciens, les menaſſant, en-
liſant. Nous ne voullons point que nul re-
ne par deſſus nous, meſmement font deri-
õ & mocquerie diceulx, ainſi que les Iuiſz
nocquerent noſtre ſeigneur, & ne tenoient
ompte de ſes preſchemēt z ne miracles par
uy faiçts, ne de ce quil les reprenoit en cõ-
ēpnāt la loy: car il cõſpirerēt ſa mort. Telz
nurmurateurs & conſpirateurs ſont pen-
dus au gibet denfer ou ilz meurent de mort
par le iugement de dieu cõme malfaiçteur
arron eſt condempne pour ſõ larcin & con-
empnemēt de la loy a ſouffrir mort corpo-
relle. Eſtudions dõcques a garder la loy af-
fin que ne ſoyons punis corporellement en
ce monde & eternallemēt en laultre. Ce que
ferons facilement ſil ne tient a nous.

Laçteur.

IL eſt requis dauoir iuges prudentz
Pour gouuerner le peuple ſur la terre,
Car la iuſtice en ſoy nullement nerre
Ses termes ſont commis & euidenz
Mais iuſticiers es villes reſidens

Les fantasies

Recoiuent dons des paoures mainteffoy
Comment motifz de plusieurs incidens,
Telz iuges sont dissipateurs de loix.
Prince puissant, faulcuns tu en congnois
Dessus la terre, ilz en soyent dehors mis,
Repute les comme tes ennemys
En leurs erreurs soustenir ne les doys.

Se vng iusticier veult donner sa senten
Ou son arrest iamaiz seul ne doibt estre
Auec luy doibt vis a vis apparestre
Pour luy donner conseil d'une prudence
Mais larrest dit quil fera diligence
L'executeur requis est le scauoir,
Faire se doibt tousiours par attrempance
Et auec soy discretion auoir,
Et pour encor mieulx faire son debuoir
Si le faulceur vouloit estre rebelle
Force conuient mener auecques elle
Par ainsi nul ne peult la decepuoir.

Lors nous voyons des iugemens ieeter
Sans que prudence y tienne son hault trai
Aux iusticiers souuent tendre la main
Pour biens mondains assembler, acquester
Doibuent ilz point lire de dieu doubter
A vostre aduis & son grand iugement,
Ilz veullent dire on nous vient apporter

Sans demander plusieurs biens seurement,
Ne iugent plus les proces aultrement
Ce nonobstant que pour telz cas ont gages
Ceulx qui pour dons commettent tant
doutraiges,
Seront punis irraisonnablement.

Se aulcū marchās ont des biens amassez
Honnestement en acquerant richesse,
Plusieurs larrons leur font larcin, oppresse
Affin quilz soient en honneur surhaultez
Pour amasser des biens se sont lassez,
Et ilz leur font ravis, ostez, pillez,
Pis quen forest, pillez & destroussiez
Par gens peruers a tout mal resolus,
Telz rapineurs mal regis, dissolus,
Seront punis en souffrant mort cruelle,
Nen doubte point plus criminelle & felle
Que ne fut onc a linhumain tantalus.

Si gens lettrez reprenēt malfecteurs,
Ilz sont despitz, les repreneurs menacent,
Et leurs commis, les biens daultruy amassēt,
Peu estimez sont par eulx leurs recteurs,
Compte ne font douyr predicateurs,
Sur tous mondains veullent auoir le pris,
Conclusion telz paillars & raptours,
Nendurent point des bons oster le pris,
A faire mal sont si tresbien appris,

Les fantasies

Qui ne leur chault dont les biés mondains
viennent,

Mais qu'eux leurs maïs les happēt & les tiennent
En la fin des dyables sont surpris.

De malice qui retourne a benigne &
amour

Côme enfans s'ot ingratz eüers leurs peres
En eulx voulant souuent esuertuer
De les naurer, occir, meurtrir, tuer
Mais beau parler oste telz vituperes.

Princes seigneurs qui des enfans auez
Corrigez les en leur tendre ieunesse,
Nattendez pas quilz se soient esleuez
Fiers & pompeux ou vous ferez greuez
Par leur meffai& durant vostre vieillesse,
Avoir enfans cest tresbelle richesse

Silz ont vertu, mais on ne peult bié entēdre
Que des mauuais, le pere en destresse
Quāt sont despitz aulcū chastiment prédre,
On doibt ployer lofier quand il est tendre.

Le plus souuent par faulte de doctrine
Les enfans sont a leurs peres rebelles,
Car en leur cueur vng orgueil senracine
Pource quilz nont point eu de discipline,
Qui cause en fin maintes erreurs cruelles,
Parquoy enfans prennent guerres mortelles
Et sont tous prestz leur pere assaillir

Et mettre a mort, par subtils cautelles,
 Pour leur pouoir & puissance abolir,
 Mais en la fin bon sang ne peult mentir.
 ¶ Aulcuns enfâs font a leur pere oultraige
 En les iectant pour les liurer a mort,
 Affin dauoir leur bien & heritaige
 Bien tard leur est quilz soient mis ou hors
 daage
 De leur mal fai& ilz nont aucun remort,
 Lenfant se voit hardy, puissant & fort,
 Au mesme lieu de son pere veult estre,
 A tout le moins il en fai& son effort
 Comme pourrez en ce liure congnoistre,
 Maintz seruiteurs ont eue sur leur maistre.

¶ Exemple de malice qui retourne
 a benignite.



IL fut vng prince prudent & faige qui fut conioinct par mariage a la fille d'ung Roy, lesquelz se aymèrent d'une amour loyalle, naturelle, & maridalle, obseruant & gardans la loy. Et alors de eulx proceda vng filz duquel fut rétiouys, & aussi tout le peuple du pays. L'enfant deuint grant. Et quand il eut enuiron laage de vingt & quatre ans il luy print vng appetit & plaisir de ordonne de vouloir tuer son propre pere. Et pour ce faire sefforca tant en lieu secret que publicque. Ce voyant son pere fut fort esmerueille. Mais cōc faige & prudent le tint secret & en son cuer, toutesfoys il se tenoit tousiours sur ses gardes. Aduint vng iour quil deuisoit avec sa femme pensant a la rigueur que son filz lay vouloit faire, dist telles parolles.

Mon reconfort ma chere amie, ma femme

Mon bien, mō port, mon espoir, mon soulas
Cest toy qui peulx remettre é paix mō ame
Gardant mon cuer de deshonneur infame
Qui tressoyble est, dolét, triste, mat, las,
Incessamment tu doybs crier hélas,
Ainsi que suis ne prens repos ne somme,
Si mon espoir ou demande tu las,

Grant charge porte & trespesante somme,
La femme doibt estre reconfort de l'homme,
30 Iay grant desir scauoir la verite,
Et ne la puis congnoistre que par toy
Ne me mentz point tu feras charite
se quelque mal iay fait ou merite
Vers ton doulx cueur quil ait pitie de moy
Prince puissant & magnanime roy
Reclame suis, nul ny doibt contredire
Entre nous deux promise auons la foy,
Si te supplie vng cas au vray me dire,
Femme ne doibt son mary contredire.
30 N'ayez point paour, licence ie te donne
De dire tout, parle a moy priuement,
Car si tu as failly, ie te pardonne
Celer ie vueil sans le dire a personne,
Ie te prometz dessus mon dampnement,
Declaire tost & me dis franchement
Si ton seul filz as conceu de mon germe
Se estoie certain quil en fust aultrement
Il y faudroit pouruoir & en brief terme
A priser est qui verite afferme.
30 Ie ne te viens ce demander sans cause,
Car ton filz veult me occire tous les iours,
Ne me mentz point dy, moy a peu de pause
Le vray du cas, sans faire longue clause
Par ce moyen tu me feras secours,
Ie doibs auoir vers toy mon seul recours,

Les fantasies

Si tu me mentz, tu vas contre raison,
Penses y bien, & me ditz en motz courtz
As tu forfait, ne tiens point long blason,
Si iuste nest, qui nait fait mesprison.

Lacteur.



A dame saige & bien aduisee
oyant ainsi parler son mari &
seigneur mua couleur. Et si elle
fut bien esbahye de la demande
quilluy faict touchant son hon-
neur, encore fut elle plus esme-
ueillee & craitue de ce que son filz se me-
toit en aguet iour & nuyt pour tuer son
mary quelle aymoist sur toutes choses.
Touteffoys elle fist telle responce.

Mon cher seigneur, & mary trefayme
elon raison te doibs obedience,
Sur tous humains es vertueulx clame,
Mais nullement ie ne tay diffame,
Craindre te vueil a toute diligence,
Bref ie nay point charge ma conscience
Ne foy faulce, ie le prens sur ma mort,
Que nay commis aucune violence
Soys tout certain, que oncques ne te fis tort
Tout peche est infame vil & ort.

Dieu appeller vueil a tesmoing du faict,
Que oncques ne fus maculee ne pollue,
Sur mon honneur iamais ne fis forfaict,
Memoire nest quon me ait veue dissollue,
On ne ma point prise, rauye, tollue,
Et neustz iamais de mal faire couraige,
Car a tayer ie suis si resolute
Que aultre sur moy naura quelque aduẽ-
Onc bien ne vint de rōpre mariage. (taige.

Cest ton vray filz naturel nẽ fais doulte,
Le ne scay pas pourquoy ta mort pourchas-
Tresuoulientiers mettray puissãce toute(se,
A lengarder, quelque chose quil couste,
Penfer ne puis pourquoy il te menace
Avoir nen vueil de toy la male grace,
Mon chier seigneur, certes ie te prometz
Que ne tay faict iniure ne falace,

Et nay espoir de ten faire iamais,
Tel lachepte souuent qui nen peult mais.
30 Lauteur.



L Imperateur fut content des excusatiōs
de sa femme. Car aussi elle estoit loy-
alle, & ne luy auoit faict aucun tort, Se de-
libera soy humilier enuers son filz, & se
vint presenter deuant luy avecques vne a-
mour paternelle & benigne, parlant en ce-
ste maniere.

O Mon cher filz & amy tresparfai&,
Que ay tant ayme affectueusement
Tu dois penser que tu es forme, faict
De ma substance, & par moyen effect

Tu peulx regner, ne le croys aultrement,
Mon amour as si tresparfaictement,
Que ie te vueil garder de vitupere,
Mon royaulme est a toy totallement
Après ma mort, que orgueil ne te supere,
Filz est peruers qui veult tuer son pere.

¶ Je t'ay conduict en plaisir & delices,
Et tous mes biens sont a toy, si te prie
Que chasses hors, inquitez, malices,
De ton fier cueur, trop cōmettroys de vices
Mettant a mort ma noble seigneurie,
Deuers toy viens humblement te supplie,
Que prens garde, au mal que veulx com-
mettre, Ton pere se humilie
Ce ne deburois endurer ne permettre.
L'enfant ne doibt de son pere estre maistre.
¶ Mais que peulx tu a ma mort proffiter,
Tu fais ainsi comme se mort estoie
De me obeir honneur peulx conquister,
Et bon renom, de ce ne fault doubter,
A ton regard prens singuliere ioye,
Appetes tu que de bien ne pouruoye
Je ne scay pas, tu as ce quil te fault,
Si te requiers qué maisons, champs, ne voye
Je n'ay de toy plus guerres ne assault,
Cest grant erreur quand sens naturel fault.

LE filz de lépereur par maniere daque
 escouta les remonstiances de son pere
 mais il ne laissa point a continuer son
 malice iour & nuyt, ce que congneut de
 rechef son pere. Si se pensa de trouuer facē
 de loſter de ceste erreur, en luy priant qui
 luy fist compaignie pour aller en vng boys
 chasser quelque beste, deſſendant a tous ſes
 ſubiectz, meſmes aux ſeruiteurs de ſon filz,
 que quand ilz les verroyent approcher de
 quelque fort ou gros buiſſon quilz ſe abſē-
 taſſent deulx, ce qui fut faiet. Quand ilz
 furent au buyſſon ſeuletz, le pere regarda ſon
 filz de piteux regard, & puis tira vng glaiue
 quil presenta a ſon filz & ſe miſt a genoulx
 la teſte nue en diſant.



Vis que tu veulx a ma mort
 tout tacher,
 Preſſuppoſant quil te ſoit ne-
 ceſſaire,
 Ce glayue prens daultre nen
 fault chercher,

Facilement le cueur nen peulx toucher,
 Soyés tout certain que niray au contraire,
 Car plus dhonneur auras de me deffaire
 En lieu ſecret, que deuant tout le monde,
 De moy tu peulx tout a ton plaifir faire,

A toy me rendz, regarde ma faconde,
Bon est le cuer ou charite abonde.

● Le suis tout prest d'endurer ton plaisir,
Me submettant a ta misericorde,
Et si tu veulx acomplir ton desir
I ne te fault que ce glaive saisir
Pour me tuer, point ny meetz de discorde,
Faietz ton vouloir mon filz, ie my acorde,
Mettre ny vueil aulcune resistance,
Mais mon cher filz ie te prie & recorde
Dedans ton cuer que cest de faire offence,
Celluy est fol qui faietz tout ce quil pense.
● Approche suis d'une amour cordiale,
De ce desert pour garder ton honneur,
Ce te seroit villennie & scandalle
De me tuer en ma salle royalle
Publicquement, veu que suis ton seigneur,
Penser y doibz, tu me vois d'humble cuer
Deuant tes yeulx, prest de mort recepuoir,
Secrettement peulx faire ton erreur,
Sans qu'homme nul sen puisse apperceuoir,
Mais dieu scait tout, tu doibs cela scauoir.

Lacteur.



Vand le filz apperceut son pere qui estoit a genoulx, & qui se humilioit si humainement deuant luy, & mesmes quil lui presentoit le glaiue, fut tout honteux, & change son appetit desordonne en filialle amour

ostant toute fureur de soy, prenant le glaiue & le remeist au fourreau, senclina vers son pere, le releuant humblement, puis se prosterna a genoulx deuant luy disant.

30 Helas, helas mon bon seigneur & pere
Forfaict me suis, contre toy iay commis
Peché cruel, ieusse faict vitupere
Te mettre a mort, pour mō grād impropere
Amerement du cueur plore & gemis
Te suppliant quil soit par toy permis
Me pardonner, payer ne puis lamende,
Ne le forfaict quay faict, quād me suis mi
A toffencer, ta grace ie demande,
Plus que le mal misericorde est grande.

50 Je cōgnoys bien que ie ne suis pas digne
Destre dict filz, pour ces cruelz meffaictz,
Mais chasse hors & iecte en ruine,
Et touteffoys a ta bonte benigne

me subme&tz, charge d'ung pesant faitz,
 A mes desirs qui sont si tresinf&tz
 Garde ne prendz, mon trescher pere helas,
 Mais mon esprit par ta pitie refai&tz,
 De pardonner iamais tu ne fus las,
 Apres grand dueil penlt venir gr&d soulas.

• Bref, sil te plaist dorefnauant maymer,
 Tout ton plaisir sans faulte acompliray,
 e me repentz de cueur contri&, amer,
 ans me vouloir iamais acoustumer
 A faire mal, plus ny retourneray,
 Des maintenant ton ayme filz i&ray,
 Car en tous lieux tascheray te seruir,
 elon ton vueil, ie te ministreray
 en appetant ta grace defferuir,
 age est qui scait peche de soy raurir.

Lacteur.

LE PERE OYANT LHVMI-
 lite de son filz, & aussi sachant son
 courage lebrassa d'ung vouloir pa-
 ernel, & luy pardonna tout le mal quil a-
 ioit machine contre luy, en proferant tels
 motz. .

Les fantasies

O Mon cher filz trefayme & begnia
Ne peche plus, soys a moy iuste &
loyal,

Je te congnoys mon amy & affin,
Si tu me veulx seruir iusqua la fin,
Tu me verras courtoys & liberal,
Monstre toy donc filz vertueulx, feal,
Si me verras pere trefgracieulx,
En te vestant de vestement royal
Trefriche & beau, plaitant & gracieulx,
Cueur penitent acquiert place aux saint
cieulx.

Lacteur.

INcontinent Lempereur print son filz
par la main, puis le mena en son palais
royal, & le vestit dung vestement pre-
cieux, & apres ce faict, feist vng grand &
triumphant conuy, ou furent mandez les
princes & seigneurs du pays, qui y assiste-
rent, ou depuis le filz du prince se gouuer-
na bien au royaulme iusques a la fin de ses
iours.

SENS MORAL A LHY.

STOIRE DESSVSDICTE.

PAr ceste exemple, on peult appliquer ce prince & seigneur, a nostre sauveur & redempteur Iesuchrist, & enfant qui veult perlecuter son pere, le pauuais chrestien. La mere de lenfant, en peult prendre pour sainte eglise, car chrestiens sont legitimes en elle, par le sacrement de baptesme, duquel auons prins nostre salut, & si tost que le chrestien peche & va contre le commandement de Iesuchrist son pere, il pourchasse & demande sa mort, mais Iesuchrist tout bon & misericordieux le meine au desert de ce monde, ou il ne sest pas seulement offert a mourir, mais il y est mort pour noz iniques pechez. Doncques pour lamour de luy, & pour le salut de nostre ame, nous debuons resister a lencontre de peche, & le seruir loyellement: Le pere baille le glaue a son filz, affin quil le tue. Dieu nous baille vng glaue, cest assauoir, liberal arbitre de faire biẽ ou mal, & pour ce, si sommes sages, nous ferons ainsi que le filz du prince: Nous crierons mercy a Iesuchrist, cest nostre pere createur, lequel auons offence, sans doubte il nous pardonnera, & aura mercy de nous, comme le pere de famille receut benignement son filz qui estoit alle en region loingtaine, ou a-

uoit despendu le sien prodigallement aux
femmes luxurieuses, ieux de hazart, e
lieux dissolus, dont vint en si grande ne
cessite, quil luy fut besoing de garder le
pourceaulx, & mangeoit pareille viand
comme eulx, toutesfoys considerant en luy
mesmes que chez son pere auoit tant d
biens & de richesses, se retira humblemen
vers luy, en luy demandant pardon de son
offence, ce que son pere luy accorda ben
ignement, & feist tuer vng veau gras pou
festoyer son filz, & ceulx qui le venoien
visiter. 50 Ce pere de famille, cest D I E U
qui recoipt le pecheur a mercy, toutes le
foys qui luy demande pardon de ses pe
chez, pourueu quil sen repete de bõ cueur
Parquoy quand tous sommes vrays confes
& repentantz de tous noz pechez, Nostre
benoist saulueur & redempteur Iesuchrist
plein de grace nous donne misericorde, par
laquelle pouons obtenir sa gloire eternelle,
& parueuir au royaume celeste.

Lacteur.

A V temps present regnent enfans di-
uers
Qui voluntiers pere & mere tue-
roient,

Pour faire bié nôt les ébins ouuers,
Dedàs les cueurs ont folz penfers couuers,
Qui les croiroit, iamais bien ne feroient,
Le patrimoine & reuenu auroient
Que leurs parentz ont prudemmét gardez,
Pour leur plaisir en bref temps le ioueroiét
A ieux de sort, comme aux cartes, aux dez,
Gens trop hastifz sont souuét eschauldez.

☛ Jeunes enfantz s'efforcent de conquerre
En peu de temps, honneur, louége & gloire
Et auoir bruiét triumpfant par la terre
Sans eulx monstrier vertueulx en la guerre,
Tant seullement des dames ont victoire,
Car ilz ne font pour ceuvre meritoire
Fors que parler de toute vanite,
Sans appeter dauoir bras laudatoire,
Rauissantz biens de la communité,
Guerre de culz est en ville & cite.

☛ A telz mignôs on baille môdains biens,
Ignorantz sont comme on les a acquis,
Et de trouuer de viure les moyens
Peu leur en chault, mais qu'ayent oyseaulx
& chiens,

30 Les fantasies

De relater leurs beaulx faictz nest requis,
Qui auroit bien per tout cerche & quis
On trouueroit, sans faulte, que richesse
Au temps present, font les hommes exquis
En leur donnant le renom de noblesse,
Il est gentil qui faict la gentillesse.

30 Je ne diſz pas que les princes môdains
Ne toient regentz sus les peuples môdains,
Mais si fault il quilz se monſtrent humains
Sans desrober & prendre a toutes mains
Plus quatre foys quilz nont de reuenu,
Se peuple nest vng petit souſtenu
De son seigneur, la chose est veritable,
Quen peu de temps de tout sera congneu,
Pource chetif, langoureux, miserable,
Cest grand vertu que deſire charitable.

30 Jeunes enfantz ayez vieilles gens,
En eſcoutant de bon cuer leur doctrine,
Car de ieunesse ilz sont les vrayz regentz,
Ainsi que vous, ont este ioyeux gentz
Et de noblesse ont plante la racine :
Est pas peruers vng enfant qui machine
De mettre a mort son pere naturel,
Qui layme tant & damour si benigne ?
Que pourueu est en son royal hostel :
On doit pſer que tout homme est mortel.

DE FEMMES MARIEES
LUXVRIEVSES.

Lacteur. 65

Que dirōs no⁹ des femmes daujourdhuy
Qui aux maris font infinies finesses,
Contentes sont de prestier leur estuy,
On mentēd bien, ilz rôpent leur promesses,
Doibūēt ilz pas estre appellees traistresses?
Vendent leur chair, cest grande vilite,
Notez quilz iōnt plus grefues pecheresses
Que ceulx quon voit en plein bordeau sans
cesses
Prenant plaisir a leur fragilite.

Quād la fēme est daultre que son mary,
Grosse ou enceinte, el cōmet maīt oultrage,
Bien doibt auoir le cueur triste & marry,
Iecter souspirs, & regret s'elle est sage,
Car si lenfant iouyst de lheritage
De son espoux, qui cuide son filz estre,
Sainct Augustin diēt a peu de langage
Quon est damne, pense dōc au dommage,
Que tu cōmetz, tu le deburois cōgnoistre.

Si ton enfant est damne pour ce cas
Tu doibz scauoir que nen auras pas moins,

30 Les fantasies

Mais descendras en enfer au plus bas,
Pertes, desirs & charnelz inhumains
Dy a ton filz, ne prendz les biens mōdains,
Puis fil les prend & tient entre ses mains
Cest a son damp, plus de ce ne te plaindra
Totallement descharge en seras.


30 Femmes voyons, qui pour se resiouyr
Et acomplir leur folle volonte
Prennent plaisir de quelque homme iouyr,
Pose quil soit trespauore & peu rente,
Voire & si sont de grande parente
Le plus souuent, mais ie vueil bien qu'on
sache

Quilz ayment trop vanite, volupte,
Et qui en dict la pure verite
Villaines sont & ont le cueur bien lasche.

30 Si vous auez este gastees, pollues,
Repentez vous, criez a dieu mercy,
Et ne soyez desormais dissolues,
Femme sage est, qui se gouuerne ainsi,
Dieu est tout prest vous pardonner aussi,
Il ne vous fault que demander sa grace,
Cela vous doibt oster hors de soucy
En esperant de le veoir face a face.

Exēple cō-

ME LE TEMPS PASSE ON
PUNISSOIT LES FEMMES
qui rompoient leur mariage.



VNg temps fut quung gouuer-
neur dung pays eut par fan-
tasie de faire vne ordonnance,
qui estoit telle : que si vne fem-
me mariee estoit trouuee en
adultaire, que sans misericor-
le, elle feust iectee du coupeau dune mō-
aigne iusques au val & parfondz dicelle.
Ce cas aduint, que vne femme fut trouuee

en adultere, & amenee deuant le gouuerneur, qui en obseruant la loy ordonna sa sentence. L'executeur de iustice feist son execution, ce que la pauvre pecheresse endura benigneement. Or aduint que par grace de Dieu, ou autrement, en trefbuchant ne receut point mort. Ce voyant l'executeur, la voulut reprendre & iecter de rechef du hault de la roche, a quoy elle s'approcha, parquoy fut remenee deuant le gouuerneur, & luy deist. Sire, ie congnoys que iay peche, & me repentz de l'offence que iay commise, en contemnant ta loy, iay paciemment porte la peine en quoy tu mas condaninee, ta sentence a este executee sur moy, mais les ministres & executeurs de la iustice me veullent de rechef precipiter & iecter du hault de la roche, qui est contre ta loy, car elle ne dict pas qu'on doibue estre puny par deux foys pour vng delict. Je confesse, & iay confesse que i'estoys adultere, mais iay este miraculeusement sauuee. Si sensuyt bien que ne doibz de rechef estre punie. Le iuge oyant sa responce & ferme foy, la deliura & luy donna grace.

30 Sens moral touchant l'histoire
de deuantdict.

ON pourroit entendre & fantasier que
le gouuerneur doibt eſtre prins pour
leſus, qui a ordonne telle loy que ſil
ya aulcun qui ait eſté pollué en ſon ame, par
peche mortel, il doibt eſtre ieſté du hault
d'une mōtaine iuſques au fons dicelle, ceſt
à dire, ieſté & expulſé du regne celeſtiel cō
ne fut Adam, quant fut ieſté hors de Para-
diſ terreſtre. Mais Jeſuchriſt par ſa benoiſte
paſſion la ſaulue. Quant l'hōme peche dieu
permet ſouuent quil en ſoit puny par iuſti-
ce affin quil ſamende, & ne veult pas que il
neure incontinent. Ceſt à dire, il ne le dam-
ne pas. Car il eſt plain de infinie miſeri-
corde, & ſe le pecheur ſe repēt il eſt ſaulue,
par ainſi nous debuons endurer les aduer-
ſitez de ce monde patiemment, priant à dieu
quil ayt pitie & mercy de nous.

Femmes qui ont rompu leurs mariages
Font deſhonneur à parens & amys,
Ne doutez point quil ny en ait de ſages
Qui leur plaiſir à vertu ayent ſubmis,
Celles qui ont ceſt ord vice commis,
Il eſt requis quilz laiſſent leur folle,
Car ilz le font maultre leur ennemy
Auront pardon: dieu la ainſi commis,
ſage eſt le cuer qui à dieu ſe humilie.

30 Les fantasies

30 Cest beau tresor que dune sage femme,
Qui est plaisante, humble, gaye, & ioyeu-
se,

Le mary est en repos de son ame,
Lasche seroit, faire vne aultre amoureuxse,
Si sa femme est despite ou rigoureuse,
Voulant porter trop riche estat mondain,
Il meneroit vne vie malheureuse
Par le moyen de sa femme orgueilleuse
Leurs biens seront degastez tout soubdain.

30 Femmes ya qui de pecher nont honte
Deuant chascun, ilz corrompent la loy,
Se on les reprent, peu en tiennent compte,
Cueurs ont plus durs que acier, ferme alloy,
Et touteffoys quant corrompent leur foy
A leurs marys, silz ne font penitence
Iectez seront avec tout leur arroy
Du hault du roch, par iugement de roy,
Dedans le val infernal sans doubtaunce.

30 De pitie & misericorde.

30 Comme lon doit des prisonniers auoir
Compassion, pitie, & misericorde
Beaulcoup de maulx ont comme on peult
scauoir
Et grand besoing que deulx on se recorde.

● Ceulx qui ont mys leur ſeblable en priſon
 Et na commis enuers eulx meſpriſon,
 Ilz on grand tort. chaſcun le peult entendre
 Le priſonnier par ſon temps & ſaiſon,
 En lieu obſcur ne ſcauroit plaſir prendre,
 Si dur cueur neſt qui ne deuienne tendre
 Communement on y eſt mal traitte,
 Lamy on voit a la neceſſite.

● Il eſt des gens qu'on doit ſelon droicteure
 Imprisonner, car de propre nature
 Ilz ſont des cas enormes execrables,
 Deulx amender, ceſt bien grãde aduenture,
 Car ilz ne ſont deulx meſmes pitoyables
 Telz gens ſont ditz beſtes irraiſonnables,
 Craignent ilz point que vng iour dieu les
 puniſſe.

Tout hõc humain doit redoubter iuſtice.

● Pour le plaſir de aulcuns ſont
 Mis en priſon, quant deſſus eulx haine ont,
 Les deuallant en quelque foſſe baſſe,
 A leur plaſir, & vouloir ilz en font,
 Puis quilz lont dit par force ceſt qu'on paſſe,
 On voit daulcuns a qui on donne grace,
 Par le moyen d'amis ou de pecune,
 Aulcun eſtoys dangereuſe eſt rancune.

● Aulcuns parens laiſſent en grãd dangiere
 Enfans prochains, la ou par eſtrangiers,
 Ont mis dehors, ou ſen mettent en peine

30 Les fantasies

Pose quilz soyent marchans ou voyageurs
 Hazart les prent, qui en prison les meine
 Ou sont saisis par quelque capitaine
 Qui les veult mettre a rancon excesiue
 Mondaine vie est souuent trop actiue
 Dessus la mer plusieurs marchans sont pri
 Par faulx tyrans de maints vices repris,
 Carescumeurs ou pirates de mer
 Frennēt leur biē, qui est dung tresgrād pri
 Tant quon ne scait le vray en estimer,
 Les parens sont (se me semble) a blasmer,
 Qui si lōg temps les laissent la transmis,
 Plus de parens est souuent que d'asmais.

30 Exemple de pitie & misericorde.



L fut vng riche marchand qui auoit vng
 filz prudent sage & de bon gouuerne-
 ment. Son pere eut volunte & fantasie
 de lenuoyer sur mer en marchandise. Le cas
 aduint que il fut prins des larrons, pirates
 & escumeurs de mer, le prince ou capitaine
 ceulx le feist mettre prisonnier dedans son
 navesteau, & le cōdempna a payer tresgrande
 rancon deuant que partir du lieu, nonobstant
 que ledict capitaine fut trespuissant & ri-
 che homme, Le prisonnier sachant le nom-
 bre de sa rancon enuoya lettres a son pere,
 que il luy pleust le deliurer & payer sa ran-
 con, Ce quil ne voulut faire: mais en feist re-
 fus, dont se bahist grandement, & en feust
 descourrouce & marry, tellement quil luy
 en print vne maladie contagieuse, tāt quil
 en deuit fort las & debilite. Or fault il noter
 que le prince & capitaine qui le tenoit en
 ses prisōs, auoit vne tres belle fille douce, &
 racieuse, que tout homme qui la regardoit
 estoit hors de toute tristesse, Laquelle auoit
 tousiours este nourrie en la maison de son
 pere, elle visitoit souuent le prisonnier, en
 luy donnant mainte consolation. Mais il e-
 stoit tant triste & dolent en cueur quil ne se
 pouoit resiouyr, Il aduint vng iour comme
 la pucelle visitoit icelluy enfant en le con-

fortant de sa parolle au mieulx que possit
luy estoit, il parla a elle en ceste maniere.

LE doux regard de ton œil precieux,
Sans que aye péser mauuais ne viciex
Me retiouit dedans ceste prison,
Et nay auleun plaisir deliceux,
Fors de te veoir dedans cest obscur lieu
Ou iay este tenu longue saison,
Tu entendz bien, point ne fault lōg blaïso
Par toy ie puis auoir ma deliuançe,
Celuy est fol qui vit sans eïperance.

30 La fleur.

LA fille regarda pitenfement & de fra-
courage entremesle de vraye & hor-
neſte amour, le paoure prisonnier
ne fut pas si ingrate quelle ne feïst respon-
a ſa demande qui fut telle.

POſſible neſt te mettre hors dicy,
Tu es captif de mon pere, cecy
Tu doïbs noter, entédz biē la manie-
Tes parens tont laiſſe en ce lieu cy,
Bien peu leur chault, ſe fais piteuſe chere,
Congnois tu pas que ie ſuis eſtrangere,
De tes parens, me requiers tu tel choſe
L'homme ſouuent propoſe & dien diſpoſe
30 Or ſcaïſ tu bien quant te deliureroye,
Que griefuement mon pere offenceroye,

ar il perdrait la rancon que luy doibtz,
est certain que plaisir te feroye
resvoluntiers, ainsi que tu congnois,
que tu las ia ven par plusieurs foys
n la prison ou est mis au seruage,
plaisir nest bon qui redonde a dommage.
Ce non obstant ie te deliureray
de ces prisons, & franc tenéuoyray,
tu me veulx vne chose promettre.
yes tout certain que plaisir te feray,
n esperant que le vueilles congnoistre,
e doute point que ne te vueil mettre
ors de ces lieux, quoy quil doye aduenir,
e quon promet est requis de tenir.

Le Lacteur.



LE prisonnier se resiouist du parler la pucelle: & luy estoit tard de ouyr requeste & petition dicelle. Parquoy feist telle responce.

Fille dhonneur, plaise toy commander
 Tout ton plaisir, prest suis de l'accorder
 Tant soit il grād; dāgereux, & terrible
 Doubte nen fais, a ce vueil conceder,
 Pourueu quil soit a moy faire possible,
 Car ma douleur congnois inextinguible,
 Sans ton moyen, si demande ta grace
 Tout prisonnier sa deliurance trasse.

30 Laſteur.

LA fille de rechef regarda en pitie le prisonnier, & luy dit liberallement que pour sa deliurance ne luy demandoit autre chose, que en temps opportun & conuenable il la print en mariage. Ce que il promit de ferme pensee, & incontinent la pucelle doubtant les reproches & blasmes que son pere luy pourroit dire, a cause de la deliurance, se partit avec son acorde, & tant feire par leurs iournees quilz arriuerēt ē la maison du pere du prisonnier, qui nauoit voulu entendre a la deliurāce de son filz, lequel monstra semblant quil estoit tresioyeulx.

deliurance de son filz, aussi de sa venue. Mais il voulut scauoir qui estoit la pucelle, son filz luy racompta comme elle lauoit deliure de prison, & que cestoit la fille du Roy a laquelle il auoit promis mariage. Desquelles choses le pere fut tresmal content, & luy deffendit sur peine de perdre son heritage, quil ne la print a espouse. Aquoy son filz luy feist reuerante responce, en luy disant quil estoit beaulcoup plus tenu a elle que a luy, & quant il estoit prisonnier mains de ses aduersaires, quelque escript, application, ou requeste que il luy eust enuoyee, il nen tenoit compte, & lauoit laisse ainsi comme habandonne, & mis en nonchalance, & que la pucelle le auoit deliure, non seulement de la prison: mais du peril & danger de mort. Parquoy estoit delibere luy tenir promesse. Le pere luy feist responce quil ne se debuoit point fier en elle pource quelle auoit deceu & trompe son pere, quant son frere elle lauoit deliure, le frustrant de la pecune que il eust recene pour la rancon, ou aultremet lauoit fait pour accomplir plus a son aise le peche de luxure, luy deffendant de rechef de la prendre par mariage. La pucelle oyant ces altercatiōs, parueu vertueusement & dist. Tu dis que iay de-

ce mon pere & ie te dis que non, car cellu
est deceu qui est diminue de son bien : ma
mon pere est tant riche quil na besoing de
biens daultroy, Et se mon pere eust pri
rancon de ton filz, il nen eust pas este plu
riche, & toy & luy fussiez deuen^e pource
pour sa redemption, parquoy en ce faisan
ne pense auoir forfait. A ce que tu dis qu
pour mō plaisir charnel iay vacque a la de
liurance, ie puis respondre au contraire: ca
appetit charnel vient pour la beaulte, force
richesse, ou beau language de la personne
& ton filz nauoit dedans la prison beaulte
richesse, force, ne beau parler: car par la de
tention de prison il estoit passe, maigre, ma
vestu & accoustre. Au regard de richesse,
nen auoit point, quant a lhonneur, quelle
magnificence pouoit il tenir, ne me faire
quelque plaisir quant il estoit captif? Asse
y auoit en la court de mon pere des prince
& seigneurs qui ne demandoyent que a m
faire plaisir & seruice pour diuiser avecqu
moy, & leur sembloit quilz eussent este bie
heureux dauoir seulement vng doux re
gard. Quāt de sa force, il lauoit perdue par
lhumidite de la prison, & froidures quil
auoit endurees. Ainsi sensuyt que ie lay
deliure par pitie & charite & nō aultremē

pere ouyt le parle raisonnable de la pucel
dont fut trescontent, & ne voulut plus
poser blasme a s^{on} filz ne a elle aussi, par-
oy furent espousez honnorablement, &
vnerent en vraye amour, maridalle en
ur vie.

Expositiō & s^{es} moral a ladi^{cte} hy^{sto}ire.
— E filz prins des pirates, larrōs, ou escu-
meurs de mer, peult estre entēdu pour
— tout le gēre humaī, prins par le peche
premier hōme nostre pere Adā, & mis en
prison & chartre du dyable, cest a dire en
puissāce. Le pere qui na voulu rachapter
enfāt, no^o peult signifier ce mōde cy, qui
veult ayder a lhōme pour le tirer de pri-
n. Cest assauoir des liens du dyable, mais
ustost luy tenir. La fille qui le visit en pri-
, peult signifier la benignite de nostre saul-
ur & redēpteur Iesuchrist, meu de pitie,
descēdu des cieulx a nous, en prenāt no-
e chair humaine, & ne nous demāde que
nostre amour pour salaire. Le pere de la fil-
peult estre figure le pere celeste, qui na be-
ing de noz richesses, car sur toutes choses
est riche & bō. Le mōde desprise la beni-
nite de I E S V S, & toutesfoys le filz voy-
it que son pere le laisse en danger, cest a
attendre, le monde qui abuse les mōdains,

Il a congneu quil a este permanable, & n'ya point de fiance, parquoy le habandonne & a prins la fille en mariage, cest la benignte de Iesuchrist, qui la deliuree de prison infernale, parquoy fult conclure que en ce monde n'ya fiance fors en dieu.

De la reformation de paix & de la vengeance de ceulx qui la rompent.

Balade.

Veu auôs paix par plusieurs foys florir
Et puis apres venir vne bruyne
Où mauuais air, par sus elle courir,
La trespuchant quasi comme en ruyne,
Le plus souuent par la grace diuine,
Nous la voyons en France florissante,
Clarte iectant radiante, luy sante.
Puis quelcū vient qui casse & rōpt les loix,
Par ainsi est frustree descalinee,
Si pouons nous bien dire touteffoys.
Que par vouloir liberal & courtoys,
Pour aulcun temps la paix nous est donnee.

Au beau verger de France veult meurir,
Flandres aussi par la volente traine,
Laquelle paix debuons priser, cherir
Car on ne peult sans trauail conquerir,
Tel triumpant, precieulx tresor digne,

C'est la vraye fleur que la terre illumine
De son odeur, a tous fruytz est d'uyfante,
Pour substantier les princes suffisante,
Et les tenir en sumptueulx arroys,
Par aucuns iours el a este regnee,
Pour en iouyr a nostre vueil & choys,
Res par loyse auiourdhuy & congnoys
Pour aucun temps, la paix nous est dōnee.
¶ Quand au regard guerre faire mourir,
Impossible est, tousiours quelcun mutine,
On la peult bien laisser a langourir,
Sans luy vouloir ayder, ou secourir,
Mais cueur selon se despite & obstine,
La rauissant, pose quel ne chemine,
En ville ou champs, en lieu secret la plante,
On prent repos couuerte au feu se plante,
En esperant que vsera de ces droitz,
Comme despite en cueur desordonne
Cuydant tenir princes dans ces charroys,
Mais par pape, empereur nobles roys,
Pour aucun temps, la paix nous est donnee.

¶ Prince se auez quelque noyse irritante,
Nuocquer fault leglise millitante,
Et de iustice ouyr la voix famee,
Ainsi accord gaignera la iournée,
Et sera dict en champs ville, & boys
Pour aucun, temps la paix nous est dōnee.

Exemple de paix & de ceulx qui la rompent.



LA fantasie des gens du temps passe estoit, que quand il y auoit eu guerre, discors, ou aulcun debat entre le pape, empereur, roy, ou princes, & on traictoit quelque paix ou accord, ilz montoient sur vne haulte montaigne, sur laquelle estoit occis vng aigneau, & estoit le sang respēdu deuāt eulx, en signe de reformatiō de paix, & aussi en demonstrent que celuy qui lenfraindroit & iroyt a lencontre, vangeance seroit prinse de luy, & son sang respēdu comme celluy de laigneau.

Moralite sur ceste exemple.

PAr les grans seigneurs, on doibt entendre dieu le pere & l'homme. Le psalmiste dit de dieu que il n'y a point de fin ne de terme de sa grandeur. Dit aussi de l'homme qu'il a esté créé & fait selonc sa semblance. Tu as rendu toutes choses subiectes à tes piedz. Entre dieu & l'homme a esté telle discorde, que tous ceulx qui mouroient pour lors, alloient aux enfers. Du depuis la confirmation de paix a esté faite entre eulx, & a esté mené vng aigneau innocent sur vne montaigne, lequel aigneau nous peult figurer nostre sauveur & redempteur Iesuchrist, qui fut crucifié sur la montaigne de Caluaire ou il respendit son sang, en signe que celluy qui yroit contre ceste paix faite, seroit puny, & aussi qu'on prendroit de luy grosse vengeance, & seroit son sang respendu. Parquoy nous debuons estre assez que nous serons punis griefuement si nous rompons la poinctement, & pacton qui est entre dieu & nous, laquelle a esté promise, au iour que nous receusmes le saint sacrement de baptesme. Et pource estu lions à garder ceste paix, & bien nous en prendra.

30 La fleur.

TAnt on a faict damiables accordz
 Puis peu de téps par beau parler cōfise
 Puis mue paix en noises & discordz,
 Par enuieulx qui ont este discors,
 Que noble cueur vouloit que paix en fist,
 Par trop aymer leur singulier proffit,
 Non regardans quilz rompoient les vertus,
 Contre raison ilz se sont debatus,
 Car autrement leur estat changeroit
 Incontinent que guerre fineroit,
 De la nourrir, font nuyct & iour effors,
 Courcez seroient quand le monde diroit
 Tant on a faict damyables accordz.

30 Par trop aymer trefors & biés mondains,
 Faire bastir chasteaulx, manoirs, forterefles
 Abatre pain nuyct & iour a deux mains,
 Frapper de taille & destoc sur humains,
 Gens de lieu bas ont eu grandes richesses,
 Simples clergeaulx qui ont aprins finesces,
 Sont deuenus comme petis seigneurs,
 Et en orgueil tant esleuez leurs cueurs,
 Quilz ont desirs tousiours quō face guerre
 Affin dauoir tous les biens de la terre,
 Ce nonobstant quilz soient filz de villains,
 Ne doubtez poit que leur couraige ne erre,
 Par trop aymer trefors & biens mondains.
 30 Tel na eu cours que deux âs qui est riche
 Voire a milliers, dont peult cela venir,

Quand mon esperit a y penser se fiche.
Conclure veult pour finale rubriche
Que au commun fault telz gens soubstenir,
Car sa substance on luy veult retenir,
Tirer son sang, & arracher sa laine,
Comme a laignel que au sacrifice on meine,
Gens affamez happent de tous costez
Ses biens, faisis, ravis, pillez, ostez,
Tant quil na plus la valeur dune miche,
Par gens telz quelz se le cas bien notez,
Tel na eu cours que deux ans, qui est riche.
☞ Celuy qui rompt la paix, lapoinctement,
Non desirant que le peuple soit franc
Punir le fault fort criminellement
En lieu public voir volontairement,
L'effusion par crueur de son sang,
Ou le iecter en ruiere ou estang,
Palliateur est de roys & de princes,
Et destructeur de mondaines prouinces,
Dont les seigneurs ne sont point aduertis,
Que des pays plusieurs sont fugitifz,
Tous esperdus, mais on congnoist commēt
Par gēs qui ont espritz, doctez, subtilz.
Celuy qui rompt la paix, lapoinctement.

☞ Comment vng homme peult faul-
uer vne natiō pour endurer peine vo-
luntaire.

Gens liberaulx font a chascun plaisir
Aulcunefois ny perdent quelque
chose,

Aussi daulcuns se veulent dessaisir,
Du bié mōdain, mais vng aultre en dispose,
Le plus souuent tel veut des biens saisir
Et les happer par larcin, mais il n'ose,
Sil est requis le bon chemin choisir,
On ne faict pas tout ce que lon propose.

30 Aulcūns ont mis leurs ames & leurs corps
En grant danger, pour a chascū complaire,
Et appaiser les noyses & discordz,
Dont en la fin ilz ont peu de salaire,
Incontinent quilz ont faict les acordz,
Du plaisir faict, plusieurs se veulent taire,
Et ne sont plus de ce bien faict recordz,
Bon faict penser au plaisir qu'on veult faire.

30 On en congnoist qui mettent leur estude
A faire épruntz, mais quō y vueille entēdre,
Tout leur penser est trouuer habitude,
Pour demander, mais sont prestez a prendre
Tel faict promesse & mentir point ne cude,
Qui tost apres na que engager ne vendre,
Son luy demande, il rend l'angaige rude
Dieu est au prest, mais le diable est au rēdre.

30 Exemple.



L'aduūt vne fois que au meilleur lieu de la ville de rome la terre se ouurit, & estoit le trou ou pertuis merueilleusement grād & de si grāde profondeur que oeil tant fust il subtil, neust sceu veoir le fons, dont les Romains furent fort esbahys & fantasiez, parquoy pour y remedier assemblerent le senat, auesques les conseulz, preteurs, & dictateurs de la cite, & eurent conseil sur ce cas qui fut tel, quilz yroient deuotemēt vers les dieux, suppliant quil leur pleust reueller la cause de ceste aduēture, & mesmes le remede pour y pouruoir. A quoy les dieux firēt respōce que iamais louuerture ne seroit fermee iusques a ce que quelcū se iectast volūtairement dedās icelle.

Ce que homme ne vouloit faire. Parque
louuerture fut longuement dedans la dié
ville, & ce voyāt vng noble romain meu
prie, considéra en soy quil feroit vng bie
inestimable é la cite, se il la deliuroit de ce
inconuenient, se arma de precieuses arme
print vng cheual hardy & legier & y snel
monta dessus, & se iecta tout ainsi arm
auecq son cheual, dedans ceste profon
abisme. Et incontinent la terre fut reclos
ainsi quelle auoit este par auant, qui depu
na faict ouuerture,

Moralite sur ceste exemple.

PAr la cite de rome on peult signifier
monde, au meillieu duquel est ense
cest le centre de la terre, lequel a es
ouuert deuāt la natiuite nostre seigneur Ie
suschrist, ou infinis hommes sont trespuche
Par le senat cōsulz, preteurs, & dictateurs
peult prendre les patriarches, roys, & pro
phetes, qui tous les iours demandoient
dieu le pere, la cause de ceste ouuerture in
fernalle. Qui leur fist respōce par leurs bo
ches mesmes, que iusques a ce que vne vie
ge enfanteroit vng filz, qui en la fleur de
aage deliberement & volontairement se i
et croit en ceste ouuerture, iamaiz elle

oit reclose, ce que nostre faulueur & remp-
 teur Iesuchrist feist, car incontinent
 res sa mort & passion monta sus le che-
 l de charite, arme des armes de la croix
 tra en labisme infernalle, cest enfer re-
 os, qui ne no^r sera iamaïs ouuert, se ne pe-
 ons mortellement, & desprisons les com-
 andementz de dieu, si est requis nous en-
 rder, affin que ne puissions tomber en
 u si obscur, mais monter au ciel ou est
 rte nompareille.

Lacteur.

DEu de gens, sont deliberez mourir
 Pour subuenir a la chose publique,
 On ne veult pl^r son prochain secourir
 Mais vng chascun pour amasser pratique,
 Plusieurs veulent tracasser & courir
 Qui ont parler liberal, autentique,
 Et touteffoys leurs parentz voyent perir
 Sans leur ayder, est ce pas chose inique?

Amytie est cachee en quelque coing,

Les fantasies

De chercher Foy auiourdhuy on sabuse,
Quand Dunion fuye sen est bien loing,
Amour venir en ce monde refuse,
Largesse a brui&t, mais elle a clos le poing
Son veult auoir Liberte, el sexcuse,
Amasser biens sans prendre daultroy soing
Pour le iourdhy le peuple humain samuse

Cenlx qui deburoient le bien public
garder

Ont cueur selon, & pensee desloyalle,
A leur proffit veulent trop regarder,
Quand sont munys de puissance royalle
Ilz ont vouloir par sus tous proceder,
Silz font du bien, nest que par interualle
Absorbez sont quand vient a deceder
Sans reuenir a la fosse infernalle.

Comme ne-

CESSITE TROVVE MOYEN

DE VIVRE.

Gens eshontez, qui ne veulent trouuer
Aulcun moyen de viure, & sont oyseulx,

our bestiaulx on les doibt reprouuer
ans frequenter ne hanter avec eulx,
ar Dieu nayma iamais gens paresseulx.

Il y en a qui veullent besongner
our peu de gaing, & sont de bon affaire,
es autres sont tousiours prestz dēpoigner
e petit gaing, & ne veullent riens faire,
elon louurage on doibt auoir fallaire.

On voit coquins, larrons, maraulx, be-
listres,
asches de cuer, rongneux, pelez, tondus
insi regez que moy nes en chapitres,
Judz & deschaulx, gelez & morfondus,
ous paresseulx sont en fin confondus.

Qui na argent requis est den cercher,
e fol sattend a lescuelle daultuy,
Qui rien nemprunte, on na que reprocher,
on faict auoir argent en son estuy,
ien peu damys on voit pour le iourdhy.

Si nous voyons quayons necessite,
icuuons facon de gagner nostre vie,
en nous mettant hors de perplexite,
Despendre trop ne fault auoir enuie,
De peu de chose est la chair assouue.

Exemple.



IL fut vng roy, qui eut fantasie de faire vng grand conuy ou banquet, & de tenir vng certain temps durant cour ouuerte a vng chascun. Il enuoya messagers & heraulx par tous ses pays, qui le publierent a son de trompe. Le temps venu le bācquet fut prest & appareille aux iours limitez, ou volontairement se transportèrent gens de plusieurs estatx, pource que le roy auoit dict & promis que ceulx qui se y

ouueroient, auroient infinis biens & richesses. Il aduint quung aueugle fort & puissant de corps, & vng homme boyteux & impotent de tous les membres, excepte les yeulx, dont il veoit trescler, ouyrent la publication du banquet, & se prindrent a regretter leur imperfection, qui estoit cause quilz ne se presentoient audict conuy, & ne par ce perdoient vng bon repas, mesmes vne richesse infinie. L'aveugle disoit au boyteux. Mon amy, tu es impotent de tes membres, & ie ne voy goutte, impossible nous est de comparoir a ce noble & solennel bācquet, auquel le boyteux feisl response. Mon amy, il nest riens impossible aux hommes, pourueu quilz se veuillent employer a resister a leur malle fortune, ne te soucy, sil ne tient a toy, nous paruiendrons au banquet que le roy a estably, iay aduise que tu es robuste, fort & puissant pour cheminer, mesmes pour porter vng pesant fardeau, est requis que tu me charges sustes espaulles, & ie t'adresseray la voye par ou il fault aller au banquet royal, & par ce moyen nous y paruiendrons. ce qui fut fait, & par ainsi prindrent leur repas, & eurent, selon la promesse du roy des richesses & biens infinis.

Exposition

ET SENS MORAL A LA
PREDICTE HISTOIRE.

LE roy qui a prepare le conuy & banquet solennel, se peult entendre nostre benoist sauveur & redempteur Iesuchrist, & le banquet pour la vie eternelle, car il est dict en la sainte escripture. Vng homme feist vng grand conuy, ou plusieurs gens furent appelez & conuiez & ceulx qui y assisterent eurent richesses eternelles. Cest auetgle peult signifier les hommes riches, fortz & paisantz en biens mondains, qui ne considerent, & ne veulent veoir ne cōgnoistre que les biens quilz ont sont venus par la grace de DIEU, & par ainsi sont auetglez par peche, & les doit on nommer auetgles, quand a la vie eternelle, & qui plus est ygnorantz des choses salutaires. La comparaison dicculx, est la taulpe, qui dessoubz terre a plusieurs petitx logis ou elle se retire, aussi les riches mondains auetglez en leurs biens terrestres, ont plusieurs logis, cest assauoir chasteaulx,

aisons, manoirs & aultres lieux quilz ont
iet edifier pour eulx retirer, & mesme-
ent pour mustier leurs tresors qui les ont si
en auenglez, quil leur semble que iamaiz
leur fauldront. Quand la taulpe est hors
de la terre, & a eslongne le pertuys dont
le est partie, impossible luy est dy retour-
er. Aussi quand l'homme humain part de
le monde, cest assauoir quand lame est se-
aree du corps, elle ny peult plus retour-
er, & luy est force de laisser & abandon-
er les chasteaulx & aultres braues logis,
out ainsi cōme la taulpe, qui ne peult plus
etourner en son pertuys. Les riches voyent
assez cler aux choses temporelles, mais ilz
ont auenglez, quand aux choses spirituel-
es. Le boiteux pouons cōparer a vng hom-
ne deuot : a ce qui cloche, on doibt scauoir
quil ny a homme parfaict, toutesfoys il
voit assez cler pour aller au banquet eter-
nel, car il enseigne & conduit lauengle, cest
a dire aux mondains dy paruenir, & y les
y conduit, pourueu quilz veuillent mettre
peine dy aller. Et pour ceulx qui veuillent
paruenir au grand banquet eternal, cest la
gloire celeste: ilz doibuent croire ceulx qui
leur enseignent le chemin, & les porter sus
leurs dos, a celle fin que assemblement

Les fantasies

ilz y puissent paruenir. Mais il est a entendre que le fardeau que laueugle doit porter, a parler moralement, ce sont les paucures a qui ilz doibuent presenter dons & aumosnes pour subuenir a leurs necessite. Les heraulx qui ont publie le banquet conuy, on les pourroit applicquer aux deuotz docteurs & interpreteurs de la sainte escripture, qui sans cesser nous admonestent par les sermons & enseignement a nous gouverner, selon la doctrine de nostre mere sainte eglise. Par ce moyen nous debuons croire ceulx qui nous monstrent le chemin pour aller au banquet & conuie solennel, qui est la gloire eternelle, cest par le paradis, ou pouons facilement paruenir, en prenant peine & labeur, accomplissant les commandementz, & conseil des docteurs & predicateurs, qui nous enseignent le chemin pour y paruenir.

Lauteur.

Au tēps present on faict plusieurs banquetz

Ou viennent gens masquez & desguisez,
On si esbat, on dict de haults caquetz,
Souuent y sont mariages brisez,
A dur metal engins fort aguisez.

☛ Richesse & biens on y peult acquerir,
Plaisir de corps, & iouyr de sa dame
Par doucement prier & requerir,
Mais cela nuyt terriblement a lame,
Lien fault fuyr, ou est reproche & blasme.

☛ Aulcū bācquetz sōt hōnestes, gaillardz,
Les gens de bien y prennent plaisir, ioye,
Sil y suruient gens goulliers, paillardz,
Chasser les fault, comme loyseau la proye,
Il nest que suyure en seure & droicte voye.

☛ Pour paruenir au banquet eternal
Il fault porter paoures, aumosnes faire,
Sans trop penser a son bien temporel,
Prescheurs ouyr qui sont de bon affaire,
On ne va point au marche pour rien faire.

☛ Gens auuglez y arriuent souuent,
Auis leur est que nul ne les escoute,
Mais malle bouche est soufflante souuent,
Quand elle ment, ne haulte pas le coute,
Bancquet donne aulcunesfoys cher couite.

☛ Aulcuns y vont par bien & par hōneur,
Viandes & vins assez on y appreste,
Car icelluy qui en est gouuerneur
Ioyeusement les recoit & les traicte,

Les fantasies

Mais faulce langue a mal parler est preste.

Par enuieulx qui ont legiere langue
Pour blasonner en conuis, nopces, veilles
Les cas d'aultruy, faisant mainte harengue
Sont aduenus des choses n'ompareilles,
A coupz de langues, il fault escu d'oreilles.

Bref, ce quelqu'ung est gay en passant tēps
Sans penser mal, ne faire quelque offence,
Les mal disantz en seront mal contentz
Et en diront souuent folle sentence,
Assez a fait de mal qui tant en pense.

De ceulx

QVI BAILLENT MAU-
VAIS EXEMPLE.

Plusieurs voyōs, qui prennēt leur plaisir
Et passetemps pecher publicquement
Voulantz complaire a leur charnel desir,
Sans croire dieu ne son commandement,
Et ne leur chault quād ou quoy ne cōment,
Toufiours sont prestz & prennent le loysir

Le nuict & iour viure mondainement
ans craindre mort qui les vient tost saisir,
Quand des bienfaietz ilz les laissent moyrir
comme vsuriers font en coffres escus,
Vo^r pecheurs sont par leurs pechez vaïcus.

¶ On en cōgnoist qui sōt pecheurs de faiet
t sont contentz que le monde le sache,
Mais leur est quilz font vng tres beau faiet
Mais quilz nont lesprit ne le cueur lasche
de railleurs ilz en ont quelque attache
Compte nen font, & monstre par effect
Quilz nōt vouloir que leur erreur se cache,
Car peu leur chault de leur faulte ou forfait
Dont maint en est naure, batu, deffaiet,
Union accourt qui pecheurs lye,
Le fol trop tard recognoist sa follie.

¶ On en congnoist qui veulent corriger
Et remonstrent a gens plus sages que eulx,
Ilz ont parler si prompt & si legier
Qua ladventure ilz disent motz oyseulx,
Secretement font cas malicieulx,
Mais leur est pour aultruy laidanger
Quilz sont purgez de leurs faietz viciulx
Car beau parler veulent gens oultrager,
Entre deux canes appetent de nager,
Mais bien souuent a la fange demeurent,

Souuent mocqueurs plustost que mocquez
meurent.

Exemple.



IL fut vng prebstre lubricque, qui estoit
cure dune bonne & riche parroisse, & y
alloit plusieurs notables parroissiens
entre lesquelz y en auoit vng qui faisoit
difference de ouyr sa messe, & luy sembloit
quil estoit indigne la celebrer, & que son
seruice desplaisoit a DIEU, parquoy in-
continent quil se preparoit pour celebrer
ledict parroissien tout fantasie se transf-

Sortoit hors de leglise. Aduñ vng iour quil estoit de party pour celle cause en soy pour nenant en vng pre, ou fluoit & decouroit vng petit ruisseau deaue clere & purifiee, ledict parroissien qui auoit vne ardeur de foye, & estoit eschaulfe pour rassasier sa soif print de leaue dudit ruisseau & en beu par plusieurs foyes. Ce nonobstant il ne estoit point sa soif, se delibera daller contre mont le ruisseau iusques a ce quil eust trouue la fontaine dont sortoit & procedoit ceste caue. Et en cheminant rencōtra vng hōme vieil & ancien qui luy demāda ou il alloit. Car il ne tenoit point de chemin. Il luy feist responce que il cherchoit le lieu dont le ruisseau procedoit. Le vicillard se offrit de luy mener: mais en cheminant linterroqua pourquoy il estoit absente de leglise a vne si bonne iournee sans ouyr messe, veu que le prebstre estoit tout prest pour celebrer, ledict parroissien luy feist respōce quil sen estoit party pource que le prebstre estoit lubricque & menoit vie deshonneste & que par ce il differoit ouyr sa messe. En deuisant de telles choses arriuerēt au lieu ou estoit la source dudit ruisseau, le vicillard dist au parroissien, Vela la source dōt procede ceste caue que tu as trouuee bonne, si douce, &

ſauoreuſe, le paroiffien ſ'approcha pres & vit que tout le ruiſſeau paſſoit par la gueule d'ung chien mort puant & infect dont il eut crainte, doubtant que l'eau qu'il auoit beue feust cauſe luy engendrer vne maladie qui luy tournast a grand preiudice & meſmement qu'il auoit ſi grande ſoiſ que force luy eſtoit en boire de rechef ou de mourir en la place ce que congneut ledict ancien hōme & luy diſt. Mon amy ne teſbahys de ce que tu voys, tu ne dois poit auoir paour que l'eau de ce ruiſſeau que tu as beue te face aucun mal, ſi tu peulx eſtancher ta ſoiſ & en boire a ton plaifir, Car ie te aſſeure que tu n'auras aucun mauuais iuconuenient mais en ſeras raſſaſie, le paroiffien ſe confeſſât aux parolles de l'ancien hōe & auſſi que force luy eſtoit boire ou mourir, ſubitement beut de ceſte eau qu'il trouua ſi douce & ſi bonne que par ſon rapport, il ne gouſta iamais ſi doux bruuage. Adonc le viellard luy feiſt reſponce en diſant. Mō amy tout ainſi que ceſt fōtaine & clere eau degoute par la gueule d'ung chien puant & infect ſans que l'adict eau en ſoit corrompue: Tout ainſi la meſſe celebree par la bouche du prebſtre lubricque & pecheur te peult proffiter & ne vault pas pis quant a toy, parquoy ne doib

différer de ouyr la messe dung prebstre pe-
cheur, non plus que de boire de leaue qui
passe par la gueule de ce chien mort & in-
fect. Incōtinent ledict anciē homme se de-
partit du parroissien qui racompta sa visiō.
Ainsi ne firent plus de difference de ouyr la
messe de leur cure, ne ouyr par sa bouche
ses commandemens de leglise.

Exposition & sens moral.

NOus pouons fātasier que tout ainsi
que vng cure doibt vacquer & veil-
ler sur les ames de ses parroissiens
& preseruer ne pecher. Aussi tout
bon chrestien doibt mettre peine &
labeur a garder songneusement les vertus
quil a receues par le sacrement de baptesme.
Or est il ainsi que ce prebstre lubricque qui
monstre mauuais exemple a ses parroissies
peult estre figure au peruers chrestie, car par
parole & effect, tire faire commettre a plu-
sieurs qui le habitent & frequenter pechez
& cas enormes, qui est cause de descendre
au lieu infernal. Mais pour euitter ce dan-
ger, il fault faire ainsi que ledict parrois-
sien, qui a tant chemine quil a trouue le
viellard par lenseignemēt duquel a cōgneu

la source du ruisseau. Le vieillard pouons prendre pour Iesuchrist que nous debuons chercher en ce monde que pourrons trouuer par les ceuures de misericorde, mais si fault il nonobstât boire du ruisseau, iacoit ce que la soif ne soit du tout estanchee. Le ruisseau dont nous buons peult estre prins pour le sacrement de baptesme qui estainct le peche originel. Mais si dadventure nous tombons en peche, nostre soif qui est nostre peche, ne peult estre estaincte iusques a ce que nous ayons beu de la grand fontaine, car comme dieu dit par la bouche de leuangeliste, Je suis fontaine en la vie eternelle. Les ruisseaulx ou veine de ceste fôtaine peuent signifier les sainctz escriptz, lesdictz ruisseaulx procedans par la geulle d'ung chié putrefaict, se peuent applicquer aux parolles qui sortent de la bouche du prebstre pecheur. Et toutesfoys ilz ne laissent pas a estre bônes & vertueuses, & fault noter que on peult faire comparaison de prebstres a chiens, Car ainſi que a vng chien ya quatre bonnes proprietiez, tout ainſi sont quatre bônes proprietiez en vng prebstre, les quatre proprietiez au chien sont telles. Premièrement il a langue medecinable, lodoremment, loyalle amour a son maistre, & labboy. Car

Comme chascun scait, il nettoye de sa langue les playes & les cure. Aussi les bons curez doibuent de leur langue, Cest ascauoir par leurs sermons & remonstrances oster les playes des pechez qui sont aux hommes. Secondement les chiens par odorer trouuēt les bestes vulpines. Et aussi vng prebstre sēt ou odore en confessant la creature ses fraudes & malices, pechez, heresies, peruersitez, & faulcetez. Tiercement le chien se expose au danger & peril de mort pour deffendre son maistre, sa maison & biens, En telle maniere doibuent faire les prebstres. Cest ascauoir exposer leurs corps en danger & peril de mort, pour garder & deffendre la foy catholique, & mesmement pour le salut des ames de leurs parroissiens, & de tous aultres chrestiens. Car vng bon pasteur met son ame pour ses ouailles. Quartement le chien par son abboy, chasse les larrons & ne les seuffre approcher pres de la maison de son maistre. Le prebstre fidelle & loyal nous represente le chien du grand roy cest Iesus, Car par labboy de sa predication & soing cōtinuel de priere & oraison ne seuffre venir larrōs pour desrober & suborner les parroissiens. Cest a entendre quil nendure les espritz dyabolicques & peruerses cogita-

tions estre faictes du tresor de son seigneur
cest de lame raisonnable, laquelle a este ra-
cheptee bien cherement, du precieux sang
de nostre sauveur & redempteur Iesuchrist.

De l'euyl des

MAUVAIS CONTRE
LES BONS.



Esueux sont tristes & pèsifz
Quand prosperer congnoissent
leur semblable,
Ilz sont to^r preitz faire cas ex-
cessifz,
En luy nuysant

Le desprisant
En deuissant
Ou en parlant, en passant temps a table,
L'homme est louable
Doulx, honorable
Bon & affable
Quant escouter les veult de sens rassis
Gens excessifz

Mondains passifz
Sont cinq ou six
Qui ont parle attrayant, aguyfant
En tous lieux nest tousiours soleil luyfant.

☞ Las trop de maulx viennent par eueulx
Et si en fin ilz sont mys en decours
Car on en voit biē peu quilz soiēt ioyeux,
Mais faulx peruers
Et folz diuers
Qui a lenuers
Veulent tūber ceulx qui ont bruyt & cours
Enuye es courtz
Baille coups lourdz
Cadetz milours
Y doibuent bien penser a tout par eulx,
Les viciulx
Fantasieulx
Sont souffreteulx
Après quilz ont leurs pensees descouuers
Fol est celuy qui rompt les huys ouuers.

☞ Vng enuieulx plus qua aultruy se nuyt,
Car il meurtrit son corps, son cueur, & ame,
Se quelquun a des biens de quoy luy nuyt
Tout son auoir On doit scauoir
Quon peult auoir
Gloire & hōneur, par seigneur & par dame

Le nom & fame Contraint qu'on ame
 Sans nul diffame,
 Ceulx qui ont nom & acquierent bõ bruyt
 Mais est destruyt Par fol deduyt
 Qui le conduyt
 Dont mes bahys que de dueil ne se pasme
 Toutes odeurs ne sentent comme basme.

Les freres ont lung dessus l'autre enuie,
 Au temps present qui est vng piteux cas
 Car fraternelle amour on a rauie
 Muer pour lors Est en discordz Par griefz
 effors
 Et folle amour qui es cueurs sonne cas
 Debatz soulas On en est las Disant helas
 Amytie nest aujourdhuy plus en vie
 Dueill la cõue Chair qui deuie Nest
 assouue
 Mais dit du mal ou elle ne le voit pas
 A bon ouurage il fault rigle & compas.

Exemple.



VNg homme notable & bien renommé
eut deux enfans masles, sa fantasie fut
de mettre s^{on} amour a eulx en telle maniere
quil luy sembloit quant ilz estoient hors de
sa presence quil auoit perdu tout son plai-
sir. Aduint que le plus ieune fut tresamou-
reux dune meretrice ou fille publique & si
fort espris de son amour que par frequen-
tation naturelle avec les promesses quelle
luy fist que si luy plaisoit de sa grace la pré-
dre en mariage quelle luy obeyroit a ses cō-
mandemens en soy obligeāt que se elle luy
faisoit faulte de son corps estre chassée &
expulsee de sa compaignie. Mesmes contēte
de recepuoir mort par ses mains. Le ieune
enfant fantasie de ceste requeste considera
comme ladicte meretrice selon sa puissance

Je traiſtoit honneſtement & ne labandon-
noit pour aultruy: Et auſſi que il auoit veu
plusieurs filles eſtre mariees pucelles qui du
rant leur mariage ſe gouuernoyent trefmal,
meſmement quil feroit les œuures de chari-
te ſil retiroit vne pecherelle de peche. Se de-
libera de leſpouſer, & de faiſt leſpouſa en
ſaincte eglise. Pour laquelle cauſe ſon pere
fut ſi courrouce quil ne le vouloit veoir ne
rencontrer, & de faiſt fut priue de ſes biés.
Son frere ayſne ſi le blaſmoit inceſſamment
deuant ſon pere. Le ieune homme qui na-
uoit point accouſtume de beſongner, mais
viure du reuenu des biens de ſon pere fut en
grande neceſſite de maladie auecques ſa fē-
me. Toutefois quelque paourete que ilz
euſſent, ilz ſe gouuernoyent honneſtement
en mariage & ſans deſhōneur. Aduint que
certain temps apres ceſte paoure pecherelle
enfanta vng beau filz & plaiſant de la ſe-
mence de ſon mary. Or eſtoient ilz ſi pao-
tures que a grand peine auoient ilz dequoy
ſubſtanter culx ne leur enfant. Le ieune hō-
me fantasie, ſe pensa que il prendroit la har-
dyeſſe a aller par deuers ſon diſt pere pour
luy requerir grace & mercy. Mais honte le
redarguoit, ſi pensa & delibera quil euoye-
roit vne lettre ou epiſtre par deuers ſō pere

qui feroit declaration de son cas. Si prin^t
dapter, plume & écre, puis se mist a escrire^e
ce qui s'ensuyt, & puis lenuoya a son pere^e
par vng sien amy feal qui luy presenta.

Epistre.

Pere & amy, sang naturel me meult
Te faire escript, aussi raison le veult,
Precongnoissant que iamais vng vray
Nappette veoir a son filz vitupere (pere,
Et se ainsi est, que iaye vers toy mespris
A ton vouloir ien vueil estre repris,
Mais requis est, touteffoys que vieillesse
Supporte vng pea ma fragile ieunesse,
Contre ton vneiliay vng cas perpetre,
Se aulcunement tu en es penetrie,
Tu nas pas tort, deuant toy me humilie
En esperant pardon de ma follie,
Ma femme fut plaine de reprocher,
Pour le present nully ny doibt toucher,
Car si tresbien avec moy sest conduicte
Quel na este par luxure seduicte
Et tant ya que dieu nous a donne,

H iiii

Vng bel enfant de biens peu guerdonne
 A le nourrir auons trauail & peine,
 Sans reste auoir aubout de la sepmaine,
 Sil te plaisoit me ayder a ce besoing,
 Incessamment ie prendroye cure & soing
 A te seruir voire de bon couraige,
 Comme seruant sans pension ou gaige,
 Me suffiroit dauoir tant seulement
 Pour passer temps la vie & vestement
 Mon filz pareil dont ie suis en pensee
 Ma femme aussi fut ainsi dispensee,
 Ou les subiectz comme auxiliateurs
 A tes petis & simples seruiteurs,
 Ton plaisir soit me demander quest de faire
 Le saoul ne sctet que le ieun a afaire.

LActeur.

A Pres que le pere eut fait lecture de
 lepistre enuoyee par son filz, fist res-
 ponce au messaiger quil ne vouloyt
 despriser lhumblete de son filz, & que son
 plaisir estoit le recepuoir en sa Maison, le
 filz aduertty de ce fut tresioyeulx, & incō-
 tinent se partit pour aller au mandement de
 son pere, & y mena sa fême & son Filz qui

arent recueillis honnestemēt. Le pere pour
pitie quil voyoit de son enfant, femme &
lz, de son filz son-loit en larmes, Son filz
louroit tendrement pour la ioye de sa re-
ception, la femme soupiroit de honte, len-
ant du filz faisoit plusieurs regardz &
oyeuse chere, parquoy le pere grand le prit
si grand amour quil fut longue espace en-
re ses bras, & cōe ceste reconciliation se
aisoit arriva lācien frere, qui se voyant, fut
espite & plaī de courroux, & ne sceut con-
trir sō mauuais vouloir, mais cōe tout es-
neu, dist a son pere, tu monstres la follie &
mbecilite qui est en toy, veu ce que tu re-
toys en ta maīō celuy qui a faiēt deshon-
neur a toy & a tout ton lignaigne, entant
qui la espouse vne paillarde, a laquelle il a
engendre vng filz que tu ayme miculx que
noy, il fut marie maulgre tō vouloir, ce que
ie nay pas faiēt, & pource ie congnois que
tu es fol & insence, le recepuoir en la mai-
son & nourrir lenfāt de vne pecheresse pu-
blique. Par ce moyen il sēble que tu vueil-
les faire ton heritier de mō puisne ou de sō
enfant qui me retourne a grant preiudice,
& mest impossible de lendurer, le pere fut
source de linnobedience de sō filz aysne, &
aussi quil le print de bō zeile, quil auoit a sō

frere, femme & filz & luy dist. Tu es mon
 filz aysne, qui par plusieurs foys a desobey
 a mō commandement tant absent fut presē
 & si nas considere ton offence, tu nas voulu
 te reconseillier a moy, Ton frere ma offē
 griefuement ie le cōgnois, mais aussi il est
 moy reconceille par grande contrition c
 que nas pas faict, toutes les foys que ma
 offence, parquoy tu es ingrat enuers moy &
 enuieux contre ton frere, & si tu nas voulu
 cōgnoistre tes fautes & meffaiēz, ce que t
 frere congneu a, tu le veulx expulser & ie
 & er dehors de ma cōpaignie, & tu te deb
 uois resiouir de ce que il est reconceille
 moy. Et pource que tu es ingrat, tu naur
 point mon heritaige que deburoys auoir &
 posseder de droit. Ton frere en iouyra ca
 ainsi me plaist & est ma fâtasie, qui est rai
 sonnable.

☛ Exposition a ladiete fable.



N peult fantasier & apliquer l
 pere des deux freres au pere c
 leste, le premier filz a natur
 angelicque, & le second a na
 ture humaine qui a espouse vn
 fēme meschāte. Ce fut iniquit
 quand contre le commandement de dieu

le mengea du fruit de vie dōt fut expulsé
de la maison de son pere. Le filz de la pail-
arde pouons prendre pour le genre humain
par ce que le filz du pere qui est nature hu-
maine fut mallade, on peut dire & figurer
que apres sō peche il a este au val de pleurs
& de misere. Car il fut mis en la sueur de sa
face & y mengea son pain. Et toutesfoys il
est reconceille a dieu son pere par sa passiō,
& de iour en iour il se reconceille par oeu-
res meritoires & vertueuses. Par le premi-
er filz que disons nature angelique, pouōs
figurer le dyable qui est ingrat. Et sans cesser
murmure & a dueil de nostre reconciliation
Allegant pour nostre peche, que ne sōes di-
gnes dauoir lheritaige que prenons pour la
gloire eternelle, mais auons paradis quil a
perdu par son orgueil & ingratitude.

De bonne vie pour prendre exem-
ple aux faictz daultuy.

ON doit donner & departir ses biens
Selon raison & regarder comment
Car aucuns sont qui tiennent les
moyens,
De ceulx enrichir, iamais ne perdent riens,
Par demander, voire illicitement,

Et quand on donne il fault que saigement
 On pense a qui, quel don a merite,
 Car bien souuent vng fol est herite,
 Par vng tresgrād price, seigneur, ou maistre
 Pour son plaisir, non pas par charite,
 Qui faict plaisir on le doibt recongnoistre
 ¶ Vng prince doibt estre ioyeux loyal,
 Hardy plaisant, courtoys, & amyable,
 Audacieux, graue, franc, liberal,
 Doulx & piteux, corriger vice & mal.
 Saige en ses faictz, amoureux, charitable,
 Ferme en propos, constant & non muable,
 Ne croire ceulx qui ont conseil legier,
 Et ne estre aussi trop hastif de iuger,
 Sans regarder quelle la fin sera,
 En euitant tout perilleux danger
 Qui na raison son bruiet seffacera.
 ¶ Despendre fault, dōner, aussi garder,
 Faire bastir ediffices, forteresses,
 Et ce quon faict deux foys le regarder,
 Ou par conseil bien y proceder
 Que tout soit faict selon droit sans finesse,
 Bon faict garder & auoir richesses,
 Nonobitāt ce que aux biens mōdanis fault
 Les biens sont bons en este pour le chault
 Et en yuer pour le froit, cest la guise,
 Car nous auons, il nya nul deffault,
 Chault en este, & en yuer la bise.

Regarder fault les faictz du temps passe
 ceulx qui ont eu bonne renommee,
 lire comme eulx que tout soit compasse,
 par bon moyen & ce bien amasse,
 se departir par loy acoustumee,
 la region sera bien obstinee,
 ainsi est faict on le peult bien entendre
 au temps present a lhonneur fault pretendre
 et les haultx faictz des predecesseurs lire,
 en de noz iours s'omes contrainctz datendre
 des deux chemins fault le meilleur eslire.

Exemple.



IL fut vng empereur qui eut vouloir de
 faire edifier vng lieu triumpant. E
 pour ce faire mist en besongne plusieurs
 ouuriers, & ainsi cōme ilz fouilloiet en terre
 pour faire les fondemens de ledifice, trouue
 rēt vng cercueil ou y auoit trois cercles do
 entre lesquelz estoit escript, expendi, do
 nauui, seruaui, habui, habeo, perdidi, puni
 or. Primo quod expendi, & quod donauui ha
 beo. Ce voyant l'empereur fist venir par de
 uers luy les seiges de son empire, les inter
 rogua que celle chose signifioit. Leur res
 ponce fut telle, que vng empereur qui auoit
 regne deuāt luy, auoit fait faire ledict cer
 cueil pour donner exemple aux autres em
 pereurs leurs successeurs, afin que deuant
 leur regne se gouuernassent en la maniere
 quil seitoit gouuerne. Expendi. Comme
 il vouloit dire. Iay manifeste ma vie en iu
 geāt droictement, & destruisant moy mes
 mes selon raison. Donauui. Sa fantasie estoit
 dire. Iay donnee a mes cheualiers choses ne
 cessaires, viures aux pauures, Et a vng cha
 cun selon leurs merites. Seruaui. Iay garde
 en toutes oeures iustice, & si ay vse de mi
 sericorde faisant oeuvre condigne. Habui.
 Iay eu le cuer ferme & large a doner a mes
 subiectz grace en tous temps. Habeo. Iay

la main a destruyre, a garder, a punir.
 rddi. Iay perda follie, lamytie de mes
 nemys, & luxure. Punior. le suis pany
 éfer pource que ie nay pas eu ferme cre-
 ce en vng seuldieu eternal. Et ce voyant
 npercur se gouuerna mesmemét les sub-
 Az, vertueusement deuant son regne.

☉ Moralite.

ON pourroit prendre cest Empereur
 pour vng chascun chrestien, qui est
 tenu de edifier vng palays qui se
 eult entendre edifier son cueur a bonnes
 eures. Et fouiller en iceluy cueur par cō-
 ition. Et ainsi pourra trouuer le cercueil
 or. Cest assauoir lame doree plaine de ver-
 is par le moyen de la grace diuine, avec
 ois cercles dor, qui sont foy, esperance, &
 harite, & sera escript. Expendi. Iay expose
 it le bon chrestien a mon ame & mô corps
 a seruice de dieu. se vng chascun chrestie
 nict ainsi il doibt estre biē seur destre guer-
 onne de la gloire celeste. Puis y est escript.
 eruiui, on peult demâder que tu as garde,
 espouace. Iay garde mô cueur contrit, hu-
 nilie, prest de faire toutes bonnes oeures,
 dieu pour acomplir son bon plaisir.
 Tiercement estoit escript Donui.

Cest que le bon chrestien a donne a dieu d
 tout son cueur. De toute son ame & pense
 amour & dilection, mesmes a s^{on} prochain
 Car en ces deux poinctz sont contenuz le
 commandemens de la loy, que dieu bailla
 moyse. Hubui. Iay eu du monde vie mise
 rable pource que iay este concen, & ne e
 peche originel & fait de vile & orde ma
 tiere. Habeo. Iay baptesme & suis fait ch
 ualier de dieu, ou iestoye seruiteur du dya
 ble. Perdid. Iay perdu la grace de Dieu pa
 mes pechez, mais ie lay recouree en amé
 dant ma vie, faisant penitence qui purg
 tous pechez. Punior. Je suis puny par me
 fautes & pechez, Car mon corps & espi
 sont en peine de faire penitence. Expend
 quod habui. Iay expose tout mon temp
 pard^{on} de grace, aux oeuvres de misericorde
 Quod donau. Iay donne a ma vi
 bon conseil, & me suis mis a croire ce qu
 leglise croit, parquoy iay la vie eternelle.

De ceulx qui mettent en oubly les
 biens quon leurs a faitz & sont
 ingratz.

Plusieurs tyrantz prennent argus, de-
batz
Contre raison, & font a aultruy
guerre,
Auis leur est que ce sont beaulx es-
batz

De conquerir de simples gens la terre,
De qui les meut de vouloir tant acquerre
Cest pour auoir or, argent a grand tas,
Coeur ont si fier quilz sont cõtetz quil erre,
Orgueil leur faiët porter les grandz estatz
Telles gens nont hõneur en leurs combatz,
Fortune vient souuent qui les defferre
En trefbuchant souuent du hault en bas,
On doibt tousiours le iuste chemin querre.

☛ Vng noble cueur a dame na discordz,
Mais les supporte en tous cas & affaire,
Perners tyrantz mettent tous leurs effors
A les piller, & leur bon bruiët deffaire,
Mais bõ vouloir qui est prest de complaire
A foeminin leur faiët plusieurs renfors,
Et est content pour telz tyrantz deffaire
En grand danger exposer biens & corps,
Assez en est qui veulent mettre hors
De leur maison les dames debonnaire
Et delles font villains & faulx rapors,
Tel diët le mäl & du bien se veult taire.

Les fantasies

30 Sa bien seruir dames on prend plaisir,
Selon raison le doibuent recongnoistre,
Mais que ce soit par vertueux desir
Et noublier cela qu'on veult promettre,
Or en est il qui veullent dehors mettre
Leur vray amy, pour vng double en choisi
Dont en la fin ilz en ont belle lettre,
Car pour foulas soucy les vient saisir,
Puis sus leur cuer laissent courroux moisi
Qui se durciſt comme paue en cloistre,
On se repent souuent tout a loysir
De ce qu'on veult a la haste commettre.

30 Les pelerins estrangers sus les champs
Voyét plusieurs cas, dõt ilz sont pitoyable
Aulcunesfoys lhonneur sont pourchassantz
De ceulx a qui on faiſt maulx execrables,
Punition de gens qui sont damnables
Faire se peult par paoures gens meschantz
Quand dieu le veult, choses irraisonnable
On voit punir par iuges non sachantz,
Cenlx qui d'aultruy sont vices reprochantz
On les congnoist de plusieurs maulx coul-
pables,
Asnes trefmal s'accordent a leurs chantz,
Et les despitz avec les amyables.
30 Qui a bon droict on les doibt secourir
Raison le veult, iustice si accorde.

De nonobstant il se fault enquerir
Dont est venu le debat & discorde,
On doibt tascher a y mettre concorde
Sans se bonter en danger de mourir,
Non se repent auoir misericorde
De ceulx qui vont pour mercy requerir,
Qui gloire veult pourchasser, conquerir
Il est requis que dhonneur se recorde,
Non voit des chiens apres vng chien courir
Ny a celluy, sil peult, quil ne le morde.

Exemple.



VNe noble dame & princesse gouuer-
na son royaulme paisiblement, & f-
feist aymer a ses subiectz, tant qu-
par tout en courroit la renommee. Et c-
voyant vng prince cruel & tyrât en fut en-
uieux, & eut fantasie de destruire elle &
son royaulme, car pour ce faire, il se meis-
en armes. La dame aduertie de ce cas, con-
sidera quelle estoit insuffisante & peu forte
pour se deffendre dudit tyrant, qui auoi-
mis le siege deuant sa forteresse: & toutes-
foys auoit le courage de resister a lencontre
della fierte & tyrannie: mais elle congneu-
quil luy estoit impossible, parquoy sou-
uenteffoys ploroit, & faisoit plusieurs re-
gretz. Or aduint que comme elle estoit en
ce courroux, arrina vng sage & honnest-
pelerin au lieu ou elle faisoit sa residence
& le veit de si bonne sorte, quil luy fut ad-
uis (mais quelle luy eust compte son cas)
que elle seroit aucunement allegée de sa
douleur. La noble dame en plorant & souf-
pirant luy deist comme ce prince & cruel
tyrant la molestoit, en la voulant priuer de
son heritage & seigneurie. Le pelerin re-
gardant lhumblete de la dame, men de pitie
& compassion se delibera la venger de son
ennemy, & de fait le voulut combattre en

hamp de bataille, Ce qui fut mande au
yrant, qui comme fol & oultreuide la
voulut accepter. La dame par le moyen du
pelerin eut esperance de viure en paix en
son royaulme, si sefforca autant quil luy
estoit possible de luy bailler armeures, mais
ediect pelerin contre tous ses ennemys ne
voulut porter aultre glaive, fors son es-
charpe & son bourdon. La dame submist
a son vouloir, mais il ne voulut entrepren-
dre la bataille iusques a ce quelle luy eust
faict promesse, que luy reuenu du conflict
ou bataille (sil subiuguoit son ennemy)
quelle garderoit son bourdō & malette de-
dans sa chambre, & quilz seroient mis en
tel lieu quelle ne pourroit entrer ne sortir
en icelle chambre sans les veoir, affin quel-
le eust de luy memoire deuant sa vie, Ce
quelle promist volontairement & de bon
cueur, car il ne luy demandoit aultre re-
compense. Lors le pelerin delibere sadressa
vers le prince tyrant, & se combattirent en
telle maniere quil loccist, & apres ceste ba-
taille acomplie, incontinent tout loist se re-
tira, mais le preux & vaillant pelerin fut
fort naure en la bataille. Il remeist la dame
& princesse en sa franchise & liberte, dont
elle le remercia moult grandement, puis

Les fantafies

print fon efcharpe & bourdon & les attachâ au cheuet de fon liêt, & incontient le pelerin fe partit, & alla fon voyage. Plufieurs princes & feigneurs furent aduertis de la deliurance de la dame, & que les terres quelle auoit perdues eftoient recouuertes, parquoy deuers elle arriuerent trois grandz princes auecques leur appareil, & auffi acompaignez de leurs gens, pour la vifiter, & eftoient tous trois deliberez de lespoufer, dont ladiète dame fut aduertie, parquoy elle facouftra le plus royallement quil luy fut poffible, pour aller au deuant deulx, & les receipt moult honneftement, felon fon pouoir: Touthoys auant que partir, elle penfa que fi ces princes, par cas dadventure entroient en fa chambre, ilz pourroient apparceoir le bourdon & mallette qui eftoient attachez au cheuet de fon liêt, & luy sembloit que ce luy tourneroit a grand honte, fi les ofta, & depuis quelle les eust oſtez ne les y voulut remettre, & par ainſi oubliâ la promeſſe faiète audiète pelerin, lequel lauoit deliuree de fon ennemy, & pour ce ſe monſtra fort ingrâte envers luy.

Application au ſens moral.



Ceste Dame nous peult figurer
lame humaine, & le tyrant le
dyable, qui la prinnee par lon-
gue espace de tēps de son he-
ritage, qui est le royaulme de
paradis, dont elle estoit moult
douloureuse & triste, & non sans cause, car
elle a este tousiours en enfer, iusques a ce
quil soit venu vng pelerin du ciel au pele-
rinage de ce monde, que nous pouons in-
terpreter pour nostre saulueur & redemp-
teur Iesuchrist. La malette du pelerin nous
peult signifier la chair pure & nette, soubz
laquelle estoit cachee la diuinite, en laquel-
le chair il a receu plusieurs playes, le bour-
don nous peult signifier le boys ou fust de
la croix ou il feust pendu pour nous pe-
cheurs, & la eut victoire pour nōz ames, &
luy fut restitue tout ce que nous auions
perdu, & pour la douleur, peine & traual
quil a souffert & endure pour nous, ne de-
mande aultre chose, fors que gardons son-
gneusement son bourdon & malette pour
lamour de luy, qui se peult entendre que
nous ayons cōtinuelle memoire de sa pas-
sion douloureuse dedans nostre cuer. Les
trois roys nō^r pouons figurer pour le dya-
ble, la chair & le monde, qui viennent

pour esmouuoir lame a delectations , & plusieurs aultres maulx , & voyant lame malheureuse va au deuant de ses desirs & concupiscences , & incontinent quelle y consent par le memoire de dieu , & par consequent oublie les biens quil luy a faiçtz. Et par ainsi fault songneusement penser a garder lescharpe & le bourdõ , qui se peult entendre auoir memoire des graces & biens que Dieu nous a faiçtz , car par ce moyen paruiendrons a la gloire eternelle.

De honneur

ET DE VILLENNIE

OV INIVRE.

Qui acquiert bruit en bataille & hõneur
 Quand est esleu regent ou gouuerneur
 Est a priser, quelque chose quon die
 Sa gens hardis & preux est grand honneur
 Ayant flateurs ou quelque blasonneur,
 Ce nest pas droict que nul y contredie,
 Celluy qui est de vertu enseigneur
 En demonstrant bras droict, face hardie,
 Premier que mort vient quelque maladie.

¶ Quand a quelqu'un la charge on veult bail-
Conduire gens qui veullent batailler (ler
Il doibt sus chaps tousiours en aguet estre,
Si les souldartz veullent desvitailler
Leurs ennemys coupper & destailer
Ilz veullent trop entreprendre & cōgnoistre,
Mieulx vault laisser le harnoy enrouiller
En vng guernier, que de faller brouiller.
¶ Oultrecuidez alleguent, nous ferons
Auourd'hui bruiet & lhonneur acquerrons
Sa nostre vucil on nous veult laisser faire,
Mais de telz gens sobrement parlerons,
Et leurs beaulx faietz si ne relaterons,
On a congneu puis vng peu leur affaire,
Touchant ce cas riens nen fantasierons
Desirantz paix, ne scay si nous laurons,
Guerre grumelle & ne se daigne taire,
De guerre & paix Dieu est le secretaire.

¶ Quand en bataille vng homme est bien
instruiet,
Si nest il seur en la guerre auoir bruiet,
Longue saison sans mauuaise aduenture,
Pose le cas que tout soit bien conduiet
Fortune vient qui veult prendre deduyt
De faire tort a cil qui a droieture,
Aulcunesfoys peuple mal se conduit
Parquoy malheur cil qui a bon droiet suyt,

Les fantasies

Seigneurs punys sont pour leur forfaicture
Mait pert sō bruit prenāt daultruy pasture.

Qui a cōmis darmes quelque beau faict
Est a priser, sen vertu est parfaict,
Cest grād hōneur au prince dauoir gloire,
Et sen bataille on voit quil soit deffaict
Louenge acquiert, car peult estre en effect
Quil est moyen dobtenir la victoire,
Les mortz sont mortz, nature fatifaict,
Tel est petit qui vne armee refaict,
Les preux hardis font ceuvre meritoire,
Mais le long temps efface la memoire.

Exemple. ¶





L fut vng Roy, qui en sa fantasie ordonna & establist que tous princes & capitaines, & aultres qui reuiédroient triūphateurs de la bataille, auroiēt trois manieres dhonneur. Aduint quung preux cheualier fut commis par le roy aller en certaine bataille contre ses ennemys, ou se gouuerna si bien & si sagement quil obtint la victoire, & amena plusieurs prisonniers. Le roy aduertty de ce cas feist preparer vng chariot triumphal, lequel chariot menoient quatre hacqueues blanches quil luy enuoya. Le premier honneur estoit, que le peuple venoit au deuant de luy a moult grand ioye & lyesse, luy faisant honneur & reuerence. Le second, que tous les prisonniers estoient derriere son chariot triumphal, les mains liees & testes nues. Le tiers honneur, quil estoit en vne chaire paree dedans ledict chariot, & vestu dung riche vestement, & ainsi estoit conduyt iusques au capitolle, mais le roy eut en fantasie, affin que tel honneur ne feust moyen de causer orgueil & vaine gloire es cueurs des victorieulx, que aussi lesdictz triumphateurs eussent trois manieres diniures. La premiere iniure est,

quon mettoit avec eulx dedans le chariot
gens de vile & seruile condition, affin que
chascun qui les veoit eust esperance de par-
uenir a tel honneur, si le cas aduenoit quilz
feussent enuoyez en bataille, & que ce leur
donnast courage de gagner la victoire. La
seconde iniure estoit, quung homme, aussi
de condition seruile le battoit en luy bail-
lant des buffes, & disant. Congnoys toy
mesmes, ne soys point orgueilleux, car tu
es homme. La tierce iniure estoit, quil deb-
uoit paciemment endurer ce quon luy voul-
droit dire, quelques opprobres, villennies,
hontes, ou iniures que ce feussent.

Application



Nous fantasions & pouons fi-
gurer pour le roy qui a faict
telles ordonnances & statuz
le pere celeste: & celluy qui a
gaigne la bataille pour Iesu-
christ. Lennemy qui sen al-
loit pour combatre, nous pouons prendre
& figurer pour le prince infernal, cest Lu-
cifer. Et aussi pource quon luy feist trois

manieres dhonneur. La premiere pueult estre prinse que le iour des Rameaulx que vulgairement on dit pasques fleuries plusieurs vindrent au deuant de luy tenant en leurs mains palmes disant a haulte voix. O-
fanna filio dauid. Le second honneur que les prisonniers alloient derriere le chariot testes nues, & les mains lyees nous peult signifier les Iuifz qui suyuoēt Iesuchrist, car il estoient lyez des lyens de peche, voyant les signes & miracles qui faisoit, nen tenoēt compte. Mais persecutoyent son humanite. Le tiers honneur que le triumphateur estoit vestu d'ung tresriche vestement nous peult figurer la diuinite vnite interrioremēt a l'humanite, A ce que quatre hacquenees blanches le conduyroēt, le pouons appliquer aux quatre euāgelistes qui ont parle de sa diuinite & humanite. Contre les trois honneur, stripe iniure fut faicte a l'homme victorieux. La premiere qui estoit que vng homme de conditiō seruite estoit avec luy, en son chariot pouons figurer par le mauuais larron. La seconde quil estoit batu, colaphise par les Iuifz qui battirent Iesuchrist disans. Prophetise qui ta frappe: la tierce iniure on disoit au triumphateur toutes les villennies qu'on vouloit. Par ce pouons specifier que

les Iuifz cracherent contre la precieufe face
de Iefuchrist, & luy dirēt plusieurs oppro
bres & villainnies quil endura patiemment

De richesse,

ET DE MORT.

CHascū desire auoir des biens mōdain
Et si ne fault que deux hazars soub
dains

Pour perdre tout, cest le point ou me fonde
Empereurs, roys, princes, & to^r leurs train
Recepuoir mort aussi bien sont contrains,
Comme sont gens peu riches en ce monde,
Dequoy nous sert force & belle faconde,
Et que en noz corps vile matiere habonde
Fuyons peche, qui lame picque & mort.

Fuyons peche, qui lame picque & mort
A seruir dien mettons tous nostre effort
Faisons du bien tant que sommes en vie,
Car il n'ya si hardy ne si fort
Jeune ne vieil soit a droit ou a tort,
Que a son banquet Atropos ne conue
Laissons orgueil, n'ayons de biens enuie,
Taischons gaigner l'heritage des cieulx,

Et nostre chair soit de peu assouuie
Aussi tost meurt le ieune que le vieulx.
Aussi toust meurt le ieune que le vieulx
Il ny a nul soit iuste ou viciulx,
Du en eschappe en aulcune maniere
Et touteffoys on doit fu yr les lieux,
Du se sont mors gens pestilencieux,
Nature veult quon sen retire arriere,
La chair humaine est precieuse & chiere,
Pose quel soit pleine de vilite,
Lung meurt tout ieun, laultre faisant grand
chiere

Par accident ou par debilite.
Par accident ou par debilite
Fuyons noz iours, & nest habilité,
Force scauoir qui garder nous en puisse
Se nous auons plaisir, tranquilite
Hors doncques nous chassons humilite,
Et ne craignōs point que dieu no^r punisse,
Nous assemblons souuent vice sur vice,
Et biens mondains acquis iniustement
Il fault doubter la diuine iustice
Quant nous mourons nous ne scauons cō-
ment.
Quant nous mourons nous ne scauons
comment

Nostre ame va selon le iugement,
De Dieu elle est sauluee ou dampnee,

Les fantasies

Parquoy debuons continuellement
Faire du bien seruant deuottement ;
Celluy par qui grace nous est donnee
Si nous laissons nostre ame habandonnee,
A tous plaisirs nous dirons helas,
Selon sesfaictz elle sera guerdonnee.

Grand dueil, souuent vient apres grand
soulas

Qui sans peine est, ne sent le mal du las
L'œil son regard en lieux viciieux fische
Le dyable tend incessamment ses las,
Et si tu veulx grace impetrer tu las,
Le departir iamaïs dieu ne fust chiche,
Si est requis noter ceste rubriche
Que tous mondains tournēt en pourriture
Mais on ne sçet qui est le paoure ou riche,
Quant trouuez sont dedans leur sepulture

Exemple.



IL fut vng empereur qui fut puissant, & vertueulx, mais il eut en fantasie conquerir plusieurs royaumes ce quil feist. Toteffoys estant en ceste fantasie il alla de vie a trespas. Et ainsi quon le ensepueüssoit pour le mettre en son sepulchre, y vindrent gens de plusieurs estatz, qui deüssoient de choses differentes. Et lung diceulx dist telz motz, Lempereur faisoit tresor de or, & maï tenant or, fait tresor de luy, vng aultre dist il ne suffisoit a lempereur, auoir les troys pars du monde, mais aujourdhuy vng drap de troys aulnes luy suffist. Quelquün en deüssant dist, Léperateur cōmandoit hyer au peuple, & maintenant le peuple luy commande. Laultre dit, Lempereur auoit hyer puissance de en deliurer plusieurs de mort, mais

il ne sceut euitier la mort, Vng quidá disoit
 Il fouilloit hyer la terre & auioirdhuy la
 terre le foullera. Vng aultre dit, Lempereur
 se fustoit hyer craindre a vng chascun, mais
 auioirdhuy chascun le repoute ord & detestable.
 Laultre disoit, Lépreux a eu plusieurs
 amys, mais maintenāt nen a pas vng. Laultre
 dit, Lempereur menoit hyer tresgran
 exercite, & maintenāt lexercite le meine en
 sepulture.

Moralite.



N pourroit appliquer cest em
 pereur a to^r hommes riches e
 ce mōde qui mettent toute leu
 estude a acquerir biēs mōdains.
 Car voluntiers tant plus qu
 vient pres de la mort & plu
 veult on amasser, sās vouloir labourer pour
 lame qui est en peine. Ceulx qui sont venus
 visiter lempereur, & dit plusieurs choses d
 luy, on les peult applicqueur aux exposi
 teurs de la saincte escripture. A ce quil e
 riche dor, argent & biēs mōdains, Cest a di
 re que les mōdains doibuent faire trespors d

ertus, accomplissant les œuvres de miséri-
corde. Et par ainsi il quiert trefors au ciel
pour son ame, cest pourquoy aucuns veul-
ent dire le monde ne suffit a lor, car plus on
a & pl^s en veult ó auoir. qui est grãd fol-
ie. Car le monde nous fault a la mort, on le
oit & au departir on nen porte seulement
ne vng suaire de toille. Quāt les riches sōt
a vie il commandēt aux paoures, & apres
ur trespas les paoures leurs cōmādēt, durāt
vie ilz peuēt deliurer plusieurs de mort,
touteffoys quelque richesse que ilz ayēt,
z ne scauroient euitier la mort. Les riches
urant leur vie sont possesseurs, & domina-
eurs de la terre. Mais apres leur mort la ter-
a domination de leur corps, & est confū-
e par elle. Tandis que lhomme riche vit il
st crainēt, & doute. Car il est dit face dhō
ie, face de lyō, mais apres la mort on est re-
ute ort & abhominable. Pareillement lhō-
ie riche a durāt sa vie plusieurs amys, mais
pres la mort chascun le defuyt & demeure
ul & hahādōne. Quant il vit il peult me-
er plusieurs gens apres luy, aussi apres sa
mort plusieurs le suyēt quant on le met en
epulture, Aissi fine nostre miserable vie mō-
aine, parquoy deuons durāt nostre vie fai-
e du biē affin de auoir la vie eternelle, cest
paradis.

De lexecra

BLE TROMPERIE DES
mauluaises femmes.

30 Rondeau.

AV tēps present on voit hommes r
Et toutelsoys souuent sont abusez
Deceuz trōpez par parolle de fem
Tāt que en la fin en ont reproche & bla
Leurs corps, leurs biens en font perdus,
30 Se le plaisir des dames reffusez,
Force sera quapres elles musez,
Vne aultrefoys ou vous seront infame
30 Au temps present.&c.

30 Passez le temps, caquetez, deuisez
Tout vostre saoul, mais si vous nauisez
A leur bailler la naturelle dragme
Ou foncez, plus vous naurez de dame,
Car leurs engins iōnt par trop aguysez
30 Au temps present.&c.

30 Pour le iourdhu y on voit des fēmes g
Faire plaisir & estre diligentes,
De soy parer pour amans conquerer

Le premier coup les veullent bien traicter,
 Mais au partir a peine sont contentes.
 Aucuns souuent mettent leurs biens en
 ventes

que de happer ne sont point negligentes
 et demander ont loy: non de prester
 Pour le iourdhy.

En voz maisōs se mōstrēt gayer & gētes
 et bailler ilz font feu, mais absentes
 aultres y vont, iour, nuyt les desrober
 iuriez sont de leur engin prester
 promesses assez, a tenir differentes,
 Pour le iourdhy.

Pour le iourdhy.

Une Femme souuent est par femme deceue
 en son cuer a finesse conceue
 Elle vous fera de voz amours iouyr,
 a femme appetite vne aultre femme ouyr
 en secret, & mieulx que vng homme receue
 comme souuent est par femme deceue.
 De leglise a l'entree ou lyssue
 et vne femme a aultre femme apperceue
 ilz peuent parler, caqueter, se iouyr,
 et ou vng homme on contraindroit fouyr.
 et le mary sa venue auoit sceue
 Dedans leglise a l'entree ou lyssue.

Les fantasies

Quant vng amant est si rauy quil sue,
Belle parolle en bouche bien tyssue
Luy sert beaulcoup si on le laisse rouyr
Lôgue saison mieulx luy vauldroit brouy
Dedans vng feu ou porter la massue
Quant vng amant est si rauy quil sue.

Rondeau.

Vne putain vieille qui plus ne peult
Iouer des rains & deuient macquerelle,
Cest grand dangier frequenter avec elle.
Car qui la croit a la fin il sen deult.

Si employer son mauuais engin veult
A son plaisir fera dune pucelle,

Vne putain vieille.&c.

A faire mal aultre femme esmeult,
Voulant songier tousiours quelque cautel
Fuyr les fault comme peste mortelle
Vertu la chasse & faulcete la meut,

Vne putain vieille.&c.

Femmes qui sont messagieres damours
Commettent cas villains & execrables
Ilz ont vng art plus subtil que les dyables
Quant priees sont en villes, maisons, tou
Aux amoureux font faire maintz estours
Puis on les loge au reng des miserables

Femmes qui sont messagieres d'amours
Commettent cas villains & execrables,
Vers vous viendrôt en disât motz louables,
Soyt, Paris, Rouen, Lyon, ou Tours,
Ilz ont vng art plus subtil que les dyables
Quâd priuees sont, en maisons, villes, tours
Cest leur plaisir de iouer de fins tours,
Après quil ont deceues dames traictables
Aux amoureux font faire maint estours,
Puis on les loge au reng des miserables.

☛ Commettent cas villains, execrables,
Femmes qui sont messagieres d'amours
A vostre aduis, doibuent ilz auoir cours,
Ie dy que ilz trompent leur semblables,
Quand sont priuees en villes, maisôs, tours
Ilz ont vng art plus subtil que les dyables
Bigotterie est en leurs reins ou rables,
Honneur est mys par parolles en decours
Puis on les loge au reng des miserables.
Aux amoureux font faire maint estours,
Femmes qui sont messagieres d'amours.

Exemple.



IL fut vng tresnoble & prudēt cheualier qui eut voulente & fantasie aller a vng loïgtaī pelerinaige. Or est il aīsi qu'il a-
moit espouse vne tresbelle dame courtoise & saige, qui se gouernoit honnestement avec luy sans faulser sa foy, ce qui le meut ne luy bailler aucune garde car il se fioit en elle, se partirent amoureuxment lung da-
uec laultre. Le cheualier alla en son voyage & la femme demoura en sa maison, ou se gouerna chastemēt. Aduint vng iour quel le fut pree dune sienne voisine pour disner en sa maison, Ce quelle luy accorda. Et fi-
rent les deux dames vng rapas gracieulx, parlant de toute honnestete. Apres le repas & graces rédues a dieu, la dame retourna en

a maison. Or y eut vng ieune escuyer qui
artentation dyabolicque, quant il la vit
heminer par la rue, fut esprins de son a-
mour. Touteffoys il ne se osa enhardir de
uy declairer son vouloir, mais il se pensa
luy enuoyer vng rondeau, & le bailler a
ung de ses seruiteurs, le plus feal que il eut
pour luy porter, & estoit le rondeau tel.

☞ Rondeau.

VNg cuer hardy qui ayme loyal-
lement,

Doibt estre ayme voyre trefardâmes
Et qui en faict le refus cest simplese,
Quand il choisist sa dame & sa maistresse,
Soit excuse s'il le faict priuement.

☞ Priere faict affectueusement,
Qu'il soit receu puis que treshumblement,
Veult demôstrer que pour vo' est en presse,

☞ Vng cuer hardy.

☞ Mandez luy tost, quand ou quoy & cõ-
ment

Il vous plaira laccoller doucement,
Et vous conioindre ensemble par lyesse,
Si congnoissez sans faulte a quel fin esse,
Qu'il vous haicte auoir ioyeusement,

☞ Vng cuer hardy.

Les fantasies

Laſteur.

L Adamereceut le rōdeau & ē fiſt le-
ſure, ſi luy ſēbla aſſez ioyeux &
plaiſāt. Touthoys elle conſidera que
elle eſtoit mariee, & que ſō mary ſe fioit en
elle & oultre que elle cometeroit vng pe-
che enorme & deſplaiſant a dieu, ſi elle ob-
temperoit a ceſte requeſte. Se delibera tota-
lement en faire reſſus, mais affin que le ſer-
uiteur meſſagier ne fuſt blaſme de retourner
ſans rendre reſponce a ſon maĩſtre, luy fiſt
reſponce par vng rondeau qui ſenſuit.

Rondeau.

Faire plaiſir qui cauſe deſhonneur
Ceſt grāt follie a dame aymāt honneur
Qui congnoiſt biē que ſeroit infēſee
Dauoir ſi toſt ſa partie offencee,
Sans craĩdre dieu qui eſt ſon vray ſeigneur.
Je cōgnoys biē que ſoubz faĩcte couleur,
Voulez paſſer voſtre ardante couleur,
Auecques moy dont ſeroye courroucee,

Faire plaiſir.

Cueur trop hardy peult engendrer dou-
En demandant choſe de grant valeur (leur,
Que eſtime peu voſtre folle penſee,
Je nen vueil point eſtre recompensee,
Touchant ce cas, pas nay ſi laſche cueur,

Faire plaiſir.

L'Acteur.

LA noble dame ploya le Rondeau, puis le bailla au meffagier qui incontinent le fist tenir a son maistre, mais quand il en eut fait lecture & quil congneut quil estoit refuse du tout, fut plus espris de son amour que deuant, car dẽ nuyt en reposant la songeoit & en veillant ne pesoit a aultre chose, il ne pouoit boire ne menger, prẽdre esbat ne plaisir a chose que on luy sceut faire, qui luy causa vne tresgriẽue maladie, toutesfoys nonobstant quil fust passe, defaiet, mesgre, & las, quant il scauoit que la dame passoit par aulcun lieu, il se presentoit deuant elle, affin quelle eust pitie de luy, mais il perdoit tẽps car elle estoit ferme a son propos. Aduit vng iour que ce ieune escuyer tout pensif & melencolieulx, se pourmenoit a vne eglise ou estoit vne vieille bigotte qui faignoit manger les crucifix, mais elle iecta son regard vers le ieune escuyer. Et quãd elle le vit ainsi triste sadressa vers luy, luy demãdãt la cause de sa tristesse & melencollie, le ieune escuyer luy dist, Mamye que me proffitera le vous reciter.

La vieille luy dist. Monseigneur vous scauez quand vng hōme a quelque playe tant soit elle secrette, quil fault en fin fil en veult estre guarý quil la monstre au barbier. Aussi se vous auez aulcune chose sur le cueur dōt ny pouez venir a bout, il le vous fault declarer a gens qui y saichent remedier. Le ieune escuyer oyāt ainsi parler la vieille luy dist la cause de sa maladie, luy promettant se par elle pouoit auoir guarýson il luy dōneroit vng gros & riche present. Ce quelle promist en bref temps, ainsi se departirent lūg dauec laultre. La vieille alla en sa maison ou elle nourrissoit vne petite chienne quelle fist ieufner par le space de deux iours & au troyfiesme iour luy bailla du pain tout couuert de moustarde. La paoure chienne auoit si grant fain quelle fut contraincte de manger dudit pain, qui fut cause luy faire iecter grosses larmes des yeulx, toute la iournee. Ce faict ladiete vieille bigotte acompaignee de sa chienne seullement, alla en la maison de la dame que lescuyer aymoít si ardamment. La fut receue amyablement, car elle estoit reputee femme de bien & de bonne vie, en tāt quelle estoit aulcuueffoys a bigoter en leglise, depuis le matin iusques apres midy. Ainsi quilz estoient ensemble

parlans de plusieurs matieres, la noble dame
aduifa la chienne de la vieille, qui ieſtoit
grosſes larmes dont fut eſbahye. Si demâda
a la vieille dôt cela luy procedoit, la vieille
luy fiſt reſponce. Tresnoble dame ie vous
prie ne me demâdez poit la cauſe pourquoy
elle pleure inceſſamment ſil vous plaiſt, &
ſe me ſera plaiſir, car elle ſeuſſre vne ſi grief
ne douleur quil eſt impoſſible la racôpter,
plaiſir me ferez de ne vous en équerir poit,
la dame tât plus quelle faiſoit reſſus de luy
dire le cas, tant plus eſtoit deſirante & a-
ctiue de le ſcanoir, & contraignit la vieille
de luy dire qui luy fiſt tel recit. Ceſte chi-
enne que voyez ainſi plorâte eſtoit ma pro-
pre fille chaſte a merueilles belle, & gracieu-
ſe, qui fut durant le temps quelle portoit
corps humain tant aymee dung ieune com-
paignon, qui la requiſt par pluſieurs foyſ
luy faire plaiſir, mais elle eſtoit ſi chaſte
que iamais elle ne voulut cōſentir pour pri-
ere quil luy ſceuſt faire, dont il fut cource
& ennuye quil luy furnint vne maladie cō-
tagieuſe, dont il mourut de dueil & de deſ-
plaiſance. Pour la quelle faulte dieu la con-
uertit en vne chienne comme vous voyez.
Et en ce diſât ſe print ladiſte vieille a plo-
rer, puis de rechief. Toutes les foyſ que ma

Les fantasies

fille pèse quelle estoit tât belle, & que maï-
tenât elle est chienne elle pleure & ne peut
estre cōsolee, mais par sa douleur incite les
autres a plorer. Ce voyant la noble dame
penſa & dist en ſoy meſines, Vng ieune hō-
me ayme ainſi que ceſte fille a eſte aymee,
& eſt malade pour mō amour, & de faiēt le
racompta a la vieille bigotte qui luy diſt, O
ma treſchere & noble dame gardez vous biē
de deſpriſer lamour du ieune eſcuyer de
paour que ne ſoyez muee en chienne ainſi
que fut ma fille car ce ſeroit treſgrant dom-
maige. La noble dame luy dmāda cōſeil ſur
ce cas. Le cōſeil de la vieille fut quelle en,
uoyaſt incontīnēt deuers leſcuyer, luy pri-
er quil vint vers elle. A quoy la dame ſa-
corda priant a la vieille que elle meſme fiſt
le meſſaige, & quelle lamenāſt vers elle, ce
quelle fiſt & alla vers leſcuyer qui fut bien
ioyeulx du raport. Fut par aulcune eſpace
de temps avec la noble dame ou acomplit
ſon plaīſir. Ainſi par le moyen de ceſte viel-
le bigotte, la noble dame cōmiſt adultere.

Sens Moral.

NOus pouons figurer ce cheualier a
Iesuchrist & la femme a lame chaste
& belle purgee par baptesme. A la-
quelle dieu a donne son liberal arbitre, quāt
il alla en pellerinaige de ce monde au ciel
par deuers dieu son pere. Ceste femme que
prenons pour lame, est preee daller a quel-
que banquet, toutes & quanteffoys quelle
est inclinee a charnelles concupiscences. Le
ieune escuyer pouons prēdre pour la vani-
te mondaine: Lequel incite ladiēte dame a
faire son plaisir, qui se peult entēdre que va-
nite mondaine incite lame a volupte char-
nelle, & se elle ny veult consentir la vieille
vient, par laquelle pouons figurer le dyable,
qui cherche tousiours a prendre quelque ame
affin quelle consente a peche, luy montre
la chienne plorante que pouōs figurer pour
esperance de longue vie & presumption de
tous ceulx qui sont enclins a peche. Et tout
ainsi que la chienne ploroit pour la moustar-
de, pouons presupposer que esperāce tour-
mente lame en telle facō quelle cōient a pe-
che. Si nous voulōs dōcques garder chastete
& eiter les deceptions mondaines fuyons
le mōde, pource quil n'ya que orgueil, desir,
dauoir, & concupiscence charnelle.

30 Les fantasies

30 Comme auarice offusque l'entendement de plusieurs personnes, & les dâgiers qui viennent de frequenter tauernes.

DE hâter ieux, tauernes, & bordeaulx
Ne vint onc bien, peu y vont ge
fcaulx,

Au vray parler, cest vne mocquerie
Souuent en ieu on trouue pipereaulx,
Et au bordeau, putains & macquereaulx,
En la tauerne on faiët gaudisserie,
Buuant dautant, on châte, on brait, on cri
On faiët marchez souuent pour en sortir
Après dormir on sen veult repentir.

30 Je ne dis pas que en tauerne on ne voyt
Gens bien fermez y vont sans faire noy
Faisant marchez qui coustent grâs denier
Les gros marchans y font chose qui poy
Car lestrangier bien souuent se priuoysse,
De ceulx qui sont residens aux quartiers
Mais simples gens dy aller coustumiers,
Pource enyurer vallent pis que insensz
Car au retour ilz sont for courroucez.

30 Telz paoures gens fôt trop de folz ma
chez,

Ilz perdent temps, & si sont desbauchez,
Au reuenir crient, batent, tempestent,

Tāt yures sōt quil fault quilz soiēt couchez
Quelque raison en iceulx ne cherchez,
Iouer, iurer, ou mal parler s'apprestent,
Mais lendemain au matin quilz se vestent
Ilz sont pensifz, la ceruelle leur loche,
Plus sont pesneux que le fōdeur de cloche.

30 Sasseblez sont pour disner ou soupper,
Lung a desir vouloir laultre tromper,
Et tous les iours ilz frequentent ensemble,
Ny a celluy qui ne vucille happer
Quelque marche pour vng trou estoupper,
De lune main faiēt laultre ce me semble,
Mais quand ennuy telles gens defasseble
Ilz vont iouer a la paulme ou aux billes,
Toufiours y a des dresseurs de coquilles.

30 Lūg ioue le siē sans droiēt & sans raison
Tandis ses gens perdent temps & saison,
En leur eschoppe ilz nont dequoy ouurer
Et laultre diēt, quelque chose faison
Pour cest escot, icy trop deuison,
Il nen fault quung pour tous nous deliurer
Le temps perdu nul ne peult reconurer,
Silz scauoient bien entendre ce prouerbe
Ne mengeroient ainsi leur ble en herbe.

30 En la tauerne il nest memoire rendre,
L

30 Les fantasies

Graces a dieu, on le peult bien entendre,
Il est bien vray qu'on parle assez de luy,
Lung par le corps & teste le veult prendre,
Laultre regnie, il me fault le tout vendre
Tant ma couste, cest lestat du iourd'huy,
Au tauernier font percer nouveau muy
Et chair sallee apporter des aulmoires,
A coulombz saoulz cerises sont ameres.

30 Aulcunesfoys discord, noyse se meult
Après bon vin chascun maistre estre veult
Il sen ensuyt reproches & iniures
Tant qua grand peine accorder on les peult
Lung blesse laultre, en fin quelqu'ung se deult
Dess^{us} leurs corps ou leurs glaines töt oches
Soubdain il fault mettre le rost en broche
Pour appoincter, cela est tout notoire,
Et puis apres fault commencer a boire.

30 Daulcuns aussi acheptent a debuoir
La marchandise, & ne la peuent auoir
Sans sobliger, ou le corps ou les biens,
Silz sont hastifz deniers en recepuoir
Marche se faiet, mais on peult bien scauoir
La reuendant quilz ny acquestent riens,
Le terme en vient, force est trouuer moyens
Du creditur contenter, cest raison
Ou bailler biens, ou aller en prison.

30 Exemple. 61



IL fut vng roy piteux & misericordieux
 qui eut en sa fantasie ordôner telle loy,
 que durant son regne tout homme a-
 ueugle auroit tous les ans a certain iour li-
 mite cent solz, parquoy plusieurs aueugles
 se faisoient conduire & amener au lieu ce-
 dict iour. Durant ce temps arriuerent en la
 ville vingt & trois compaignõs gaudisseurs
 & grandz beueurs, tous bien deliberez
 de faire bonne chere, entrerent en vne ta-
 uerne, ou furêt receupz par le tauernier qui
 les traiçta tres bié, ilz trouuerêt le vin si bon
 quilz y sciounerent le space de sept iours,

au bout des sept iours feirent compte, le compte fait, chascun meist son argent sus table, mais ilz auoient plus despendu que leur argent ne montoit, iusques a la somme de cent solz, dont vouloient faire creance au tauernier, qui en feist refus, & ferma son huys, disant, que iamais ne partiroient de la tant quil feust paye. Les compaignons estoient tous esbahys, & ne sceurent plus que dire, ne quelle contenance tenir, fors regarder lung lautre. Entre les aultres, il y en eut vng qui deist : Ne vous souciez, se me voulez croire, il ny aura que lung dentre nous qui payera les cent solz, presupose qui ny ait celluy qui ait denier ne maille. Vo⁹ scauez que le roy a fait edict que tout homme qui est aueugle aura cent solz, no⁹ sommes vingt & trois, faisons vng sort, & celluy a qui il aduiendra, les aultres luy creueront les yeulx, puis sera mene a la court du roy, ou il recepura les cent solz pour nous acquiter, de laquelle inuention furent tous contentz, & iecterent le sort ainsi quil appartenoit, mais le sort tomba sus celluy qui auoit trouue linuention, parquoy il fut prins par ses compaignons, qui luy creuerent les yeulx, & puis il fut mene au palais du roy, ou on departoit aux aueugles lar-

gent predict : ilz heurterent a la porte, disant au portier la cause de leur venue : il en aduertit le maistre d'hostel ayant la charge du payement, & luy demâda les cent solz, ce quil refusa de bailler. Apres ce quil eut regarde tout a loysir ledict aueugle, & aussi que par toute la ville estoit mencion comme on luy auoit creuez les yeulx, dont il auoit ouy nouuelle, luy feist telle responce. le tay veu passe a six iours en ceste ville dedans vne tauerne ou tu faisois bonne chere, bien garny de tes deux yeulx, & ientendz que par ta follie tu es cause qu'on te les a cernez, la loy nest pas ainsi ordonnee, car celluy qui la faict entend, que qui par maladie ou aultre cas fortuit, sans quil en soit cause, ou naura eu aulcune puissance dy resister, il obtiendra le benefice de la loy : Quand au regard de toy, qui as volontairement souffert oster tes yeulx, mesmement as inuente le sort qui est cause de ton inconuenient parquoy tu es aueugle, tu nes pas digne dauoir le benefice ordonne par la loy, & pour ce va chercher proye aultre part, car la cuider icy auoir cest peine perdue. Et alers le paoure aueugle comme tout confus sen retourna plein de honte & de douleur.

Les fantasies
Sens moral.

LA loy de Dieu est telle, que tout homme qui ygnorramment a quelque maladie, ou tentation dyabolique, fil est confesse & repentant de son peche, a toute heure quil en demandera pardon a Dieu, il luy fera misericorde & grace : car on peult faire comparaisson dung aueugle a vng pecheur, mais si daduenture quelquung de propos delibere & subtile malice commet peche mortel, & a peine le peche luy pourra estre pardonne. On pourroit entendre par le tauernier Lucifer, qui recoit en son gouffre deser toutes ames qui y tresbuchent, & pource cuitons peche, & fuyons la tauerne infernalle.

De amour desordonnee.



I les enfantz
Sont triumpfantz
En leur ieune aage,
Quand ilz sont grandz
Fortz & puissantz
Muent de courage,
Lung faict oultrage
Et laultre est sage,

De subtilz en est, dygnorantz,
Bref, cest vng naturel ouurage
Qui a congnoistre est fort sauluage,
Car bien ou mal sont desirantz.

Ne fault tascher
Vouloir coucher
Filz avec mere,
Chair esmeut chair,
Le reprocher
Est chose amere,
Seur avec frere
Mettre on differe,
Cela peult l'homme trop toucher,
Ostez filles dauec le pere
Quand nature mondains supere
Le dyable veult deulx approcher.

Se naduifons
Ce que faisons
Peu on nous prise
Noz desraisons,
Euurent prisons
Que peu on brise
Qui a sa guise
Le feu attise
Et le met a pres des tysons,
Il brule & art, non par faintise,

Les fantasies

Dont fault que la flamme en reluyse
Parquoy on voit les mesprisons.

Peche commis

Auec amys,

L'honneur rabesse

Et nest permis

Qu'il soit desmis

Pour or, richesse

Qui ne confesse

Plorant sans cesse

Le vice auquel on est soumis

Et que le prebstre le congnoisse

Pour bailler penitence expresse

Iamais ne peult estre remis.

Dire conuient

Dont le mal vient.

Et rendre compte,

Mais sil aduient

Qu'on en deuient

Remply de honte,

Ou quorgueil monte

Qui nous surmonte

Quand la langue nous lye & tient,

Chassons lay hors, nen faisons compte,

Confessons que peche nous dompte

Et que vertu lame soustient.

Qui peche faict
 Il se forfaict
 Le corps & lame,
 Dieu tout parfaict
 Veult en effect
 Qu'on fuye diffame,
 Seigneur & dame
 Qui acquiert blasme
 Sa gloire & honneur contrefaict,
 Mais sen necessite reclame
 La vierge Marie elle enflame,
 Le cuer de vertu refaict.

Exemple.





L fut vng Roy, qui print par mariage vne tresbelle, noble sage & honneste princeſſe, lesquelz aymerent lung laultre parfaictement. Or aduint que la dame cōceut & enfanta vng enfant maſle, & neust ſceu dormir ſil neuiſte touiours couche aupres d'elle. Au bout de trois ans le roy alla de vie a trespas, pour la mort duquel tout le peuple feist plusieurs grandz regretz, & la Roynne ſouſpirs pleurs & lamentatiours. Apres les obſeques du roy, la roynne eut en fantaſie de ſe retirer en vng ſien chaſteau, & la maintenant honneſtement leſtat de viduite, mais continuellemēt ſon filz eſtoit avec elle buuant & mengeāt a table, & meſmemēt couchoit avec elle ſans aultre compaignie iuſques alaage de dixhuit ans. Le dyable voyant l' amour qui eſtoit entre la mere & le filz, le incita a commettre lord villain peche dinceſte, car le filz congneut charnellement ſa mere. Tant continuerent ce peche quelle conceut & deuint groſſe denfant. Quand le filz entendit quil auoit engēdre vng enfant a ſa propre mere, & quil auoit pollū le lieu dont il eſtoit yſſu, & auſſi le peche dinceſte & luxure quil auoit commis, fut eſmeut d

si grande douleur quil abandonna mere & royaulme, & sen alla en estrange pays faire penitēce. Au bout du terme la royne enfanta vng bel enfant masse, & ce voyant, toute esmeue & hors de raison se fantasia de lestrangler, ce quelle feist, sans en auoir pitie ne misericorde, mais en lestranglant tomberent sus sa main trois gouttes de sang qui furent en la facon de trois ooo. Apres lhomicide faict, la Royne cuida oster les trois ooo en facon de cercles sanguins, mais pour quelque chose quelle sceust faire ne peut trouuer maniere de les effacer, dont elle estoit toute honteuse, tellement quelle fut contraincte auoir vng gan en sa main, car elle craignoit quon veist les cercles. Ceste royne seruoit bien deuotement la vierge Marie, & touteffoys elle auoit tousiours vng courroux secret dedans son cuer, quand il luy souuenoit quelle auoit conceu de son propre filz, & enfāte vng enfant quelle auoit occis & mis a mort, & de honte ne lo soit cōfesser a personne, nonobstant que de tous les aultres pechez se confessoit toutes les sepmaines deux foys, & faisoit plusieurs aumosnes charitables a lhonneur & louenge de la glorieuse vierge Marie, & estoit si gracieuse a vng chascun, que tout

le peuple laymoit. Il aduint vng iour comme son confesseur estoit a genoulx deuant lymage de la vierge Marie, ou il disoit la salutation angelique deuotement, la vierge Marie qui veult remunerer ses seruantz & ne permet qu'ilz soiēt eternellemēt punis, sapparut a luy, disant : Prebstre deuot iay ton seruice agreable, ie cōgnoys que la royne a acoustume de se confesser a toy. touteffoys elle a commis vng vil & enorme peche quelle tient enclos dedans son cueur & ne lose confesser pour la honte quelle a elle est deliberee demain se confesser, & elle venue, tu luy diras que ses oraisons & aulmosnes a ma requeste, sōt agreables par deuant mon pere & filz, & aussi que ie luy commande quelle se cōfesse du peche quelle tient enclos en sa pensee, & en ce faisant il luy est pardonne, & si elle ne veult adiouster foy en tes parolles, prie luy quelle oste son gan de sa main, & tout incontinnēt verras le peche perpetre quelle ne veult confesser : touteffoys si elle faict refus de loster, ie te mande luy oster a force. Apres ces parolles, la vierge Marie se disparut & demoura le deuot prebstre tout console de la vision : le lendemain au matin la Roynne vint par deuers luy, & se confessa de tou

Les pechez, excepte du peche dessusdict, le
prebstre luy dist. Ma dame dictes moy har-
limét vng secret peche que vo^r tenez enclos
en vostre pensee & n'ayez point de honte,
car la vierge marie sest apparue a moy qui
na dict quelle a prins a gre voz seruices &
aulmosnes, & que vostre peche vo^r est par-
lonne par son filz si vous le voulez confes-
ser, mais de ce faire fist ruffus, car pour prie-
re quil luy sceust faire ne le voulut cōfesser,
& voyāt quelle estoit obstinee luy pria af-
fectueusemēt quelle ostant son gā, & luy mō-
strast sa main, Mais pour priere ne requeste
quil sceust faire ne le voulut oster, toutes-
foys elle se excusa en disant, Je nay pas la
main saine & ne vueil que homme la voye.
Nonobstāt ses excusatiōs le prebstre trou-
ua maniere de luy oster le gan, dont elle fut
resmal contēte. Et ce voyant le prebstre, la
rapaisa au mieulx quil luy fust possible en
luy disant doucement, ma dame pardōnez
moy, car ie nay fait chose que la vierge
marie ne me ayt commande, ce qui conten-
ta aulcunement la noble royne. Incontinēt
le gan oste, le prebstre apperceut les quatre
cercles tous senglans. Au premier cercle
cheoyent. cccc. a lentour duquel estoit es-
cript. Casu cecidisti carne cecata. Cestadire

en escheute par cas aueuglee de charnalite
 au cercle secōd estoiet. dddd. ou estoit escript
 Demoni dediſſi dona donata. Cest a dire tu
 as donne aux dyables les dons que dieu te
 donnez. Au troyſiesme cercle estoient
 mmmm. ou estoit escript. Mōſtrat manifest
 manus maculata. Cest adire, ta main macu-
 lee le monstre magnifestemēt. A lentour du
 quatriesme cercle estoient. rrrr. ou estoit es-
 cript recedit Rubigo regina rogata. Cest
 dire la honte se pert apres que la royne es-
 priece. Quāt la noble royne ouyt ainsi par-
 ler son confesseur elle congneut que son pe-
 che luy estoit magnifeste. Et incontinent a-
 uecq grande effusion de larmes se prostern
 a deux genoulx deuant son confesseur au-
 quel confessa par grande contrition & re-
 pentence son peche commis, lequel elle a-
 uoit par si longue espace de tēps cele & pa-
 ainsi elle obtint absolutiō, & apres la peni-
 tence enuoincie par elle faicte, trespassa, &
 obtint eternelle gloire.

Moralite.

Nous pouons fantasier & applicquer
ceste royne a nature humaine & son
filz a delectation charnelle, le filz
occis & tue au genre humain. Quant nature
humaine, par la bouche de Adam mordit en
la pomme, elle engendra vng filz que nous
appelons tous le gère humain quelle a tue
& occis, & par peche mortel dont le sang
que nous prenons par peche, fut si notoire
quil estoit impossible le celer fors seullemēt
par vng gan, par lequel pouons figuret no-
stre fragilite. Or nepouoit iamais estre effa-
ce nostre peche fors par le merite dela passio
de Iesus, Nous pouons applicquer le con-
fesseur au saint esperit qui a visite la vier-
ge marie, dont elle a conceu vng beau filz
par lequel nous sommes sauluez. Toutes-
foys en nostre main estoient quatre cercles.
Le premier cercle prenons pour cogitation
ou pensee, de laquelle procede le peche. Le
second pour delectation, Le tiers pour con-
sentemēt, Et le quart pour leffect de peche.
De telz quatre cercles estoit signe Adā quāt
il pecha & nous aussi en sommes signez
quant nous pechons, au premier cercle e-
stoiēt. cccc. Casu cecidisti carne cecata. Casu
peult estre dit le dyable, par lequel tout le gē
re humain est perdu. Cecidisti tu es cheu e e-

fer, Carne en fragilite, maladies & plusieurs
 miseres. Tu as este cree en paradis sans au-
 cune faulte: Mais pour le peche de ton pre-
 mier pere tu es enuoloppe De toutes ces
 miseres. Cecata, Tu es fait auengle, Car par
 ce peche as perdu la vision de dieu, Et des
 ioyes de paradis. Au second cercle estoient
 dddd. Demoni dedisti. Tu as donc ton ame
 au dyable quant tu as peche & offence dieu
 le createur mortellemēt, Comme fist le pre-
 mier homme quant il mangea de la pomme
 a luy deffendue. Dona donata, se peult en-
 tendre les vertus dequoy dieu ta aorne & dō-
 nees au saint baptesme, & tu les as dōnees
 au dyable défer, en luy obeyssāt a ses persua-
 sions, Par les .mmmm. il est assez notoire en
 quelle paourete nous sommes, Car premie-
 rement nous estions faiēt & creez pour nō
 jamais mourir, Mais pour ce mauldit peche
 nous sommes faiēt mortelz. Manus macu-
 lata, car toutes noz œuures quelles quilz
 soyent bonnes ne eussent sceu garder le gē-
 re humain de treibucher en enfer. Au qua-
 triefme cercle estoiet. r. r. r. r. Recedit rubigo
 regina rogata. Recedit, La charge du peche
 est ostee par la passiō de Iesuchrist. Rubigo.
 Peche originel par baptesme. Regina, Cest
 a dire la vierge Marie par sa benoiste cōce-

tiō quāt elle a cōceu du sainct esperit. Ro-
gata. Elle est mediatrice être dieu & l'hom-
ne, Car par sa supernaturelle conceptiō de
son filz, ioyeuse natiuite, Douleureuse cir-
cūcisiō, tresamere passiō, Glorieuse resurre-
ction, Et admirable ascension nous pouons
paruenir a la gloire eternelle.

De cōmetre

HOMICIDE SANS Y PENSER.

IL fault penser a ce qu'on faiçt
Sans estre trop chault ne hatif
On peult soubdain faire vng forfaiçt
Dont apres on est fugitif
Et par long temps songart pensif
Pour la deffaulte ainsi commise
Sans auoir pardon de lestrif
Cest que dieu y ait la main mise
Se de cas de fortune aduient
Que ayons faiçt quelque forfaiçture
Repentir il nous en conuient
Par raison, & selon droiçture

M

Les fantasies

Corrigeant la fresse nature
Qui a lesprit fantasieux
Car tous sommes en aduventure
Soubz le pouoir du roy des cieulx.

L'homme a peine se peult garder
De fortune predestinee,
Parquoy il doibt bien regarder
Ne auoir la pensee obstinee,
S'il a volonte indignee
Se refroydir tout a loysir
A peine on passe la iournee
Sans auoir quelque desplaisir.

Il est requis aulcunesfoys
Habandonner ses pere & mere
Suyre cours des princes & roys,
Pose qu'on y ait peine amere,
Mais qui y sert bien & differe
Obeyssant a son seigneur
On peult estre hors de misere
Et paruenir a grand honneur.

Nous auons de simples gens veuz
Auoire cours grand aduantage
Les vngz en leglise paruenuz
Et les aultres par mariage
Ny a que d'auoir bon courage
Et faire son cas par moyen

Mais qu'on ait vne femme saige
Le demourant se porte bien.

30 Femme doibt aymer les parens
Du mary, par bonne maniere
Nauoir auec eulx differens,
Iectant debatz, discordz arriere
Mais faire auecq eulx bonne chere,
La femme par ce point fera
Da son espoux amye treschiere
Et iamais ne la laissera.

30 Femme qui ayme son mary
A tousiours ses parens en grace,
Selle voit cource ou marry,
Ne doibt auoir ioyeuse face,
Mais en tout lieu & toute place
Le conforter au mieulx quelle peut,
Tout dueil & tout courroux efface,
Quant lung veult ce que lautre face
30 Se a lhomme vient necessite
Qui a femme de bonne sorte,
Moytie de son aduersite
Sans doubter dedans son cuer porte,
Et quant lung lautre reconforte
Tant ayant le cuer naure, presse
Silz ont amytié & foy forte
Nest courroux qui ne soit laisse.

Exemple.



IL fut vng noble hōme & vne noble dame cōioictz par mariage, qui en la fleur de leur aage engendrerēt & conceurent vng moult beau filz qui fut nourry delicieusement iusques alaage de vingt ans, tousiours tenu subiect par son pere & mere, & aussi n'auoit vouloir de leur desobeyr, car il estoit de bōnes meurs, Aduint quil luy print vng iour vouloir de aller a la chasse, & accompaigne de aucuns ses braconniers, veneurs & faulcōniers, se mist sur les champs ou se

chiens trouuerent vng cerf de merueilleuse
 grâdeur, le ieune filz estoit nôme Iulian: Le-
 quel voyant ledict cerf auoir faict plusieurs
 ruses, par lesquelles estoit eschappe aux ve-
 neurs & chiens, le poursuiuit dedâs le boye
 en si grâde diligéce que les seruiteurs perdi-
 rēt la veue tāt de luy que du cerf: lequel fut
 si longuemēt poursuiuy que dedans vne lā-
 de se retourna & fist arrest deuant la face
 dudiēt Iulian, & parla a luy en telle manie-
 re, Ne viens plus apres moy, pense a
 ton cas, car vng iour viēdra que tu tueras
 ton Pere, & ta mere. Lescuyer Iulian ouyāt
 tel parler, demoura tout esperdu & pensif
 tāt pour le langaige quil auoit ouy parler a
 vne beste saulage & irraisonnable de facō
 que pour le cas quil estoit predestine com-
 mettre. Si print conseil en soy mesmes & fā-
 tasia pour euitier que telle fortune ne luy ad-
 uint habandonner la chasse, & mesmeint
 le pays, & aller en estrange region. Se partit
 sans plus retourner deuers pere ne mere, &
 cheualcha tāt par ses iournees quil arriua
 en la court dūg grand prince & seigneur,
 qui le receut volontairement, & obtint la
 grace tāt de luy que des aultres princes sei-
 gneurs, & gouuerneurs du pays que des da-
 mes & damoyelles. Mesmeint a vne ba-

30 L es fantasies

taille qui fut faicte durant ce temps contr
 ledict prince se monstra vertueulx, & fu
 cause de gaigner la victoire. Ce qui ment
 dict prince donner l'accollee a Iulian & l
 faire cheualier. Puis apres ces choses luy d
 na en mariage, la femme du sien deffun
 chastelain, noble dame, bonne, & honnest
 Luy & sa fême feirent aulcū temps leur de
 meure ensēble, & nestoit possible de aymer
 pl^r lūg laultre que faisoiet lesdictz mariez
 Or est il requis dentēdre que les pere & me
 re de Iulian attēdirēt par plusieurs iournees
 le retour de leur filz. Mais voyant quil ne
 reuenoit point deuers eulx feirent plusieurs
 regretz & lamentations, car cestoit leur filz
 & heritier, Le pere disoit en ceste maniere.

Le pere de

I V L I A N.

SE ie me plains cest la raison
 Car iay perdu mon esperance
 Parquoy ne puis en ma maison
 Ne dehors prendre resiouissance

Celuy qui durant son enfance
Me donnoit plaisir & soulas,
Naure mon cuer ainsi que en tranſſe
Qui me contrainct de dire helas.

La mere de Iulian.

Helas iay perdu mon plaisir,
Parquoy feuffre peines cruelles,
Et me vient tel courroux ſaiſir
Que femmes oncques en eut de telles,
Du laiſt de mes tendres mamelles,
Lay ſi doucement alleſte,
Et fortune par ſes cautelles,
Subſtillement le ma oſte.

Le pere de Iulian.

Oſte meſt par grande rigueur
Celuy qui me donnoit lyeſſe,
Parquoy nay force ne vigueur,
Et fault que tout plaisir ie laiſſe
Car le baſton de ma vieilleſſe
Iay perdu, dont ſuis plain de ducil,
Merueille neſt ſi iay ſans ceſſe,
En ſouſpirant la lerne a locil.

La mere de Iulian.

La lerne a locil ie doybs auoir
leſtant pluſieurs regretz & plainſtes,
De ioye & plaisir recepuoir,
Deſormais ce ne ſont que fainſtes
Delectations iay prins maintes

30 Les fantasies

Seine, gerissant humainement
Si prie a Iesus les mains ioinctes,
Que en aye nouuelle aulcunement.

30 Le pere de Iulian.

30 Aulcunement ie ne me puis,
Resiouyr, la cause y est bonne
Si en peine incessamment ie suis
Le tort a fortune ien donne,
Iay vng seul filz qui mabandonne,
Toutesfoys encor iele attendz
Iesus sil luy plaist en ordonne
De ses faictz fault estre contentz.

30 La mere de Iulian.

Contentz fault estre manltre nous
Mon cher amy ie vous lacorde,
Mais cesser ne puis mon courroux
Quand de mon filz ie me recorde,
En paix, en amour, & concorde,
Partit dauec nous, haa vray dieu
Par ta sainte misericorde
Dy nous son demeure & son lieu.

30 La fleur.

A Pres que le pere & la mere eurent lo-
guement plore la perte de leur enfât,
eurent en fantasie partir hors de leur
habitatiō, & aller en plusieurs places & cir-
cui plusieurs pays, disant que iamais ne re-
tourneroyent iusques a ce quilz eussent eu
nouuelles de leur enfant. Se partirent eulx
deux ensemble, & firent tant par leurs iour-
nees quilz arriuerent au bourg qui estoit
soubz la seigneurie du chasteau appartenât
a leur filz. Et apres l'inquisition par eulx fai-
te aux gens du pays, cōgneurent que le sei-
gneur du chasteau estoit leur filz, quilz a-
uoient tât cerche, qui leur donna vne ioye
singuliere. Se delibererent aller au chasteau
visiter leur enfant, mais ilz furent aduertis
que au mati se estoit party pour aller au gi-
bier. Toutefois quelcun du chasteau qui
estoit au logis des pere & mere de Iulian,
sachant que c'estoit le pere & la mere, lanô-
ca a la dame sa maistresse. Et incontinent
quelle en fut aduertie partit de sō chasteau
& se transporta deuers eulx, leur faisât vng
gracieulx & amoureux recueil, & apres plu-
sieurs parolles & enseignes qui furent bail-
les par le pere & la mere de Iulian, cōgneut
veritablement que son mary estoit leur filz.
Parquoy comme plaine de bon vouloir &

amour cordialle en l'heure presente les mena en s^{on} chasteau, ou elle mesme les traitta humblement attendant la venue de leur filz s^{on} mary, & eut en fantasie pour leur faire plus dhonneur que apres soupper elle les coucheroit au propre li^{ct} de son mary & d'elle, pour leur repos prendre ce quelle fist & reposerent le pere & la mere de Iulian tout la nuyt, lendemain au matin la noble dame chatelaine apres s^{on} leuer ainsi quelle auoit de coustume alla a la messe, & tandis quelle y estoit, son mary Iulian arriua & incontinent quil fut descendu de son cheual encor tout housse & esperonne entra en sa ch^{ambre} delibere se reposer avec sa femme, & regardant dedans son li^{ct}, vit vng homme & vne f^{emme} qui y estoient couchez. Or cuydoit il que ce fust quelque paillard qui eust seduite ou suborne sa femme, parquoy eut fantasie tirer s^{on} glaine & les tuer tous deux, ce quil fist, incontinent se part tout despite de sa chambre, mais, il nen fut gueres loing quil recontra sa femme qui venoit de ouyr messe qui luy dist. Mon amy resiouyssez vous car vostre pere & vostre mere vous s^{ont} venus visiter, lesquelz pour lamour de vous iay mis reposer dedans nostre li^{ct}, ie vous prie allons vous & moy les consoler. Quand

Iulian entendit ses parolles il congneut & eut en memoire les parolles du cert, & dist a sa femme lhomicide quil auoit commis, dont elle fut tresesbahye & courroucee en cueur. Mais Iulian fort trouble considerant le cas quil auoit commis, fut fantasie & delibera incontinent partir de ce lieu pour aller faire penitence, & que iamais ne retourneroit iusques a ce quil fust certai que dieu luy auroit pardonne son meffai&, parquoy print congie de sa femme disant telz motz.

¶ Iulian.

MA tresloyalle & douce amye
Que iayme de cueur tresparfai&,
Fortune se monstre ennemye,
De moy, comme on voit par effe&,
Moy ygnorant iay meurtre fai&
Qui met mon cueur en desplaisance,
Car ie scay bien que le meffai&
Nest excuse par ygnorance.

¶ La femme de Iulian.

¶ Certes mon amy le remede
Est, tout porter patiemment,
De mauuais vouloir ne procede,
Fai& lauez sans scauoir comment

30 Les fantasies

De ses seruiteurs se recorde.
Criez luy mercy humblement
Il vous fera misericorde

30 Iulian.

30 Je congnoys que tay offencee,
En tant que iay impose blasme,
Et que nuz iamaïs la pensee
Me pourchasser quelque diffame,
Et pource mamye & ma femme
Je prens conge de cuer courtoys
Pour purger ma maculee ame,
Au lieu solitaire men voys.

30 La femme de Iulian.

Iay eu mon plaisir par combas,
Auec vous sans dueil & tristesse
Pourquoy ne porteray ie pas,
Ma part de vostre grant detresse
Dieu ne permet helas que laisse
Vostre cuer de douleur saisir,
Ne que on me voye prendre lyesse,
Lors que viures en desplaisir.

30 Iulian.

30 Ma femme & amye ainsi est
Que moy seul ay commis loutraige,
Sur moy doit venir linterest
Porter nen deuez le dommaige
Je prens conge courtoyse & saige
Par trop me desplaist le malheur

Car raison veult que mon oultraige
Soit puny par peine & douleur.

La femme de Iulian.

Vray est que auez le cas commis
Mais cest par moy bien le scauez,
Se en ce lieu ne les eusse mis
Par vous neussent este trouuez
Remede nya vous auez
Le cas commis dont ie m'estonne,
Si la penitence en denez,
Porter ma part ie mabandonne.

Iulian.

Vostre doux parler gracieulx
Meist agreable & me conforte,
Mais de venir en diuers lieux
Auecques moy estes peu forte,
Permettez que tout seul ie porte
La peine que ie doybs auoir
Iusques a ce quon me raporte,
Que pour ce cas aye fait deuoir.

La femme de Iulian

Comment me voulez vous laisser
Seulle a par moy, vuidee de ioye,
Seroit pour mon honneur bleßer,
Mon cher amy se vous laissoye
Iay espoir que dieu nous pouruoye
Parquoy me menez avec vous
Sil vous plaist par champs & par voye

Je vous en prie a deux genoulx.

Laſteur.



LE cheualier conſiderant lamytie & bon
 vouloir que ſa femme auoit a luy, luy
 acorda ſa requeſte, prindrent leur meuble
 partirent du chasteau ſculletz le plus ſecre-
 tement quilz peurent. Et tant cheuaucherent
 quilz arriuerent pres dung fleuve impetu-
 eulx & tresdangereux a paſſer, pres du quel
 ilz firēt ediffier vng hoſpital qui fut muni
 de vtēſilles auquel hoſpital receuoyent to-
 paoures. Et oultre firent faire vne nacelle
 ou ilz paſſoyent tous venans. En ce dit hoſ-
 pital ſeruoiet les paoures ſans auoir aultres
 ſeruiteurs, & furent en ceſt eſtat par long
 temps faiſāt abſtinences, & ieufnes. Aduint

vng iour ainsi que Iulian estoit de nuyt
couché en son liect, las & trauaille, morfō-
du, & engele, pour vne tresgrande gelee qui
estoit pour lors, ouyt vne piteuse voix de
laultre part du fleue qui disoit. Iulian viés
moy passer. Incontinent Iulian se leua tout
esmeu & alla cōtre leue & trouua vng pa-
oure homme qui estoit quasi transsi de froit,
il le print entre ses bras & le mist en sa na-
celle puis le passa, & le voyant ainsi plain
de froydure le porta en sa maisō, mais quel
que grant feu que luy & sa femme sceussent
faire impossible fut leschauffer, parquoy Iu-
lian doubtāt quil ne trespast, le mist cou-
cher en son liect propre ou leschauffa & cou-
urit au mieulx quil peut. Peu de temps apres
alla visiter ce paoure homme qui luy sem-
bla ainsi que vng ladre, puis apres trespas-
& luyfant monta au ciel, disant a Iulian son
hoste Nostre, seigneur te mande par moy
quil a eue ta penitence agreable & que ton
peche test pardonne, il a prepare ton logis
en son paradis ou paruiendras de bref avec
ta femme, puis se absentā. Et tost apres le-
dict Iulian & sa femme plains de vertus &
bonnes oeures payerent le tribut naturel
& furent leurs ames portees en leur logis e-
ternel.

LE cheualier Iulian peult estre figure a vng bon prelat. A ce que Iulian chasse pouons dire quil doit trasser les ames dont il a le gouuernement. Par le cerf on peult figurer Iesuchrist car cōme le cerf desire estre aux eaues des fontaines, ainsi nostre ame doit desirer paruenir a la grace de dieu. Ace que Iuliā fuyt le cerf pouons entendre que le prelat doit fuyre Iesuchrist & faire ses commandemens. A ce quil habadonna ses peres & meres debuōs prendre figure sur la saincte escripture qui dit, Qui aura laisse ses peres & meres, sera salarie a la centiesme partie, & possèdera la vie eternelle. A ce que le cheualier est alle en loingtain pays, pouons figurer que vng prelat se doit transporter hors du mōde & des choses mondaines viuant purement & sainctement. A ce que Iulian seruit vng prince & batailla pour luy, pouons dire que le prelat doit seruir le prince eternel, cest Iesuchrist & batailler contre ses ennemys, qui sont la chair, le monde, & le dyable. Et quand le prelat aura ainsi bataille, il luy donnera sa grace a femme espouse, ainsi que le prince dona la chastelaine a Iuliā, mais nous voyons souuēt aduenir que les parens charnelz

es vanitez de ce monde ensuyuent tellement les prelatz quilz les esmeuent a mal faire par cogitation, operation & acoustumance durant nostre vie, & auons a mort trois douleurs, cest assauoir lyre de dieu, la priuation du ciel & peine denfer, Ce que tu doibz tuer de ton cousteau de penitence, & apres venir au fleuve de la sainte escripture, & eslire vne maison salutaire, cest assauoir ieusner, donner aulmosnes, & prier dieu, & le seruir & aymer dedans ton cueur pour paruenir a la ioye eternelle.

De femmes

DESPITES ET FVRIEVSES
QUI VEULENT FAIRE
a leur plaisir.

Femme quon voit obstinee en son mal
Et ne veult point de nul estre reprise
Commettre peult vice, voire enormal.
Parquoy chascun la blasme & la deïprise
Quand elle fait quelque folle entreprise
Auis luy est que mieulx pource on la prise
Mais pire vault quune faulce marastre,
Sa langue est preite a mal dire & aporie,

N

Parens, amys, ne son mary ne prise,
Cest grand danger de femme acariastre.

30 Il y en a qui ont leger vouloir,
Sottes en faictz, & en parler coquardes,
Silz folles sont quilz cuident trop valloir
Pource quilz nont renom destre paillardes
Gentes de corps, plaisantes & gaillardes
Séblent aux gés, culz ont fardez de bardes
Sus le paue se veullent regarder,
Mais en secret ont parolles gouldardes
Qui vallent pis que coupz de hallebardes
Sort de leur bouche en voulant brocarder.

30 Son cul garder preude femme ne faict,
Il est requis de sa langue refraindre,
Car qui daultru y allegue le forfaict
Doibt regarder son peult sus luy ataindre
Son est cource & quon tasche gens poindre
Eulx renêcher veullêt quâd viêt au ioindre
Puis vng debat s'esmeult qui est villain,
On sentrebat, au iuge on se va plaindre,
Le proces faict, lung lautre on veult con-
traindre,

Il est requis daller le chemin plain.

30 Orgueil faict mal a femme, il est ainsi
Et si ne dcibt estre trop familiere,
Car il y a maint amoureux transsi

Qui den iouyr veult troquer la maniere,
Femme qui veult estre despite & fiere
Et qui ne daigne a nulluy faire chere
Voulant auoir cueur fier, courage hault,
Qui sa parolle appetite tenir fiere
Si ce nest quand de mesdire est legiere
Sa compaignie en effect bien peu vault.

☞ Concupiscence & Volupte ont bruiet
Auec Orgueil, au cueur daulcunes femmes
Qui leur honneur abolit & destruiet
Et si ne sont en repos de leurs ames,
Bien scay quil est de tresnotables dames
Qui nôt reproche ou aulcū villaīs blasmes
Ilz font leur cas selon droict & raison,
Quād leur follie ilz distribuēt par dragmes
A vng chascun reputees sont infames
Et ne doibt nul frequenter leur maison.

☞ Si avec vous Concupiscence auez,
Orgueil aussi & Volupte mondaine
Il est requis que le moyen trouuez
Que pendues soient dedās vostre domaine
A trois cordons, lung nōme ieusne humaine
Et lautre diēt chastete pure & saine
Noublier pas dabstinence la corde
Quād les prédrez, car cest la voye certaine
Pour paruenir a la gloire haultaine

Ou Dieu nous meēt par sa misericorde.

Il est requis, se bien viure voulez
 Montrer exemple a toutes voz voyfines,
 Si lune laultre en honneur consolez
 Daller aux lieux eternalz serez dignes,
 Mais si voulez faire vng grand tas de mine
 Aux amoureux sans prendre disciplines
 Vendantz voz chairs pour escus ou ducat
 Deceul les gens par voz fraudes vulpines,
 Tous voz plaisirs tomberont en ruynes
 Et en la fin on scaura vostre cas.

Exemple.





Ng homme fut conioinct par mariage a vne femme assez ieune, qui fut pleine de sa volente, qui eut en sa fantasie ne obeyriamais a son mary, car elle estoit moult fiere & orgueilleuse. Sôdict mary du cômencement la traiçta humainement, luy cuidant changer sa condition, mais tant plus il faisoit a son plaisir, & tant plus estoit mauuaise. Aduint vng iour apres quil eut mis peine de la chastier par parolles, & quil veit quil perdoit sa peine, luy feist plusieurs menaces, dont elle fut si fort despitée quelle senfuyt en vng iardin, ou il y auoit vng bel arbre: print vne corde & se pendit en vne branche, & ce voyant son mary, pensa en sa fantasie quil trouueroit moyen en recouurer vne aultre: & de faict pour la seconde foys espousa vne aultre femme, qui fut si pleine de concubiscence charnelle libidineuse quelle nescondissoit homme, touchant le ieu daymer, dont le mary sapperceut. Si saduisa quil ny scauroit mettre remede fors les enfermer en sa chambre, & la garder de troter par les rues & gaster le paue, parquoy lenferma par aulcune espace de temps en vne chambre, toutesfoys elle

trouua vne nuiſſe facon deſchapper ſecret-
 tement & entra au iardin, & ſe pendit avec
 la premiere femme. Le mary fort eſbahy de
 ceſte aduenture ne ſcent que penſer, toutes-
 fois ſa fantafie fut de ſoy arreſter a vng
 prouerbe qu'on diſt. Toutes tierces ſont
 bonnes, ſe delibere deſpouſer vne aultre
 femme: mais ſi la premiere fut fiere, deſpi-
 te & orgueilleuſe, & la ſeconde pleine de
 concupiſſence charnelle, la troiſieſme fut
 encores plus pleine de volupte mondaine,
 car toutes les ſepmaines vouloit auoir ve-
 ſtemenz nouueaulx, & eſtoit impoſſible au
 mary ſcauoir entretenir ſi groſeſtat ſans
 deuenir paoure & meſchant. Si luy mon-
 ſtra au mieulx quil peut, diſant (pour la
 chaſtier) quil auoit achepte de la marchā-
 diſe, & quil falloir vendre vne partie de ſes
 habitz pour la payer, dont elle fut treſſort
 courroucee, diſant quelle eſtoit bien du lieu
 venue pour porter tel eſtat, & ſans conſi-
 derer que ſon mary eſtoit de moyen eſtat,
 toutesſois aduint vng iour que pour aul-
 cune debte que le mary debuoir les ſergētz
 furent en la maiſon, qui prindrent les meil-
 leures robbes quelle euſt par execution. Or
 eſtoit le lendemain la femme de nopces de
 lune de ſes parentes, eut en fantafie que ſi

elle si trouuoit paourement acoustree qu'on
sen mocqueroit, & aussi selle ne si trouuoit
ce luy seroit honte & reproche, parquoy sa
fantasie fut daller au iardin, & de soy pen-
dre cōme les aultres fēmes. Le mary voyant
ses trois fēmes ainsi pendues feist plusieurs
complainctes, & sadressa a vng sien filz &
a plusieurs de ses voyfins triste & melenco-
lieux, & parla a eulx, disant ainsi. Iay en
mon iardin vng arbre bel & plasant, mais
tant y a que ma premiere femme sy est pen-
due, la secōde aussi, & pareillemēt la tierce
qui mest vne peine esmerueillable, si voul-
drois bien auoir vostre cōseil sur ce cas. Or
les voyfins a qui il faisoit ce recit estoient
mariez a femmes noysies & tenceresses:
lung diceulx luy feist responce. Tes trois
femmes se sont pendues a trois branches de
larbre, ie te prie donne moy vng greffe de
chascune branche, affin quen departe entre
nous voyfins qui auons mauuaises fem-
mes: si les planterons dans noz iardins, ou
le temps aduenir noz femmes se pendront,
qui nous fera vng grand reconfort & ioye
singuliere, parquoy me semble que tu as
grand tort de plorer la perte de celles qui te
tourmentoient iour & nuit. Le mary a qui
ses femmes estoient pēdues alla en son iar-

din, & print de chascune des trois branches
vng syon, & les bailla a lung de ses voy fins
qui se delibera les departir aux aultres.

Sens moral.



Ar cest arbre qui est plante au
ardin. on peut fantasier pour
le iardin nostre cuer, & pour
l'arbre qui est plante, nostre
sauueur & redempteur Iesu-
christ. Par les trois femmes qui
se sont pendues en l'arbre, pouons fantasier
& entendre que l'homme a trois femmes en
ce monde qui le tourmentent iour & nuict,
& se nomment concupiscence charnelle,
Volupte mondaine & orgueil: mais si tost
que l'homme qui est pecheur congnoist la
follie de telles femmes, & que par le moyen
de la grace de dieu il veult amender la con-
science des trois femmes despitees, qui a-
uecques luy ne prennent plus leurs plaisirs
se vont pendre a cest arbre. Concupiscence
se pend a la corde de ieusne & chastete.
Orgueil a la corde d'humilite, & Volupte a

la corde daulmosne. Celluy qui demande les trois branches pouons figurer au bon chrestien, qui de toute sa puissance les veult desirer & appeter, non pas pour luy, mais pour tous ses voyfins, affin quilz plantent en leurs iardins, qui sentend en leurs cueurs vng arbre, ou se pendent ses trois femmes qui sont cause de plusieurs pechez. Le mary qui ploie pour la perte de ses trois femmes, on peult prendre pour le malheureux homme, qui est courrouce quand peche se pert dauecques luy, car il prend plaisir & delectation a pecher: Toutefois souuent a la persuation d'ung homme de bien, celluy peult estre remis a bonne vie, & se repentant faisant penitence, acquiert la vie eternelle.

De demander bon conseil aux sages.

Nobles seigneurs, qui sont promptz, diligentz,
Deliberez ouyr parler les sages
Acquierent bruiet, esprit ont prudetz gens
Pour gouverner leurs subiectz & leurs gés,
Jeunesse aprend les dictz de telles gens,
Cela luy sert souuent en maintz passages,
Seigneurs sont prestz de punir les oultrages
Silz ne croyent point fault parler de leger,

30 Les fantasies

Par ce scauroient les pertes & dommages,
Les maulx commis en villes & villages
Et ceulx qui font les larcins & pillages,
Car en eulx est les faulces corriger.

30 Cest vng grãd bien dauoir prince prudẽt
Qui a desir faiẽt vertueulx aprendre,
Quand il congnoist vng mauuais incident
Qui peult venir par aulcun accident
Ou questrangers ont dessus luy la dent,
Facilement pourra leur cas entendre
Comme prudent iuste responce rendre
A vng chascun, tant soit grand blasonneur
Disimuleur quand est raison dattendre
Voulant tousiours a bonne fin pretendre,
Fier aux mauuais, aux bons cuer piteux
tendre,

Paruenir faiẽt les hommes a honneur.

30 Il ne suffist quon soit docte en scauoir,
Estre beau, fort quelque chose quon die,
Congnoistre fault dont peult venir lauoir
De ses subiectz, comme on le peult auoir
Pour sur ce cas en faire son debuoir,
La est requis mettre son estudie,
Les seigneurs sont subiectz a maladie
Comme leurs serfz, nest nul qui ne le sache
Autant peult viure vng homme qui mãdie
Que ceulx qui font tousiours chere gaudie

Qui lentend bien a ce ne contredie,
Aussi tost meurt le veau comme la vache.

☞ Aulcunesfoys les seigneurs font des cas,
Dõt le peuple est cource & se veult plaïdre,
Mais motif est de noyses & debatx,
Car a pecher prend plaisirs & esbatx,
Parquoy Dieu veut que guerres & cõbatx
On mette sus pour son vice refraindre,
Poignez villain prest sera de vous oingdre,
Mais oingnez lay, il vous poindra fil peult
Si est requis de sa chaleur estaindre
Tout par raison le tailler & contraindre,
Non trop au vif, le picquer & attaindre,
On na tousiours argent, quãd on nen veult.

☞ A la balance il fault ses faictz peser,
Le chemin plain suyuir & droicte voye,
Yre & chaleur oster & despriser,
A ce quon faict regarder, aduïser,
Ne parler trop. quand vient a deuïser,
Chose on ne voit quõ ne cõnoisse ou voye
Sige seigneur qui a son cas pouruoye
Est a prïser, sil veult rememorer
Que cest de luy, & quand il se foruoye
Le spirit en est debile & se desuoye,
Puis la mort vient qui le cite & conuoye,
Prince prudent on le doibt honorer.

Exemple.



VNg roy il fut, qui eut en fantasie de senquerir qui estoit le pl^s sage homme de son empire, esperant se gouverner selon sa doctrine & introduction. On luy amena vng clerc docteur, entendu & bien morigine, auquel lempereur deist, que ce feust son plaisir luy donner aulcune bonne doctrine, tant pour soy gouverner que monst^rer exemple a ses princes, seigneurs, gentilz hommes, escuyers & subie^z. Le docteur ou clerc voyât le bon vouloir de l'empereur, & le desir d'apprendre quil

auoit, luy enseigna sept choses assez ambiguës à être d'entendre, touteffoys l'expositiō se pourra veoir au sens moral, apres la narration de ceste hystoire. Le premier enseignement est, Ne passe point la balâce. Le second, ne fouille point au feu avecques vng glaue. Le troysiesme est, ne prens point de couronne. Le quatriesme, ne mages iamais de cuer d'ung oyseau. Le cinquesme, quāt tu seras party ne retourne point. Le sixiesme, ne chemine point par voyes & chemins publics. Et le septiesme, ne seuffre point vne Arondelle gazer en ta maison. L'empereur tout fantasie a cause quil ne pouoit entendre souuent la doctrine de son docteur, luy pria de luy exposer la doctrine quil vouloit quil gardast en son cuer, luy promettant que apres ce quil auroit congneu le cas pourueu que la chose luy feust profitable la garder a son pouoir. Ainsi le prudent & vertueux docteur en fist l'exposition qui sensuyt.

Expositiō a

L'HISTOIRE PRE-
CEDENTE.



LE scientifique docteur dist a l'empereur telz motz, Nous pouons entendre & figurer par la verge de la balance la vie humaine. L'un des bacsins pour toy qui es renommé le plus paoureux homme qui soit sur la terre. Or te fault il entendre quant tu arrives au monde, C'est a dire quant tu es né, tu ne apportes sur terre non plus que le plus paoureux. & mesmemēt autant en est il au departir, Car tout ainsi que tu es sorty du ventre de ta mere sans riens apporter, tout ainsi retourneras en terre sans riens reporter des biens mondains. Si est requis ne passer point la balace, cest a dire ne desirer que ce qui te est necessaire pour la vie, Et fais ainsi que le vultour qui de sa propre nature, quant il a

prins sa proye, il essaye sil pourra voller avecque icelle en lemportant, & sil voit que ace faire ne soit suffisât il en laisse vne partie, & emporte ce quil peult seullement par quoy peult voler au lieu ou il desire. Mais il y en a qui sôt cōtraires aux vaultours, Car ilz estudiant iour & nuyt a trouuer inuētions pour rauir les biens daultuy te donnant plusieurs cas a entendre & si tu les escoutes & fais a leur plaisir ilz te chargeront de si pesāte proye, & eulx mesmes aussi que impossible fera tant a toy que a eulx voller en hault cest au royaume de paradis. Et est grand folye a gés de eulx charger de pl^{re} pesante fais que ilz ne peuēt ne doibuent porter. Soit dōcques diuisee ta proye: cest a dire tes richesses, & en retiēs seullemēt par hōneur pour ta necessite donnant le demourāt a gens clerics & entēdus, mesmes a ceulx qui te ont seruy & secouru au besoing & non pas a flateurs & gens qui ne pensent que a orgueil & voluptez mōdaines. La seconde doctrine, Ne fouillez au feu dūg glaiue qui se peult étēdre. Ne prouoque poit a fureur par rudes parolles ceulx qui sôt courroucez & marris par ainsi comme le feu qui est sās air quant les tisons sont dessoubz la cendre ilz ne rendent pas gueres grand chaleur,

mais en prenant vng glaue & fouillant dedans, en luy donnant air, incontinent il en flambe. Pareillement lhōme ire & courrouce a qui les langues bauereſſes ſont preſtes a mal dire quant veulent iniurier, peuent eſtre diſtes le glaue qui enflamme le feu. Lhōe yreulx eſt ainſi que la chaulx qui a en ſoy vne chaleur lattēte, & iamais ne ſeroit demonſtree qui ne ieſtētoit de leaue deſſus, mais incontinent quō en ieſtēte elle rend ſes chaleurs & fumees. Tout ainſi que yreulx ne deſcouure ſō yre qui ne le picque ou argue, Mais incontinent que on le redargue & reprent, luy diſant aulcune parolle qui luy tourne a deſplaiſir, ſoit bien ſoit mal, de luy ſaillent tresgroſſes noyſes & diſcordz dont viennent pluſieurs mauſx, & pour la cauſe, ie te aduertis que ne fouilles point au feu dūg glaue. La tierce choſe eſt, Ne prēs point la couronne, qui ſe peult entendre, ne reprens point les loix des citoyens, Or la cite en quoy nous ſōmes pour le preſent nous figure pour legliſe, & les loix pour les doctrines dicelle eglise, leſquelles nul ne doit reprendre ne corriger, mais les ouyr hūblement & icelles enſuyre. Si eſt requis eſcouter les parolles de legliſe, garder ſes loix & commandemens & tenir ſi nous voulons a-

voir part au ciel. La quatriefme doctrine est
 Je mangens point du cueur doy seau qui se
 eult entendre, ne murmures contre Dieu &
 e prens tristesse en ton cueur pour quelque
 duerfite quil te puisse aduenir. Car lhôme
 aige ne se esiouit de grâde richesse, & aussi
 e ses bahyt, se grande paourete luy aduiét.
 Parquoy fault tousiours auoir en son cueur
 resche & recente memoire de la puissance
 ie dieu, & se esiouyr en son aduerfite com-
 ne faisoient les Apostres, & martirs, quant
 es tyrans les menoyét au lieu de tourment.
 La cinquiesme doctrine est, quant tu seras
 party ne retourne point, qui se peut enten-
 dre, Quant tu seras party de peche ny re-
 ourne plus. Mais plusieurs fôt aussi comme
 a couleure que quant elle se veut coupler
 & ioindre a la lamproye succe son venin
 rouuant moyen de se vofmir en quelque
 ieu puis incontinct se ioinct a la lamproye
 & sô vouloir accompli retourne au lieu ou
 a laisse foudict venin & le reprent: Tout
 ainsi plusieurs veulent estre conioinctz a
 lieu vomissant le venin deuant lautel qui
 eult estre entendu se cōfessant de leurs pe-
 chez, mais incontinct y retournent & fôt
 plus prestz a mal faire que deuât, La sixief-
 me doctrine est, ne cheminez poit par voyes

publicques qui se peult entendre la voye de
peche qui est si large que par icelle plusieurs
vont a perdition. La septiesme est, ne seuf-
fre point vne ardeur de gascouiller sur ta ma-
ison qui se peult entendre, Ne peche point
ton cuer, contre lequel murmure ta con-
science, mais destre, auoir & gagner la vie
eternelle.

De confide-

RATION ENVIEUSE.

Les inuenteurs qui songent nouueaux
cas
Aulcunesfoys ilz ne se doubrent pas
Du grand danger ou se veullent submettre
Si est requis besongner par compas
Et si se faict mal iouer a son maistre
Fortune veult aulcunesfoys desmettre,
Ceuloy qui faict vne oeuvre meritoire
Et si ne peult estre atous notoire
Car le plaisir de son seigneur lefface,
Ainsi son art n'est mis en repertoire
Tel faict du bien, & si son mal pourchasse

Il est des gens qui sont par trop subtilz,
Et a monstrier leur esprit trop hatifz
Dont sont punis en temps & en saison
Necessaire est quil soit des inuentifz
Et que deulx on note le blason,
Mais les punir sans droict & sans raison,
Il mest aduis quil nest requis ce faire,
Veu quilz ont faiet pour aux seigneurs cō-
plaire
Moralitez, cuy dans estre en vateur,
Chose bié faiete, a plusieurs peult desplaire
Fortune donne au bon heur ou malheur.

Par trop parler les vngs sont mal venus,
On en congnoist de bien entretenus
Pour caqueter & ne dient riens qui vaille,
Les vertueulx des folz sont incongneuz,
Les ygnorans aux saiges ont bataille,
Tel a le grain qui ne deust auoir paille,
Les biens mondains sont ainsi departis
Il y en a quon despesche gratis,
Par blasonner, flaterou beau parler
Aultres sont grands que lon faiet bien petis,
Selon le temps fault la voylle caller.

Et touteffoys puis quil nya si fin
Ne si subtil quil ne faille en la fin
Passer le pas de la mort tant terrible,
O ii

Il est requis iustement viure affin
 Destre sauluez, cela nous est possible.
 Aulcuns sont prestz de corriger la bible
 Pource quilz sont vng peu audacieulx
 Ce nonobstant quilz soyent trop vicculx,
 Et ayant lesprit inepte & fantastique
 On na vouloir gaigner les biens des cieulx
 Au temps present tout pense a la praticque

Exemple.



VNg noble & trespuissant cheualier se
gouerna si bien a la court de limpe-
rateur, que apres la mort dicelluy, le-
dict cheualier fut esleu par les seigneurs &
mesmement par le peuple a limperite. Incō-
inēt quil eut accepte le gouuernement de
empire, il se monstra vertueulx en bataille
mais peu de temps apres myst ses vertueulx
aitz en nonchalloit & chassa temperance
hors dauec luy. Aduint que vng quidā mist
en sa fantasie aller par deuers ledict impe-
rateur qui apres son salut se vanta en sa pē-
tē, forger vng voirre de excellente beaul-
te, ce que lempereur luy permist, Et incon-
inēt quil fut forge, le presēta audiect empe-
reur qui le iecta contre terre le plus rudemēt
quil peult en telle facon quil fut ploye aul-
cunement, mais ledict ouurier le print & a-
uecques sō marteau le dressa comme sil eust
forge de lor ou l'argent. Ce voyant lempere-
ur demanda a louurier, cōme il estoit pos-
sible faire telle chose. Responce luy fut fai-
cte par ledict ouurier que homme qui fust
vuiant sur terre ne scauoit ceste sciēce fors
luy, parquoy ledict empereur eut fantasie
que si telle sciēce venoit en vsage lor & lar-
gent seroiēt peu estimez, Si commanda que
ledict ouurier fust decolle, Ce qui fut fait.

Fantafie fur

CESTE EXEMPLE.

CEst empereur no⁹ peult figurer aul-
cûs clouestiers ou aultres qui deuât
quilz soient promeus a grandes di-
gnitez, offices, & richesses sont assez
humbles & paciës, Mais apres quilz
sont esleuz en dignite ou en honneur sont
aultrement quilz ne doibuent & se fondent
sur vng prouerbe qui dit . Les honneurs
muent les conditions ou manieres. Par lhõ-
me qui a offert le voirre pouons figurer le
paoure qui de bon cueur offre au riche quel
que present , & sil ne luy plaist il le iecte
incontinent & ne le veu't pas recepuoir.

mais est yreulx luy faisant tant de
maulx que bien souuent le pao-
ure homme apres quil a prins
peine a captiuer sa bene-
uolence, voyant quõ
nen tient compte
il en seuffre &
endure la
mort.

De congnoistre enfans naturelz &
legitimes de avec les aultres.

LAuteur.

A Vlcuns ya qui nourrissent enfans
Presupposant les auoir engendrez,
Leur plaisir est de les veoir triumphās
Comme en lescript cy apres entendrez,
Et puis apres la raison en rendrez,
Dāgier y est beaucoup plus que ō ne cuyde
Bon nest auoir aux mauuais habitude.
Daulcūs bastardz est requis faire estime
Car on en voit qui sont preux & hardis,
Faifans secours au frere legitime,
Tant par leurs faictz cōme par nobles ditz
Il y en a de fiers & estourdis,
Qui font des mauz, ygnorās no^r en sōmes
Les doys vnīs ne sont aux maīs des hōmes.
Se on apperceoit entre freres discord,
Se possible est en y doibt la paix mettre
Souuent aduient que quand le pere est mort
Ny a celluy qui ne vueille estre maistre,
Si est requis aux saiges se submettre,

Les fantasies

A fin de oster tout reproche & excès
Amour ne regne ou il ya proces.

30 Faire du bien tandis qu'on est en vie,
C'est le meilleur, car apres mort attendre
Les heritiers ont de happer enuie,
Et nont couraige a prier dieu pretendre,
A leur profit sans cesser veullent tendre,
Par ce moyen se lieuent maintz discordz,
Au temps present on faict diex de trefors.

30 Tant plus mōdains sont caducz anciens
Plus on les voit fondez en auarice,
Sont ilz pas folz destre praticiens
Quād mort les presse, & quilz en ōt notice?
Se attendent ilz auoir pardon du vice,
Quilz ont commis? par prieres futures
Maint dangier vient attendant aduentures.

30 On a fonde messes vng million,
Qui en vng iour se doibuent toutes dire
Mais on les passe a vng fidelium,
Chascun le scait, nul ny peult contredire,
De gens deglise on ne doibt point mesdire,
Mais il en est qui sont marchans de messes.
Dieu est parfaict il congnoist noz finesses.

30 Aulcuns enfans lisent ioyeux romantz,
Liures exquis ont dedans leurs repaires,
Ou penent trouuer les textes & commentz,
Que estudier doibuent sans vituperes
Ce leur deplait le liure est ennuicux

Tel souuent chāge a qui nen est de miculx.

¶ Apres la mort on congnoist que sert
Celuy qui est mys soubz la tombe ou mais
Durant son temps, tel estoit franc qui sert,
Honneur auoit, & apres il a blasme,
Car il despend a ieux ou sort infame
Le reuenu que son pere a acquis,
Hanter les bons faict les hommes exquis.

Exemple.



IL fut vng roy tresnoble de lignaige & de condition qui eut a fême & espouse vne tresnoble Dame, ce neantmoins elle neust pas tousiours souuenance de promesse de mariaige faicte a son mary. Car elle conceut troys enfans masles non de la semence dicelluy. Lesquelz enfans la dame fist reffus les nourrir de sa mamelle, mais les enuoya nourrir aux champs. Toutefois congnoissans son peche se voulut abstenir de son vuloir libidineulx. Et peu de tēps apres conceut de la semence de son mary vng beau filz quelle nourrist & alla de ses propres mamelles, aulcun tēps apres le roy alla de vie a trespas & fut son corps ensepuely & mis honorablement ensepulture. Incontinent ses quatre enfans eurent debat pour la succession de leur pere, en telle facō quilz estoient prestz a tuer lung lautre. Toutefois il y auoit vng noble cheualier qui durant le regne du roy leur pere, auoit eu gouuernement du royaulme, auquelz ilz baillerent charge iuger de ce different. Lequel cheualier considerant plusieurs choses leur dist quil ne scauroit bien discerner de leur cas, filz ne faisoient tirer leur pere hors du cercueil ou il estoit. Ilz se acorderēt to⁹ que il fust tire, & par le cōsentemēt diceulx

fut mis debout contre vng arbre & lye pour le garder de tûber a terre. Ce faiât, le cheualier dist aux éfâs quil estoit requis que chascun deulx fust garny dūg arc & aussi dung traiât. Ce quilz firêt. Lors ce cheualier leur dist. Vous tirerez to⁹ quatre cōtre vostre pere, & celuy qui le percera le plus profōdement il obtiēdra le royaulme & en sera dominateur. Le conseil du cheualier leur fut agreable. Si prindrent tous leurs arcz & les banderēt, poserent leurs traiâtz en coche prestz de tirer cōtre leur pere mort é la presence de plusieurs. Le premier tira contre le roy quil cuydoit son pere & luy perca de son trait la main dextre tout oultre. Et pour ceste cause il fut proclame quasi cōme vray heritier du royaulme. Le secōd assena le roy par la bouche, & pour ceste cause se disoit estre pl⁹ certain & vray heritier que sō frere premier ne. Le tiers tira & assena le roy par le cueur qui pour tel coup se disoit estre vray heritier. Le quatriesme quand il aprocha pres de sō pere iecta sō arc & sō traiât contre terre, & se print a plorer disant.

O Cueurs peruers, oultrageux & despitiz
Réplis derreurs, peu cōstâs é courage
Pl⁹ venimeulx que serpens ou aspicz
Mal regardez vostre lasche onuraige,

Les fantasies

Quand vng tel prince & noble persónaige
Après sa mort naurez par cruaulte,
Tout enfant doibt a pere loyaulte.

O desloyaulx regardez le fortfaict
Que auez commis & le grant vitupere,
Nostre pere est passe, mort, & deffaict
Chascun de nous soubz sō bō bruy & pro-
Tous voz espritz auarice supere, (spere
Que auez vous faict le voulant martirer?
Dung or chemin il se fault retirer.

Retirez vous, faictes dicy despart
Prenez ses biens ie les vous quitteray,
De ses trefors ne vueil auoir ma part,
Parce moyen ia ie nen iouyray,
Mais a iamais ie vous reprocheray
Vostre auarice & merueilleux deffault,
Au temps present le sens naturel fault.
Nobles seigneurs, barons, iuges, prudentz,
Iaymeroyz mieulx perdre tout lheritaige
Que deuant vous qui estes presidens
Ne en aultre lieu ie fisse tel oultraige,
Pere & amy qui tant fut preux & saige
Treshumblement par raison & droicteure,
De mon habit couuriray ta nature.

Freres amys regardez en pitie.
Nostre bon pere en terrible estat mis
Las il a eu vers nous tant d'amytie,
Que a nostre vueil plusieurs foys cest sub-
mis,

Or s'omes nous ses peruers ennemys
Quand de noz traitz percons sa chair tant
tendre
De ce quon faiet fault en fin compte rendre.

L'acteur.

TElles parolles dictes proferrees par la
bouche du ieune enfant ayant regard
a ces pleurs & lamentations, le prin-
ce du royaulme ensemble tout lediēt popu-
laire esleurent le ieune enfant comme le
vray, iuste, & loyal heritier du royaulme,
& fut couronne de couronne royalle & mis
en la place de son pere. Au regard des troys
autres enfans non legitimes, ilz furent pri-
uez de toutes dignitez & chassez dehors du
royaulme.

☞ Fantasic sur l'hystoire.

PAr le roy saige, noble, & riche pouōs
figurer le roy des roys . & seigneur
des seigneurs, lequel a a compaignie &
pris a espouse nature humaine qui depuis

a acomply fornicatiõ avec les dieulx estranges & non ayant souuenance de s^{on} espoux, acue comme aduiliere troys enfans qui se peuvent entendre les payens. Iuifz, & heretiques. A ce que le premier a naure la mai du roy se peult entendre que les payens ont reffuse la doctrine de Iesuchrist que il leur enuoyoit prescher par ses apostres & disciples, mais ilz estoient martirez par iceulx de plusieurs playes mortelles. Par le second filz quil a frappe de son traict par la langue & dedans la bouche, pouons entendre que les iuifz naurerent Iesuchrist quand on luy bailla a boire, fiel & vin aigre, Par le troysiesme filz qui a este si mauuais & peruers que quand il a veu son pere ainsi naure de plusieurs playes, au plaisir de ses freres na point laisse a le frapper par le corps & laisser au cueur, se peult signifier les heretiques qui apres la mort de Iesus ont naure & martire les fideles chrestiens, lesquelz chrestiens ont vng cueur, vng corps, & vne ame. Et de ce dit le psalmiste. Ilz ont aguyse leurs langues comme serpens: & aussi ilz ont appareillees fleches en leurs trouffes. Par le quatriesme filz qui na point voulu tirer contre le corps de son pere, apres ce que les autres le ont naure de leurs traictz, se peult

entendre le bon chrestien qui a la crainte de Dieu ne le voullant offencer, mais est cource du peche des aultres. Et si daduventure la offense il est prest & delibere satisfaire, & en faire penitence a son pouoir. Si deuons scauoir que celuy qui ainsi fera, fera exalte le iour du iugement au royaume de Paradis.

De ingrati-

TVDE, ET DE LA PVNI-
TION ET DE CEVLX
QVI SONT INGRATZ.

A Vuleuns mondains sont pleins de ingratitude
Et saulcū leur fai& quelque desplaisir
A le greuer ilz mettent leur estude,
Quand riches sont, laissent leur habitude
Aultre party desirent de choytir,
De le greuer ont singulier plaisir,

Les fantasies

Quasi tous prestz te tuer & deffaire,
Qui plaisir faiet on luy doit plaisir faire.
Se despouille pour aultruy reuestir,
Cest bon vouloir & oeuvre charitable,
Aulcunesfoys on sen peult repentir,
Quand homme ingrat ne se veult consentir
Congnoistre ceulx qui font oeuvre louable
Leur desir est de le veoir miserable
Et toutesfoys il leur a faiet ce bien,
Qui donne tout ne luy demeure rien.
Donner le sien & puis en demander
Le franc se veult oster de sa franchise,
Faire fault ce quon souloit commander,
Courir trotter, ou on souloit mander
Estre reprins dont on faisoit reprise,
Disciple a qui on a lecon aprise,
Il faiet grant mal destre reprins par luy.
Qui na dequoy nest prise aujourduy.
Quand a flatteurs on veult aiouster foy,
Il mest aduis que cest grande simplesse,
De bien seruir ilz font deuoir, mais quoy
Quand vous serez avec eulx a requoy,
Ilz parleront de vostre grant richesse,
Puis vous feront faire quelque promesse,
Dont en apres ne vous voudrez desdire
Croire ne fault tout ce que lon oit dire.
Vng bon vouloir a qui il est aduis
Que on luy fera ainsi quil voudroit faire

Par aucuns folz ses biens luy sont ravis
 Il sen desmeſt pour faire a leur deuſ.
 Affin du tout a leur vueil ſatiffaire,
 On luy prōmeſt ce qui eſt neceſſaire
 Durant ſa vie, & quil ne fera rien,
 Au temps preſent il fault garder le ſien.

☞ Apres quon a le ſien ab andonne
 Et quon nen veult aucune part reprendre
 On pert ſon temps, car rien neſt redonne,
 Encor on a ce qui eſt ordonne,
 Et ſon le baille, il fault long temps attendre
 Ceſt grand follie, ainſi quon peult entendre
 Mettre a ſes piedz ce quō tient en ſes mains
 Au tēps preſēt on voit des trōpeurs maintz.
 ☞ Aucuns ſont boiſ durant leur paourete
 Simples & doulx comme ieunes pucelles,
 Penſez y bien, car tel paoure a eſte
 Durant lyuer, & quand vient en eſte
 Quil a dequoy, eſt au reſc des rebelles,
 Qui veult bailler a gens pleins de cauettes
 Tout ce quil a, on luy ioue de phebe,
 On congnoiſt moyne alors quil eſt abbe.

Exemple.



IL fut vng noble & trespuissant prince, qui auoit vng seul filz, & estoit sa fantasie laymer sus toutes choses, presupposant luy vouloir accorder toutes ses requestes, sans riens excepter. Aduint que lenfant vint en aage suffisant, si feist requeste a s^{on} pere se vouloir desmettre de son royaume, & le mettre en possession durant sa vie, luy donnant a entendre quil feroit son plaisir, obeyssant a ses cōmandementz miculx que sil nestoit point constitue en telle dignite, luy remonstrant aussi comme il estoit en decrepite de vieillesse, & quimpossible luy estoit vacquer aux affaires du royaume. Le roy fantasie de ceste requeste fut pensif par aulcune espace de temps :

Toutteffoys il luy feist responce, quil le feroit voluntiers, sil estoit certain que son filz le traiçast humainement le residu de sa vie, ce que le fillz promist. En oultre apres ce que son pere luy auoit donne la couronne, il ne feroit aulcune chose que par son conseil & commandement, en luy faisant plus dhonneur qua soy mesmes, & de ce feist serment deuant tous les princes, seigneurs, iuges du pays & tout le peuple. Le roy se confiant a la promesse de son filz luy donna son royaume, sans riens retenir, luy presentant la couronne, quil receut deuant tous. Apres quil fut possesseur du royaume, par aulcune espace de temps, il eut son pere en grand honneur, mais il sen ennuya, & petit a petit seshongnoit de son pere, & en tenoit peu de compte, tant que par succession de temps, il le delaisa du tout, & estoit honteux quand il le veoit deuant sa magnificence. Ce voyant le bon & ancien Roy, en feist sa complaincte aux princes & seigneurs, lesquelz furent deliberez luy remonstrier son ingratitude, & de faict luy en parlerēt vertueusemēt, en le reprenāt: ce qui luy despleut, car il ne vouloit estre repris de nulluy, touteffois il endura la correction, nonobstāt quil en eust dueil

en son courage, & eut fantasie faire enfermer son pere en vng chasteau, ou nul ne pouoit entrer sans son conge, ce quil feist: & fault noter que le bon roy y endura plusieurs necessitez. Aduint vng iour que le ieune roy estoit alle a la chasse, & poursuiuit tât vng cerf quil se perdit dedâs le boys, en telle maniere que nul homme ne scauoit quil estoit deuenu: si fut contrainct se retirer dedans le chasteau ou estoit son pere, ou se feist traicter le mieulx quil peult, sans que sondict pere en eut aucune recreation, toutesfoys il fut aduertty que son filz estoit au chasteau, parquoy eut en sa fantasie de se presenter deuant luy pour laduertir de sa fortune, esperant auoir de luy quelque gracieuseté: ce quil feist, en disant. O mon cher filz, considere le bon vouloir que iay eü vers toy, & que me suis despouille de mon royaulme pour te reuestir: Regarde moy en pitie, pense a la captiuite la ou ie suis, rememore ma vieillesse & decrepite, ayes regard a ma necessite, contemple ma maladie, a laquelle peulx donner aucune portion de ton vin. Le ieune roy feist response a son pere, disant. Je ne scay fil y a du vin ceans. A quoy le bon ancien roy doucement laduertit, quil y en auoit cinq

onneaulx, mais que le Seneschal auoit
faict refus de luy en bailler, pource quil luy
estoit expressement deffendu par luy, tou-
effoys il luy deist. Je te supplie que pour
a bien venue me faces donner a boire du
premier tonneau, car il me semble que par
ce moyen ie recouureray ma sante. Le ieune
filz sexcusa, disant : Mon pere, ie ne ten
donneray point, car cest moult qui est fort
contraire a vieilles gens. De telle excuse le
pere fut content, mais il luy supplia que
par son moyen il peust boire du secōd ton-
neau. Le roy feist responce quil nen feroit
riens, & quil le vouloit garder pour luy, &
pour les ieunes gens qui le suyuoient. Le
paoure pere luy demanda du tiers tōneau :
Le ieune roy en feist reffus, disant quil estoit
trop fort pour luy, & que sil en buoit, ce
luy causeroit vne fiebure qui le mettroit en
danger de mort : Le pere luy feist requeste
auoir du quart tonneau, dont pareillement
le ieune roy feist reffus, disant quil estoit
aigre, qui estoit cōtraire a sa complexion.
Le pere encore pour esprouuer sa volonte,
luy demanda du cinquiesme tonneau. Re-
sponce luy fut faicte par son filz, quil nen
buroit point, & que ce nestoient que lyes
& reuersures, parquoy sil luy en baillait a

Les fantasies

boire, & que mort sen ensuyuiſt, les princes, seigneurs & iuges du pays le pourroient accuser de crime. Ce voyant l'ancien roy, se retira en son paoure logis, & eut en fantasie descrire vnes lettres ausdictz princes, seigneurs & iuges du pays, contenant la paourete & misere ou il estoit detenu par son filz, & que pour lhonneur de dieu trouuaſſent moyen de loſter hors de ceste calamite. Les princes & seigneurs voyantz la pitie du bon ancien roy, qui durant son regne les auoit si bien & vertueusement regis & gouuernez, mesmement l'ingratitude de son filz, tindrent le conseil, par lequel il fut dict que le pere seroit remis en son premier estat, & le filz seroit mis en chartre perpetuelle, ce qui fut fait.

Fantasia sus ceste hystoire.



ON peult applicquer & prendre cest ancien Roy a nostre Seigneur, & le filz a vng chascun chrestien. A ce quil aymoist tant son filz, on peult entendre que Dieu nous a tant ayez quil a fait toutes choses mondaines subiectes a nous, en nous donnant tous ses biens. A ce

quil deuient paoure, il se doibt entendre que les paoures de ce monde sont ses membres : lesquelz paoures ont fain, soif, chault, froit, & plusieurs aultres accidentz de maladie : & les riches qui ont les biés de dieu ne leur en veullent donner ne departir. A ce que le roy nous demande a boire du premier tonneau, on peult entendre par le tonneau enfance, par laquelle Iesuchrist doibt & veult estre seruy. A ce que le mauuais enfant respōd cest moust, il veult dire. Je faiēt ieunesse, & ne puis faire bonnes œuures en mon enfance, veiller ne prier dieu. A ce quil demande du deuxiesme tonneau, il sentend que dieu veult estre seruy du chrestien en sa ieunesse : & a ce quil en faiēt reffus, se peult interpreter que le ieune enfant diēt & sexcuse a Dieu. Je ne puis maintenant applicquer ma ieunesse a ton seruice, pource que le monde se mocqueroit de moy, disant. Voila ce ieune homme qui deuient bigot & ne daigne conuerser avec les aultres, parquoy ie vueil obtemperer a leur vouloir beuuant & mangeant avec eulx, en appetant choses mondaines. A ce quil demande du troiesme tonneau, & que le filz luy respond, cest vin fort, se peult entendre. Je suis en ma force & puissance,

& se ie faisoie penitence, nature se pourroit debilitier en moy, & appetisserois ma force, ce qui rabefferoit mon honneur, car ie vueil suyuir les batailles, saillir, dancer, & seruir les dames a leur plaisir. A ce quil demande du quatriesme tonneau, & que lenfant luy respōd, le vin est vieil & aigre, se peult entendre que le chrestien sexcuse, disant. Je suis ia vieil, & ne puis ieufner ne veiller, pource que ma nature est debille & foible. Finablement a ce quil demande du cinquiesme tonneau, & quon luy en fait refus, disant ce sont lyes, sentend que quād nature deffault a lhomme, impossible luy est vacquer a penitence, & considere que quād il estoit en sa force, beaulte & richesse il cuidoit tousiours estre: mais maintenant il est impuissant, parquoy aduient souuenteffoys quung tel homme tombe en desesperance, & en ce point fine sa vie: parquoy est incontinent quil est mort, vne grand plainte deuant Dieu & la court celestielle, ou sentence est donnee, disant. Allez malheureulx au feu eternel, lequel vous est appareille.

B On faißt seruir princes & grandz seigneurs,
 Car paistre nest quē grāde seigneurie,
 Le seruiteur qui en seruant varie
 Quand doibt prier commande quon le prie
 Il nest pas dict de vertu enseigneur,
 Necessaire est de garder son honneur
 En bien seruant estre prompt & loyal,
 Sil a le nom destre bon gouuerneur
 Sans ce quil soit larron ne rapineux
 Il sera cause euitier vng grand mal.

☛ Il est requis de son seigneur garder
 Songneusement que tort on ne luy face,
 Tout aussi tost quon le regarde en face
 Scauoir soubdain, quil demande ou quil
 cherche
 Et laccomplir sans nullement tarder,
 Ne le souffrir blasonner ne larder,
 Mais au besoing son corps en dāger mettre,
 Trop familier ne soit au regarder
 Ne trop hardy quand vient a brocarder
 Danger y a se iouer a son maistre.

☛ Songneusement est requis de veiller
 Comme celluy qui a puce en loreille
 Sans quaucun vice a son seigneur conseille
 Ce quil luy fault conuient quil appareille,

Les fantasies

Ne plaindre peine a courir, trauailler,
Sobre en menger, mesmes a babiller,
Considerer trois foys ce quil veult dire,
En sa maison tout conduire & reigler
Par bon moyen, non des biens saueugler,
Sil est hastif, amoderer son yre.

Se son seigneur le trāsme&t quelque part
Honneitement doibt faire son voyage,
Garder de faire a son semblable oultrage,
Ne pourchasser a ses subie&t z dommage,
Car il ne scet quand dauec luy depart,
Aulcunesfoys faire son cas a part,
Mais quil ny ait au maistre preiudice,
Na ses subie&t z peult prendre bonne part,
Mais doulcement en cuitant malice.

Bons seruiteurs sont honnorez, prisez
Et les mauuais regardez a grand honte,
Sorgueil les suy t, supedite & surmonte
De leur seigneur ilz tiennēt peu de compte
Quand lappercoit leurs gages sont brisez,
Sa mal parler ont engins aguisez
Chassez seront ainsi que chiens de lastre.
Seruantz, il fault que ce cas aduisez
En regardant que cest que deuisez,
Peu vault celluy qui est acariastre.

Exemple. ¶



IL fut vng empereur, qui eut fantasie de
trouuer vng bon & loyal seruiteur : &
pour en recouurer vng, ordonna & feist
edict que ceulx qui voudroient estre a son
seruice frappassent trois coupz a la porte
de son palays, affin quil feust aduertty de
ce quilz vouloient, appetioient & scauoient
faire. Or aduint de cas de fortune quil y
eut vng paoure homme, pour lors appelle
Guido, lequel ayant la congnoissance de la
loy & edict ordonne par ledict empereur,
& en rememorant sa fortune, deist telz
motz. Je suis paoure & destitue de tous
biens mondains de parente & lignee vile,
parquoy, le plus expedient & meilleur que
ie puisse faire est de me mettre seruir, & par

mon seruice & labeur acquerir biens & richesses, que iournellement viure en ceste paourete & indigence. A ce que dessus est dict sadueniura approcher de la porte du palays, & selō le dit & loy imperialle frappa trois coupz contre ladicte porte du palays, auquel son, le portier luy ouurit la porte: luy entre dedans se prosterna a deux genoulx deuant l'empereur, le saluant, qui le receipt amyablement, & parla a luy en telle maniere. Mon amy, dy moy que tu demandes. Sa responce fut, estre en vostre seruice, si cest vostre plaisir. L'empereur luy demanda quel seruice il luy pourroit faire, sa responce fut quil estoit experiente en six seruices. Le premier, quil scauoit bien garder la personne dung grand prince, lauer ses piedz, parer son liēt & preparer ses viandes. Le second seruice, quil scauoit veiller quand les aultres prenoient repos, & dormir & reposer quand les aultres veilloient. Le tiers seruice, quil scauoit bien goustier vin, & discerner mixtions de vins au goust. Le quatriesme, quil congnoissoit & scauoit inuiter gens a quelque banquet a lhonneur de celluy qui feist le conuy. Le cinquiesme seruice, quil scauoit bien faire feu sans fumee, & eschauffer ceulx qui ont

froyt . Le sixiesme seruice quil scauoit bien
 adresser le bon chemin & seure voye vers la
 terre sainte en telle facon quilz en retour-
 neront en sante, Lempereur oyant respon-
 ces luy dist. Tu es digne de loyer, mais
 que tu faces ce que tu as dit, parquoy ie te
 retiens pour lung de mes principaulx ser-
 uiteurs, Lempereur le voulut experimenter
 quant au premier point qui estoit touchant
 la garde de son corps, disant pour la pre-
 miere annee quil auroit la garde deluy, ce que
 guido accorda, la premierenuict para le liect,
 luy laua les piedz & se coucha tout arme
 a lentree de lhuy, ayant avecques luy vng
 chien bien abbayant, afin que se aulcū ve-
 noit subit quant il dormoit quil sesueillast
 par labboy dudiect chiē, dont lempereur fut
 content & eut agreable ce premier seruice.
 Lan reuolu, lempereur le feist senechal pour
 venir a cōnoistre son secōd seruice. Guy-
 do se voyāt en tel honneur tandis que leste
 dura ne cessa dassēbler biens & veiller nuyt
 & iour afin de faire prouision pour lyuer.
 Et quant lyuer fut venu & que les aultres
 veilloient pour gaigner leur vie il prenoit
 son repos, ainsi accomplist son deuxiesme
 seruice. Ce voyāt lempereur layma treffort
 & se resiouyst dauoir vng tel seruiteur.

Puis appella son eschanſon auquel il com-
 manda qu'on baillaſt audiſt guido dedans
 vne coupe dor du vin aygre, de tresbon vi
 & du mouſt ceſt vin nouveau, afin d'expe-
 rimer ſon tiers ſeruiſe ce qui fut faiſt.
 Incontinent quil eut gouſte diſt. Il fut bon,
 il eſt bon, il ſera bon. Ceſt a dire le vin nou-
 ueau ſera bon, Le bon vin eſt bon, & le vin
 aygre fut bon. Ce voyant par lempereur le
 vray iugement du vin meſle, luy comman-
 da aller par tout ſon royaulme, es villes &
 chasteaulx pour iuiter tous ſes amys a vng
 banquet, quil vouloit faire au iour de la
 natiuite noſtre ſeigneur qui ſe debuoyt
 feſtiner en brief & eſpace de temps, & e-
 ſtoit pour ſon quatrieſme ſeruiſe, guido ſe
 transporta par les villes & chasteaulx & ne
 pria aucuns des amys de lempereur, mais
 tous ſes ennemys y furent iuitez tant que
 le iour venu, les ennemys de lempereur
 eſtoient en ſi grande quantite que la ſalle en
 eſtoit quaſi toute pleine. Quant lempereur
 les vit il fut tout perturbe, & appella
 Guydo diſant. Je ne te auoye pas baillie
 charge de iuiter mes ennemys. Aquoy le-
 diſt Guydo fiſt reſponce, tu as tes amys
 toutes les fois que tu les veulx mander. Je
 t'ay amene tous tes ennemys, leſquelz par

le moyen de lhonneur que tu leur fais de les
conuier a ton banquet deuant que de par-
tir ilz seront tous tes amys, ce qui aduint,
dõt lempereur fut plus resiouy que deuant
& dist. Benoist soit nostre seigneur qui a
permis que to^p ceulx qui souloiet estre mes
enemys, sont au jourdhuy mes amys. En a-
pres lempereur luy commanda faire le cin-
quiesme seruice, qui est faire du feu säs fu-
mee, ce quil feist. Car en este mettoit le boys
au soleil & le faisoit seicher en telle manie-
re que incontinet le feu prenoit, dont on se
pouoit eschaulfer sans fumee. Lempereur
luy commanda faire le sixiesme seruice, luy
promettant döner plusieurs richesses sil lac-
complissoit. Parquoy le voulant accomplir,
feist faire edict par le cömandemēt de lem-
pereur, que ceulx qui voudroient entreprē-
dre le voyage pour aller a la terre saincte
feussēt prestz & apareillez. Plusieurs le suy-
uirēt iusques au port de la mer. Et la venu,
leur monstra vng roch, sur lequel auoit vng
nid doyseau, leur disāt que audiēt nid y
auoit sept œufz, & ledict oyseau y prenoit
moult grāde delectation, & estoit sa nature
telle, que quāt la mer estoit douce & trāquil
le iamais ne partoit de son nid. Mais elle se
enfloit par vens impetueulx incötinent quil

en sortoit hors, en telle facon que ceulx qui pour lors estoient sur mer, estoient peris & noyez en la mer. Les assistans luy demanderent comment ilz pouroient congnoistre si loyseau estoit en son nid ou non, auquel Guydo fist responce que iamais ledict oyseau ne laissoit son nid si ce n'estoit par vng aultre oyseau cruel, qui ne taschoit a luy casser ses œufz & luy ieûter s^{on} nid: les voyagers luy demanderēt comme on pourroit garder que ledict mauuais oyseau ne greuaît celluy qui estoit en son nid. Sa responce fut que le mauuais oyseau ne hayoit chose au monde plus que le sang d'ung aygneau, & quil cōuenoit en esperger & en arrouser ledict nid affin de garder ledit mauuais oyseau den approcher, ce quilz feirent. Et par ce moyen allerēt & reuindrent sains & sauues en la terre sainte, ces choses voyant l'empereur & la prudence d'uidict Guydo luy fist des biens innumerables.

Fantasia &

APPLICATION A L'HISTOIRE PRECEDENTE.

PAr cest empereur on peult entendre & figurer dieu nostre pere createur qui a ordonne que qui hurteroit trois coups a la porte de lesglise militate, cest a dire par oraisō, ieusne, & aumosne quil seroit agreable a dieu, par consequent auroit le souverain bien qui est la vie eternelle. Par Guydo paoure homme on peult signifier tout hōme yssant du ventre de la mere, car on n'apporte nulz biens en ce mōde, si tost que lhōme est ne, en recepuant le sacrement de baptisme il promet a Dieu faire fix seruices agreables. Par le premier qui est garder le corps de sō seigneur tout arme, se peut entendre que celluy qui veult estre seruiteur de dieu, doit estre arme des armes de vertu affī que nulle tentation nentre en la chambre de son cuer pour faire quelque offense a son seigneur, & est requis auoir vng chien qui se peult étēdre bōne cōscience qui murmure contre les vices. Et aussi quil prepare bien le liēt de son cuer, par œuures de misericorde & chāge ses draps, cest a scauoir les vices en vertus par contrition de cuer. Lauer aussi deux foys les piedz a son maistre, se peult entendre plorer ses pechez & auoir de son meffaiēt confession, & satisfaction. Le second seruice est, que no^s auons promis

Q

veiller en bonnes œuvres quant les autres
 s'endorment en leurs pechez. Par le iugement
 du vin aygre melle avec bon vin & moult.
 Se peult entédre que mort endurer & souffrir
 martyre & penitence a este bonne chose
 aux saintz & saintes qui ont vescu en
 ce monde. Par le bon vin est entendu que
 les martirs boyuent doulx breuaige au ciel,
 & par le moult qu'on aura ioye inestimable,
 quant le corps & lame seront iointz & vnis
 ensemble au iour du iugement. Le quatries-
 me qui est inuiter les hommes au banquet
 de son maistre, & a ce que Guydo ya inuite
 ses ennemys, se doibt entendre que l'hom-
 me vertueulx doibt inuiter les ygnorans, &
 ceulx qui sont pecheurs a lencontre de dieu.
 a bonnes œuvres, & a delaisser leur peche.
 Le ciquiesme seruice qui est de faire du feu
 sans fumee, peult estre entédu que qui veult
 paruenir au royaulme celestiel, il est requis
 nauoir aucune fumee de hayne ne rancune
 en son cueur, a lencontre de son prochain.
 Le sixiesme seruice, cest que il fault ensei-
 gner la voye de la terre sainte qui se peult
 entendre vers le ciel. Et qui y veult preten-
 dre, il fault passer par la mer, qui se peult
 entendre ce monde. Par le roch qui est meil-
 leur de la mer, se peult entédre le corps hu-

main, & par le nid le cuer de l'homme, par
 loyseau le saint esperit qui y reside par ver
 tu de baptesme. Par les sept œufz les sept
 dons du saint esperit, lequel pourueu quil
 reside continuellement dedans le nid, cest a
 dire dedans le cuer ou on pourra facile-
 ment passer a la terre sainte, que prenons
 pour la vie eterneile. Et qui veut tousiours
 auoir le saint esperit en son cuer le doibt
 asperger du sang de l'agneau, cest ascauoir
 dauoir continuelle memoire & recordation
 en nostre cuer de la passion de Iesus. Et se
 ainsi le faisons loyseau contraire, cest asca-
 uoir le dyable denfer ne nous pourra gar-
 de deparuenir a la terre sainte qui est la
 gloire de paradis.

De perfection de vie.

Celuy requiert auoir punition
 Qui rompt la loy par le pree establee
 Car il a faict a bonne intention,
 Au subiect nest bailler correction
 A son seigneur puissance & ennoble
 Vng estourdy qui ceste foy oublie.
 Cuyde que nul ne congnoisse son cas
 Se contre droit quelque chose public,

Qui

Les fantasies

Force luy est en la fin quil supplie,
Aulcunesfoys nest requeste accomplie,
Touſiours nest creu le conseil daduocatz.

Celuy est sage qui veut temporiser,
Comme le temps peult venir le fault prédre
De soy cuyder haülcer auütoriser,
Par trop parler aultruy scandaliser
Qui na mal faiët, on nen est a reprendre,
Aulcunesfoys on veut trop entreprendre,
Mais on se brusle en prenant chault trepie,
Ou dit tel prent a qui fault le sien vendre,
Mais quant il veut a bonne fin pretendre
Vng tel en parle & ne le scait entendre,
On ne scait pas que lasne a au pied.

Labourer fault, qui veut viure & mäger,
Ou autrement on nest digne de viure,
Par trop soubhaiter de leger
Plusieurs se sont mis en trèsgrand danger,
Si est requis conseil des bons ensuyuré
Dieu a baille a Moyse certain liure,
Ou sont escriptz tous ses commandemens,
Obseruôs les, puis que en noz maïs les liure,
Car qui les rompt vault pire que vng hom-
me yure,
Et a le cueur plus venimeulx que cuyure
Ou leaue croupist ou que agus ferremens.

Mais qui nous meult des choses équerir
Qui aulcunement ne peult ayder ne nuyre,
Nous ny pouons nul honneur acquerir
Se leauc cuydons amont faire courir
Cest tout abus, ne soleil de nuyt & luyre,
Le fol vouloir aussi le sage instruyre
Ny a propos, cest par trop entreprins,
Laißôs seigneurs en leur triumphe bruyre,
Dames aussi resiouyr & desduyre,
Pensons de nous bien reigler & conduyre
Ainsi de nul, nous ne serons reprins.

Exemple.



Qui

IL fut vng empereur qui eut en fantasie par le conseil dung nigromancien ordonner telle loy, que qui ne celebreroit tous les ans le iour de la natiuite de son filz Cestassauoir cesser de toutes oeuvres mecaniques, le propre iour que il fut ne il seroit mis a mort. Or est il ainsi que l'empereur doubtoit que aucun secrettement ne fust cōtre son commandement. Et ce voyant par ledict nigromancien fist vne statue par art magique qui disoit & reueloyt a l'empereur tous les maux & secretz pechez que on cōmettoit le iour, qu'on debuoit festiuer ladicte solennite, & ainsi par l'accusatiō de ceste statue plusieurs estoient condamnez a mourir. En ce temps estoit en la cite vng forgeron nommé Focus qui besongna ce iour ainsi quil auoit faict les aultres iours, & quant il fut couche en son lit luy print vne fantasie, considerant que plusieurs estoient accusez par ladicte statue & puis mis a mort, parquoy se leua plus matin que il luy fut possible, alla deuers ladicte statue & luy dist telles parolles. O statue, statue plusieurs meurent par toy a cause de ton accusation, mais ie fais veu a mon dieu que si tu me accuses ie te romperay la teste, & incontinent ledict Focus sen alla a sa

maison faire sa besongne. Aduint vng iour
que lempereur ainsi quil auoit de coustume
enuoya deuers ladiete statue pour scauoir
se quelcun auoit rompu son ordonnance.
Les messagiers arriuerent deuers elle, luy de
mandant sil y auoit homme qui eust con-
temne la loy establie par le pereur ausquelz
ladiete statue fist telle responce. Regardez
lescript qui est en mon fronc, & puis en al-
lez faire le recit a vostre maistre. Les messa-
giers regarderet sur le fronc de ladiete sta-
tue & apperceurent manifestement troys
escripteaulx. Au premier estoit escript. Té-
pora mutantur. Homines deteriorantur.
Qui voluerit veritatem dicere caput fra-
ctum habebit. Le premier est escript. Tem-
pora mutantur. Cest a dire le temps se chā-
ge, le second. Homines deteriorantur les
hommes empirent, le tiers. Qui voluerit ve-
ritatem dicere caput fractum habebit. Cest a
dire. Celuy qui voudra dire verite aura la
teste rompue. Incontinent les messagiers fi-
rent le rapport a lempereur des escriptz
preditz, lempereur enuoya querir ses che-
ualiers a qui il commanda estre armez, &
allera ladiete statue demander qui estoit
celuy qui auoit contredit a son edit, me-
me qui auoit menace ladiete statue &

que sil estoit trouue quil fust amene piedz & mains liez deuant luy. Les cheualiers firent le commandemēt de leur prince & seigneur. Et quand ilz furent deuant la statue luy dirent comme lempereur vouloit quelle leur mōstrast ou aduertist de celuy qui par oultrecuidance auoit contemne la loy, & aussi qui la menassoiet & que le pereur estoit delibere de en faire eternelle punition. La statue leur dist prenez le forgerō Focus. Car cest celuy qui nuyt & iour offence la loy, & qui me menace. Incontinēt ledi Focus fut prins & mene deuant lempereur qui assez begninement le redargua en disant. Mō amy pourquoy est ce que tu viole la loy par moy ordonnee. La respōce de Focus fut, Mōseigneur ie ne puis garder la loy, pource quil me conuient auoir tous les iours huyt deniers, ce que ne puis sans grande peine, le pereur luy demanda pourquoy. Focus sexcusa disant que chascun iour luy failloit rendre. ii. deniers quil auoit empruntez en sa ieunesse, aussi quil en prestoit deux autres, en perdoit deux & en despendoit deux, lempereur voulut estre informe plus clerelement touchant ce cas, parquoy Focus luy dist monseigneur ie suis tenu donner pour chascū iour deux deniers a mō pere. Pource

que deuant ma ieunesse mon pere les despendoit pour moy. Or est mon pere deuenu pource & vieil, si ne le vueil laisser en necessite, mais luy subuenir a son affaire. cōnoissant le bien que il ma faict de me eleuer iusques a ce que iaye eu puissance de gagner ma vie. Les deux aultres deniers ie les preste a mon filz que ie entretiēs a lestude, afin que se dadventure ie deuiens vieil & paoure comme mon pere, mon filz face enuers moy ainsi que ie fais a mondict pere. Les deux aultres deniers ie les pers, car pour entretenir & nourrir ma femme force mest les bailler, & touteſſoys elle est tousiours de opinion contraire a la mienne, elle est pleine de sa propre volunté caute & subtile enuers moy, parquoy ie pers ce que ie luy baille. Les deux aultres deniers ien metz vne partie en vestemens & lautre partie ie lēploye a boire & menger. Si ne scauroye faire plus chichement que ie fais, ainsi suis contraint besongner par chascun iour ou estre en necessite, lempereur fut content de ses excusations & luy pardonna son meffait, permettant quil besongnast quand bon luy sembleroit loyalement ainsi quil auoit accoustume, mais peu de temps apres ledict empereur se acquita du tribut naturel. Aduint

que pour la prudence dudit Focus, il fu
esleu par les saiges gouverner l'empire ou
se monstra moult vertueulx, & apres sa mor
on mist sa statue avec les aultres statues &
imperateurs. Et sur le chief dicelle on mist
huyt deniers pour perpetuelle memoire.

Exposition.



PAr cest empereur pouons fantasier le
roy celette qui a fait vne loy que
qui violeroit le sabat, cest pour le iour
dhuy le iour du dimanche, & aultres
festes comme leglise la ordonne il
mourroit de mort. Mais pour le temps de

maintenant plusieurs ya qui commettent plus de pechez aux iours solennelz , que a ceulx ou il est permis labourer & ouurer, tẽ les gens sont comparez au poissõ de mer, car quand il faict quelque frimas ou petite pluye & il se eslieue ou faulte sur leaue & est frappe dicelle pluye, il est quasi hors mort & hors dallaine iusques a ce quil se soit rassasie & ait reprins sa vertu & plaisir dedans leaue de la mer. Semblablement les mondains qui sont en la mer de ce monde, quand ilz sortent ou saillent dehors de leurs besongnes pour aller a leglise ouyr quelque messe ou sermon, il leur seale quilz ne sont pas bien a leur aise, mais en grande misere iusques a ce quilz soient rassasiez des choses mōdaines. Par le magicien qui a faict la statue pouõs entẽdre le sainct esperit qui parle par la bouche des prescheurs, pour nous annõcer les vertus & reprẽdre noz pechez. A ce quil ya escript sur la statue. Letẽps se change nous le pouons figurer pour la primitive eglise, car ilz estoient plus prõptz de vacquer a prieres, & oraisons quilz ne sont auourd'hui . La terre produysoit son fruyct plus abondamment & les elements changent souuent de proprietẽ pour les pechez des hommes. Le second est.

Les hommes empirent comme nous voyons clerement. Au temps ancien les gens estoient plus deuotz aulmosniers & charitables qu'ils ne sont pour le iourd'huy. Au tiers escript qui est. Qui voudra dire verite il aura la teste rompue. Pour le iourd'huy si vng precheur veult declarer les pechez des riches & puissans & il y aura plusieurs murmureurs a lencontre de luy, & sera menace selon ledict de ysaie qui dit en son. xxxi. chapitre. Loquimini verba placentia. Cest a dire dictes motz plaisans & agreables. Et pour ceste cause dict lapostre. Il sera vng temps que verite ne sera point soubstenuë pour la maison Disrael, Par Focus le forgeron pouons entendre vng chascun bõ chrestien qui continuellement laboure en bõnes oeures & operations charitables, doibt donner par chascun iour deux deniers a son pere celeste. Cest a dire amour & honneur. Amour pource quil nous a tant aymez quil a permis son seul filz descendre du ciel & pour noz pechez souffrir villaine mort, honneur pource que toutes choses procedēt de luy, & sans luy nous ne pouons faire aulcun bien. Les deux deniers que prestons a nostre filz est celuy dont parle ysaie disant, Le petit enfāt est ne pour nous, parquoy luy deb-

ions bailler deux deniers par chascun iour
 andis que sommes en ceste mortelle vie, cest
 bonne volonte & bonne operation, quand
 nous serons paoures au iour du iugement &
 que nous apparoiſtrons comme nudz, il no^s
 prendra les deux deniers en la vie eternelle
 comme il est escript. Vous prendrez cent
 foys au double & aurez la vie eternelle. A ce
 que nous perdons deux deniers que nous
 baillons a nostre femme, on peut entendre
 nostre malheureuse chair, laquelle est chaſ-
 cun iour contraire a nostre esperit & se peu-
 uent entēdre les deux deniers que luy bail-
 lons, mauuaise & folle volonte, & mau-
 uaise operation. Nous perdons ces deux de-
 niers, cest a dire que nous serons punis de
 noz meſſaiētz en ce monde cy ou ē l'autre.
 A ce que nous despendons deux deniers sur
 nous meſmes chascun iour, il ſentend que
 nous aymons dieu & nostre prochain cō-
 me nous meſmes. Si eſt requis expoſer ſai-
 gement les biens qu'on acquiert qui veult
 paruenir a la ioye eternelle.

Lacteur.




Prenez en gre princes, seigneurs, prelatz
Ioyeusement les fantasies predi&tes.
En les faisant l'acteur a prins sou'as,
Redarguez doucement les redi&tes
Raison par tout, dire ce mot nest las,
En esperant a ces choses condui&tes.

Gloire & hōneur soit a gens congnoissā
Rememorant les oeuvres qu'on a fai&tes,
Il est requis auoir port des puissans
Nestre rebelle aux paoures languissans,
Grāt ouurier est qui fai&ct choses par fai&tes
Or ie te supplie a rethoriques telles,
Remettre au neant faultes il est possible
En composant chascun nest pas virgille.

Raison par tout.

30 Cy finissent les fantasies de mere Sotte
Nouvellement Imprimees a Paris, le
dixiesme iour de Iuillet mil cinq
cens trentehuyt, par Denys
Iannot Libraire demou-
rant en la Rue neuf-
ue nostre Dame
a L'enseigne
Saint
Iehan Baptiste contre Sainte Ge
neuiefue des Ardens


* PATERE AVT ABSTINE,



* NVL NE SI FROTE;









SPECIAL

PQ

1625

G7

F21

1538

86-B

22623

THE GETTY CENTER
LIBRARY

